


國民政府  
公文程式大觀

第五編  
公共團文

- 一 農工商界文件
- 二 教育界文件
- 三 其他法定團體文件
- 四 民衆文件



國民政府  
公文程式大觀 第五編目錄

各公團文件範式

第一類 農工商界各項文件

農界呈文：(一件)……………一

農界公函：(三件)……………二

農界公電：(五件)……………四

工界呈文：(五件)……………六

工界令文：(一件)……………一三

工界公函：(三件)……………一四

工界布告：(五件)……………一五

公文程式大觀 第五編目錄

第二類 教育界各項文件

工界公電：(七件)……………一八

商界呈文：(十八件)……………二二

商界公函：(四十件)……………五二

商界布告：(二件)……………八三

商界公電：(二十件)……………八四

教育界呈文：(十七件)……………一〇二

教育界公函：(六件)……………一二〇

教育界公電：(三件)……………一二四

第三類 其他法定團體各

項文件

各團體呈文：(十三件)……………一二五

各團體公函：(十六件)……………一四二

各團體公電：(十三件)……………一五五

第四類 民衆各項文件

民衆呈文：(八件)……………一六三

民衆公電：(六件)……………一七五

國民政府  
公文程式大觀

第五編 各公團文件範式

【農界呈文】

●吳江縣農民協會籌備委員會

呈江蘇省農民協會籌備委員

會請轉呈省政府准予設立農

民銀行分行以救貧農

爲呈請轉呈事。竊敝縣吳江農民居多。農產本富。近來農業一落千丈。甚至村落荒涼。民不聊生。推厥原因。實由經濟壓迫所致。且舊震縣屬農民育蠶爲大宗。育蠶之多寡。視資本之厚薄。而一般爲富不仁之流。乘農民需錢之急。投機放債。種種盤剝。春間則有加一鈞梢葉名目。秋則有梢米利米

轉斗米名目。貧農智識淺薄。急不暇擇。剝肉醫瘡。飲鴆止渴。其結果棄田拆屋。鬻女賣妻。亦不鮮見。言之可慘。今者大江南北國民革命成功。借款利率已有規定。貧農得重見青天白日。額手相慶。無如該項貧農久處經濟高壓之下。一時驟難自立。一般爲富不仁之流。亦不願再開抵押之門。際茲過度時期。困難尤甚。省政府早鑒及此。徵集畝捐。爲全省農業銀行之資本。已在派員籌備中。南通等縣亦有呈請設立分行之舉。而敝縣貧農受經濟之壓迫。較苦於他邑。設立農民銀行之需要。亦更急於他邑。解放農民。首在經濟。渡此貧農。早登彼岸。正值千載一時。委員等目擊農村經濟狀況。援助貧農。責無旁貸。安敢緘默。爲此據情呈請鈞會鑒核。迅予轉呈省政府示遵。在吳江縣地方設

立農業銀行分行。以救貧農而絕重利。實爲公便。謹呈。

【農界公函】

●江蘇省農民協會籌備委員會  
致省政府請令飭各縣協助農  
民運動函

逕啓者。敝會自成立以來。對於蘇省各縣農民協會籌備事宜。業經委派幹員。設立籌備處。從事籌劃者。已有三十八縣。籌備員名單。亦經呈請省黨部轉咨鈞府通令各該縣縣長。准縣農民協會接收前農會等情在案。近據各縣籌備處報告。均稱各該縣縣長。對於農運。類多罕能盡力協助。致感障礙等情。據此。查農民解放。爲先總理手定政策。凡我黨員。均應謹慎遵守。力謀實現。縣長爲一縣行政領袖。尤應引導民衆。實行主義。擁護本黨農

工政策。以示表率。乃一月以來。查各縣長之真能切實予縣農民協會以經費之協助。與法律之保護。並能認識農民運動與國民革命之關係者。殊不多見。大都陽奉陰違。坐視不理。甚或暗中阻撓。誣陷良善。借國民革命之美名。實施貪官污吏之狠毒。譬如各縣所委鄉行政委員。與農民之利害關係尤切。乃據調查所及。大都爲土豪劣紳之變相。或與地痞土棍互相表裏。誣陷忠實同志。阻止農運。以逞所欲。如吳江縣縣長張健。其尤著者也。農民惕於權勢。敢怒而不敢言。區鄉農民協會。暗中受其阻撓。進行困難。更就縣農民協會籌備經費而言。應由各縣長盡力籌措。責有所歸。蓋取諸農民者。如田賦附徵及雜稅等項。每年每縣多則數十萬。少亦數萬元。今各縣縣長對於縣農民協會籌備處經費。大都千方推諉。以致各縣協會。成爲殍局。寧非怪事。我國農民。佔全國人口百分之

八十餘。地方行政機關。爲民衆謀利益。換言之。卽爲農民謀利益之機關也。再者先總理有言。國民革命。卽農民革命。則聯絡農民在同一之革命戰線上。爲達到革命成功唯一要圖。今爲農民謀利益之地方行政領袖。不明此義。無怪其一味敷衍推諉。視各級農民協會爲無足輕重也。共產黨知農民革命之重要。故到處利用農民。以達其破壞搗亂之目的。以搖動國民革命之根本。今欲肅清赤黨餘孽。謀國民革命之根本鞏固。尤非急籌農運不可。況各縣農民協會籌備費。依照敝會所定。每月至多不過千元。以一縣稅收之所入。卽此區區爲農民謀利益之正當費用。猶不欲負籌措之責。其非本黨忠實信徒者。可斷言也。案准前因。理合函請鈞府。尅日通令各縣縣長。對於在本黨主義指導之下之農民協會。應竭力協助。並予以經費之接濟。與法律之保護。俾其易於進行。早底成

公文程式大觀 第五編

功。實爲公便。此致。

●江蘇省農民協會籌備委員會

致各縣縣長請照撥縣農民協

會籌備經費函

逕啓者。查各縣縣農民協會籌備經費。業由敝會第十四次常務會議決。茲按照縣分之大小。地點之衝要。與所居農業地位之輕重。核分全省各縣爲甲乙丙三等。甲等縣農民協會籌備經費每月八百元至一千元。上海、松江、銅山、無錫、丹徒、吳縣、南通、江都、淮陰、東海、宿遷、江寧、十二縣屬之。乙等縣每月六百元至八百元。崑山、武進、東台、阜寧、六合、崑山、宜興、江陰八縣屬之。其餘四十二縣均爲丙等縣。每月籌備費四百元至六百元。此種經費標準。除已通令各縣農民協會籌備委員遵照標準數目就近與貴縣長接洽辦理外。理合函請台

端查照撥給以利農運。實爲公便。此致。

### 【農界公電】

#### ●江蘇省農民協會通電組織委

##### 員會

各報館鑒。茲爲統一江蘇省農民運動工作起見。業由總政治部召集東路軍總指揮部政治部。省黨部。南京市黨部。及前江蘇省農民協會籌備處會議。議決由總政治部會商省黨部。並由省黨部發表。改派委員九人。組織江蘇省農民協會籌備委員會。復由委員會舉定余心一。秦仁昌。田士捷。爲常務委員。會省爲秘書。冷德龍爲總務部長。顧子揚爲組織部長。左景烈爲調查部長。會省兼宣傳部長。均於五月十日就職。假南京楊將軍巷鐘南中學開始辦公。所有以前南京亭林中學。正誼中學兩處省農民協會。均停止進行。以後江蘇全

省農民運動。統歸本委員會指導辦理。委員等誓遵三民主義。指導全省農民。盡力革命工作。完成新江蘇之建設。特電奉聞江蘇省農民協會籌備委員余心一。顧子揚。葛建時。左景烈。田士捷。秦仁昌。王禮錫。冷德龍。會省同叩。真印。

#### ●廣東省農民協會潮梅海陸豐

##### 辦事處電蔣總司令請回總師

##### 干完成革命

寧波蔣總司令勳鑒。我公秉承總理遺志。提師北伐。連克湘鄂閩贛蘇浙豫皖諸省。統一中國。直指顧間事耳。不意共逆挑撥離間。陰謀破壞。我公遵奉中央決議。執行清黨。護黨救國。全國響應。而武漢同志。現亦悔悟來歸。正我黨同志團結勢力。完成國民革命之際。忽讀宣言。飄然遠列。革命進行。頓失重心。凡屬同志。莫不震驚喪志。伏維我公爲

黨國屏帷。萬方斗杓。現在北伐尙未成功。逆黨亟待撲滅。我公何忍遽爾高蹈。致陷國事於糾紛。亟懇我公俯徇國人公意。勉任艱鉅。回總師干。完成國民革命。實現三民主義。上慰總理在天之靈。下慰民衆喁喁之望。敵處竭誠擁護。誓爲後盾。迫切陳詞。伏維察納。廣東省農民協會潮梅海陸豐辦事處主任張凌雲叩印。

### ●廣東省農民協會潮梅海陸豐辦事處電胡張吳蔡李諸中央

#### 委員請回掌中樞完成革命

上海民國日報轉胡展堂張靜江吳稚暉蔡元培李石曾諸先生鈞鑒。頃聞諸公聯翩遠引。殊深震駭。竊以諸公爲黨國柱石。總理信從。當此北伐尙未成功。逆黨亟待撲滅。而武漢又已悔悟來歸。正本黨團結勢力。完成國民革命之際。端賴諸公繼

續奮鬥。以竟全功。諸公何忍遽爾高蹈。置黨國大計於不顧。亟懇徇國人公意。勉任艱鉅。回掌中樞。完成國民革命。實現三民主義。上慰總理在天之靈。下慰民衆喁喁之望。敵處竭誠擁護。誓爲後盾。迫切陳詞。伏維察納。廣東省農民協會潮梅海陸豐辦事處主任張凌雲叩印。

### ●青浦縣農民協會籌備處電江蘇省政府請制止十四區各村農民協會祕密集會

萬急南京江蘇省政府鈞鑒。竊查職屬第十四區（觀音堂）各村農民協會組織糾察隊。每晚祕密集會。阻止會員於冬至前繳租。當經職處飭令解散其糾察隊。停止其工作。電請江蘇省黨部省農民協會籌備委員會辦法在案。乃近聞仍有祕密集會。濫發宣言。行動詭祕。刻正在嚴密審查中。

方今各縣共黨活動。該區應如何處理制止。伏祈鑒核示遵。臨電不勝迫切待命之至。青浦縣農民協會籌備處常務委員馬良驥叩。

### ●中華農學會在浙會員臨時大會電張靜江請回浙主政

南京張靜江鈞鑒。吾浙自革命軍肅清軍閥以來。省政黨務即為擾亂份子勾結做革命的反動派所把持。不滿一月。社會擾亂已極。險象環生。莫可終日。今雖暴徒捕獲。反動派遠颺。而腐敗官僚投機份子。尙盤踞要津。非歡迎我要公回浙主政。不足以澄清吏治。三民主義政府。更無由實現。況省政關係社會民生甚鉅。又不可一日無人主持。本日敝會召集在浙會員開臨時大會。一致議決。歡迎我公即日回浙。以重省政而慰民望。臨電不勝迫切翹企之至。中華農學會在浙會員臨時大會

叩。

### ●無錫縣農民電江蘇省政府請制止漁局勒索

抄送南京國民政府委員會。財政部。江蘇省政府委員會。江蘇民政廳鈞鑒。漁業事務局。征稅範圍。以凡屬江湖河海水產品物等漁類為限。農民等在私有糧產池蕩所養副業漁類。與專在江湖河海公共水道漁取水產品物者截然不同。江浙漁業事務局第三區無錫縣稽征所。誤引條文。勒索稅項。病民擾農。誓不承認。務懇糾正制止。解除農民痛苦。無任哀籲待命之至。無錫縣開原及揚名等鄉私家養魚農民蔣伯榮。吳祖道。榮梅春。袁生大。邱金甫等三百餘戶全叩。支印。

### 【工界呈文】

### ●上海工統會呈特別市政府為

## 改推委員請核准備案

呈爲工統會改推職會委員。再懇批示祇遵事。竊職會於一月十一日准工統會公函。爲上海工會組織統一委員會。已實行結束。交由各工會代表聯合辦事處接洽。改名上海工統會。推定顧永泉、陸鏡湖、楊廣寶、蔡乾三、桑玉堂、五人接替前上海工會組織統一委員會。推定委員。出席職會。接任委員職務等由。職會當以事關本身組織。未敢擅行承認。謹於一月十六日。具文呈請鈞府核示。祇遵在案。迄今日久。未奉鈞示。而會務重要。未便久懸。爲再具文呈請。伏乞鑒核批示。俾便祇遵。至爲公便。謹呈上海特別市市政府市長張。

## 上海工統會呈東路軍政治部

### 解釋工會組織

呈爲呈報事。茲據職會組織部呈稱。本月五日報

載東前政治部第六次部務會議宋滌塵君之報告。對本會之呈報事項及職部組織系統。多有誤會之處。概括其要點。(一)責本會未將各工會呈報政治部手續殊欠完備。(二)同一工廠有第一、二、三工會分會。組織系統凌亂。工人有發生衝突之虞。職部以爲在此積極改組工會中。宋君此種誤會。最易惹起一般工友減少信仰本會意念。尤其有礙職部組織進行。認爲有解釋必要。茲特分述如下。(一)在最近期間。本會因本市黨政機關紛出組織工會。指揮不一。工友莫知適從。以致發生種種糾紛。本會感覺此種困難。因有呈稱東前政治部。劃清權限。同時并有速頒條例之請求。此項問題。近始解決。故於已改組成立之各工會。今方着手造表。以便分別呈報。願經改組之工會數凡二百以上。自非一朝一夕所能蕪事。此應請宋君諒解者。(二)共產黨之煽惑工人。窮數年之精

力。百計經營。勢力之潛植。不可謂不深。因其唯一之伎倆。在以少數人操縱多數人。而入手之方法。則在組織整個的工會。絕不願整個工會之下。應如何組織。因之各個工人但有盲從。不特自身之痛苦無從告訴。乃至工會之要爲何種動作。事前亦竟茫然無知。而共產黨乃以幹事會少數幹事操縱指使。以無知工人爲釀造恐怖之犧牲者。本會之奉令改組。其根本要圖。一方在喚醒工人。有及早之覺悟。一方尤在指導工人有自動之組織。故於共產黨所利用爲操縱工具之工會。不但宜改換頭面。易其名稱。尤要刮骨剜瘡。去其腐穢。乃決採用各個擊破之策。略以小組爲基本。以分會爲集團。而同一工廠之內。更許其如因工人人數太多又不同一工作班亦得成立第一、二、三、工會分會。有多個本業分會之成立。然後再組織業聯工會。蓋際此進行清黨時期。每個工會中終不免

仍有惡化份子。在內。潛謀不軌。固曰有調查部可以隨時偵察。然以八十餘萬工人之衆。耳目容有未周。先之以各小組之互相糾舉。再由各分會中互相糾舉。第一分會可以糾舉第二分會。而第二分會亦得糾舉第一分會。一經糾舉。卽加偵查。倘果確實。則施制裁。爲求嚴密計。洵不可無此由散而整之組織。宋君所引爲最詬病焦點。不知卽本會所苦心深慮。然後決定之方法。至云工人有發生衝突之虞。此固工運進程中不能避免之事。卽使無第一、二、三分會之分。亦未見其遂能俱臻輯睦。要在視其將來指導之結果何如耳。若夫組織系統凌亂之言。不知果何所指。組織系統表早已呈請陳主任核定。宋君或尙未知。原擬早日將系統表與組織綱要小冊印出。分送各機關。俾咸明瞭。祇以本會經費缺乏之故。延至最近。始付印刷。此爲無可如何之事。宋君誠能關心工運。不妨

來會索閱。自可瞭然。要之下層工作。在在皆感困難。諸同志善意之指導與批評。誠樂接受。然如宋君之報告。恐有影響工運進行。則望調查翔實之後。方慎重出之。斯爲有當。以上解釋。即希察核。用本會名義函致宋君等情。據此。理合據情轉陳鈞部察核。俯賜轉知宋君滌塵。以免誤會。而礙進行。實爲公便。謹呈。

### ●上海工統會呈上海警備司令

#### 部呈報解散兩工會

呈爲呈報事。竊職會對此次解散上海先施職工會第三分會及永安職工會第二分會事。業於昨日郵電飛報在案。茲更陳明所有經過。並檢集各項證物及反動分子姓名。報請察核。查職會當接收總工會時。檢查卷宗表冊。搜獲該會共產分子總名冊一本。散冊及有關係表冊數種。除將總冊

呈由東前政治部陳主任。轉呈總司令部外。所有散冊及有關係表冊數種。即保留備查。故於改組各工會。皆就其所改選之執行委員姓名。審查對照。如係有名。則列交密查長偵查。果屬確實。即分別加以警告或制裁。所謂按圖索驥。無往弗獲者也。當該先施職工會第三分會與永安職工會第二分會請求改組時。已迭據報告。謂其中多係共產分子。最近共產黨重要分子。潛行來滬。尙於夜間在該會召集秘密會議。散發滿江紅及打倒蔣總司令等刊物。請格外注意云云。嗣既改組成立。核對其所報告執委名單。如楊醉新章光明等。固彰然載在總工會遺留之數冊。再檢閱以前報紙。復多爲總工會之執行委員。乃列交密查隊長嚴密偵查。一面尙以工人頭腦簡單。易爲共產黨迷惑。猶思促其覺悟自新。不期該反動分子。以爲既經假借本會改組之名義。即可有恃無恐。仍復恬

惡不悛。於職會給與之鈐記。置不啓用。依然用總工會給與長方式之印章。襲列以前之號數。忽而聯合三大公司爲一工會。忽而毆打同業分會之會員。忽而謂欲歸市黨部管轄。忽而謂職會即將解散。忽而謂職會受資本家利用。忽而攻訐先施第二分會與永安第一分會爲資本家所組織。且動輒設爲危言。自向各高級黨政機關登陳。無非故爲糾紛之反動。以冀破壞職會統一之權威。此種策略。是否暗中接受共產黨之指使。固尙不得而知。然察其搗亂煽惑。破壞離間之伎倆。洵不愧已得共產黨之衣鉢真傳。職會已在共產黨播毒之後。從事改組工會。此種現象。因爲事勢所不能免之過程。一再容忍。卽各方所檢送之種種證據。亦悉擱置。不欲遽加懲罰。惟昕夕爲之考慮感化之方。與解決糾紛之法。經幾度酌議之後。乃爲定期十二月下午。分兩地點召集先施之第二三分

會永安第一二分會。雙方開全體會議。謀一相當解決。乃十一日忽接先施第三分會來函。謂無開大會解決之必要。職會因再去函勸其勿抗命規避。迨是日開會。先施僅有第二分會全體會員到會。經全體議決。該會受攻訐之在先。施職務係部長而被選爲執委者八人。一律退出。補選純粹職工爲執委。當卽改選完竣。而該第三分會之執委楊醉新等。則是日竟禁止會員不許到會。亦不再作因何不來開會之報告。其爲遠抗命令。雖百隊無以自解也。至永安僅有第一分會全體會員到會。經全體議決。亦如先施第二分會辦法。而該第二分會則不但事前無不到會之來函。卽是日亦由執委章光明等禁止會員。不許到會。用意何居。其爲遠抗命令。更何辭可辯乎。若謂因十二日職會通告。各工會均須參加反日出兵大會之故。然反日大會時間在上午。而召集該兩分會開會之

時間。則在下午。微論先施之第二分會與永安之第一分會是日上午亦均參加反日大會。而下午皆能依期到會。且職會固均早有去函約定召集時間。亦烏能執此以飾非文過。綜納上述經過。在此清黨時期。有共產黨嫌疑。而證物至於三十件之多。早已解散而有餘。矧下級工會不受上級工會之指揮。滋生反動。豈特違背職會總章。亦何貴有此工會哉。雖然反動煽惑者。祇楊醉新章光明等二十餘執委耳。其餘該兩分會大多數之工友。咸受威挾壓迫。原無反動嫌疑與抗命意思。職會為求工友有純正組合之團體。現已着手為之從新改組。另選執行委員主持會務矣。至所有楊醉新章光明等反動分子。仍懇鈞部按照後開各節。分別嚴令通緝逮案懲辦。以絕共產黨謀亂根株。毋為上海工人存留毒素。並請轉報中央黨部國民政府蔣總司令察核。實為公便。除分呈外。謹呈。

### ●上海商務印書館職工會等呈 江蘇省政府呈送上海市勞資 調節暫行條例請採納施行

為請願修訂上海特別市勞資調節暫行條例。以維工人職業保障事。竊自上海勞資調節暫行條例頒布以來。各公司公廠開除工友自由裁人。時有所聞。在雇主藉口勞資調節。為所欲為。於願固償。而令大多數勞動者生計頓絕。無所依歸。釀成社會一大隱患。是豈已盡勞資調節之能事。屬會等因此對於調節條例再四研究。覺其有待商榷之處頗多。如第五條中不問其為大公司抑小商舖。概行規定罷工時東家得有兩人操作。及同條所謂保管責任。係指保存財產之安全。抑指保持財產之工作能力而言。意均疑似而有出入。又第十第十一第十二三條前後抵觸之處更多。如謂

雇主應有自由裁人停業之權。則當日日保有其權。如謂保障勞動者之權利。雇主不能有絕對之自由。何以獨有一日例外。考諸各國勞動條例。皆無此種規定。倘係援用他省習慣。則習慣各地互異。豈可強使從同。而惡習又奚當引以爲法。至於被辭退之工友。規定於一月前通知。並補給工資一月。而不論其服務年月多寡。尤未足以昭公允。證之歐美先進各國。其通知時間。及所補給工資。以服務年月爲正比例者。取法亦失其原意。他若勞資間舊有調節條例。本已有契約上法律保障。而必須再經調節委員會認可。設與勞資調節暫行條例有衝突時。是否即認爲無效。更屬疑問。諸如此類。或則法理上未見周密。或則條文上失諸含混。若不加以修訂。則猶治絲而復棼之。恐於勞資雙方。未必能均沾實益也。查各國解決勞資糾紛機關。不外兩種。一係勞資雙方當事人代表。及

政府代表共同臨時組織之仲裁會。一係由地方法庭兼理。或特設之仲裁法庭。按照現在上海勞資調節委員會之組織。性質何屬。根本上實無疑點。夫以中國今日之經濟落後。勞資有需乎調節。政府誠具卓見。然調節而一有失當。則勞資糾紛終將懸爲不可解決之問題。屬會等以爲不行。規定盡善之條例。作解決糾紛根據。並輔以組織嚴密之機關。以運用條例功能。要皆不足以使勞資雙方得持平之調節。工人職業受相當之保障。伏維鈞府維護勞工。不遺餘力。對此條例。必尤關垂。所有請願修訂上海勞資調節暫行條例緣由。除分呈中央黨部工農部。國民政府。國民政府勞工局。上海衛戍司令部。上海特別市黨部工農部。上海特別市政府。上海特別市政府農工商局。上海工會組織統一委員會外。理合謹具意見書一份。備文呈請察核。迅賜採納施行。不勝屏營待命。

之至。謹呈。

### ●上海烟草工會第五分會呈國

### 民政府請救濟英美烟廠失業

### 工人

呈爲報告拆穿關廠陰謀。工人失業慘况。請予設法救濟事。竊工人等八千餘人。分在英美烟廠新老兩廠工作。本屬相安無事。不料廠方忽藉口營業不振。將廠內各部紛紛宣告停工。今則全廠皆閉。遂使八千餘工友盡陷絕境。廠方所以出此惡辣手段。其真相（一）抵抗烟稅。廠方抵抗烟稅。意在使中國烟廠營業無形停滯。彼則操吾華特殊權利。此種經濟侵略之野心。顯而易見。（二）圖吞儲金。當民國十一年。廠方定有華員儲金辦法。滿五年者。照數加倍。今當期滿。突然停辦。而不給儲金。以每人五十元計算。當在八十萬元以上。（三）

謀破工會。敵會自六月間受工統會改組成立後。廠方因之忌嫉。圖謀破壞。始則開除在廠工友。繼則遷怒於其親屬。亦被開除。詎該工友等受先總理大無畏精神之感化。不爲所屈。近又改換方針。藉口停辦。不給儲金。使失業工友告貸無門。其意在控制工人。解散工會。狠心叵測。用懇設法救濟。以順輿情而救失業諸工友。謹懇設法救濟我八千餘呼號待斃之工人。將該廠存貨拍賣救濟之。並促廠方承認工友方面所提出最低限度之條件。早日開廠。至紉公誼。謹呈。

### 【工界訓令】

### ●上海工統會令各工會偵緝共

### 黨

爲令遵事。案奉淞滬衛戍司令部訓令第六四八號內開。爲令遵事。查淞滬防務至關重要。上海又

爲五方雜處之區。現值各地仍在積極清黨之時。不無共產黨徒混跡來滬。妄圖蠢動。且該黨徒向來利用租界區域。以避軍警耳目。茲爲防範起見。除函請交涉員照會租界當局協助查拿隨時引渡以憑法辦。並分別佈告通令外。合亟令仰該會轉飭所屬一體隨時嚴密偵緝。以憑盡法懲辦。毋使漏網。切切此令等因。奉此。除分別通令外。合亟令仰該各工會一體隨時嚴密偵緝共黨。隨處報懲。毋稍徇縱。此令。

### 【工界公函】

●上海土布工會致東路軍總指揮部請求國旗原料改用中國布

肅啓者。近年以來。國人之愛國思潮。勢將滔天。直至東警之兇。亦知以提倡國貨。抵制日貨爲口號。

惜盲從者衆。洞明者寡。救國無方。每歧途而不返。國貨將絕。乏明達之聲援。追思往事。捫襟自愧。查昨日（五九）爲國恥紀念日。國恥之謂何。將盡人而知。然高懸中天。一片碧血之國旗。其原料皆來自日本。非但有辱國體。且失紀念之旨。觸目傷心。用敢瀆陳。敬乞明令民衆。速將日本之紅洋標所製之國旗。一律取消。改用中國紅閩西布爲之。則於國於民。均有裨益。謹此奉達。敬乞准予施行。不勝拜禱之至。

### ●上海華商證券交易所職工會

等致工統會竭誠擁護

敬啓者。滬上工運事繁責重。分會等自成立以來。仰荷上海工會組織統一委員會之指導。暨諸委員之熱心匡扶。始得平順進行。幸免隕越。茲值時局更張。工運益加緊要之際。更宜鞏固分會等與

工統會之結合。以共應此革命嚴重之環境。嗣後分會等仍當矢以至誠擁護上海工會組織統一委員會。並統一於工統會領導之下。為一切工作之努力。特此布聞。即希公鑒。此致。

### ●上海青藍染業工會致各染坊

#### 請照加工友工資

逕啓者。敝會對於各坊工友工資一層。早經八月卅一日委員會議決。呈報工統會備案。二次函達貴經理在案。茲於九月十三日開各坊司長會議。議決工資一項。遵照前案辦理。自陰曆五月份起。每人每月大洋六元。另加菜費大洋二元。共計八元。務請貴經理顧念工艱。遵此結算。切勿減少。免多糾紛。如貴經理未照前章辦理。凡已經結算者。應須補找。以歸一律。敝會除據情繼續呈報工統會外。合并函達貴經理查照是荷。

### 【工界布告】

### ●上海工統會通告嚴防反動份子

#### 子鼓煽罷工

為通告事。查近日反動份子肆意搗亂。竟有假借本會名義潛至各工會鼓煽罷工。以圖搖動人心。擾亂秩序。情事實堪痛恨。值此時局嚴重之際。無論任何事故決無輕率罷工之理。為此通告各工友。嗣後如再發現匪徒假借本會名義至各工會或工廠煽惑工友情事。務即報告來會。以便緊急逮捕。藉遏亂萌。是為至要。

### ●上海工統會通告趕速組織工會

為通告事。查本會於滬埠各工會負有統一組織之責。平時對於各工友之福利所以力謀展進者。

實屬無微不至。茲值時局嚴重之際。凡我工友尤宜奮發精神。鞏固結合。以謀生產之安定而努力於革命之完成。况近頃軍政當局對於工運舉措督察尤爲謹嚴。尙望各工友萬勿偶因細故。卽執行斷然之行動。甚或誤聽共產黨之煽惑。以自陷於失業戮身之慘禍。至滬西一帶工友本屬衆多。本會前以關顧各工友益利起見。特派指導員多人期與各工友得相接近。以謀意志之交換。凡工友等遇有任何重大困難問題。一經報告來會。或由各指導員代爲轉報。本會無不站於工友方面而爲極有力之援助。總之本會與各工友原屬利害相關。休戚相同。各工友均應明曉斯義。並仰體現在時局艱難。勿爲共黨所煽惑。勿爲意氣所激使。竭誠與本會共同努力。而使整個工人運動之精神得愈益發揮。並望一面根據本會總章趕緊組織職工分會。是所厚望。特此通告。

## ●上海工統會通告慎重罷工行

### 動

爲緊急通告事。查現以時局正值嚴重之期。各工友不得輕率罷工。致爲反動份子所假借。本會曾經剴切通告在案。近頃以來各工友類多能仰體時艱。關於一切行動均極妥慎。良用嘉慰。惟本埠工友人類衆多。誠恐仍有少數意氣較盛者。因與資方偶有齟齬。卽不顧利害。在此嚴重時期之下。擅行罷工。致令自陷於失業之境。似此不顧公益。甘自暴棄之工友。本會自不負有援助之義務。至於共產黨榨取工人利益之行爲。當早爲各工友所共喻。現在漢口三十餘萬工友均因受共黨之煽害。飽受失業之苦楚。瑣尾流離。可爲殷鑑。萬一本埠尙有共黨餘孽混迹其間。甚或膽敢逼我工友希圖以罷工爲煽惑者。務卽捕送來會。以憑

嚴加懲辦。決不寬貸。合亟函達貴分會。仰轉告各工友一體知照。務須遵照本會迭次通告。慎勿輕率罷工。致干咎戾。是爲至要。

### ●南昌總工會等佈告嚴防反動

#### 份子挑撥

爲佈告事。照得革命宗旨。原爲解除民衆痛苦。非法江西省黨部。爲反動份子所包辦。成立以來。專以壓迫民衆。慘殺民衆爲事。反動派段錫朋等。不惜以一省最高機關。爲個人私物。誣害革命青年。慘殺各地民衆領袖。且對於中央改組非法黨部之命令。亦視若無聞。復以金錢收買流氓。組織糾察隊。種種卑劣行爲。無所不用其極。然其壓迫愈甚。反抗亦愈甚。愈甚其壓迫民衆之能事。愈惹起民衆之反感。最近中央已明令拿辦包辦非法省黨部之反動派段錫朋等。而反動派段錫朋等。不

僅違抗命令。且愈施其毒狠手段。收買流氓。搗毀各民衆團體。四月二日南昌各界民衆。羣集非法省黨部前。實行用民衆革命手段。解除流氓糾察隊武裝。並實行用民衆力量。捕拿反革命之省黨部職員。聽候中央作最後之解決。深恐反動分子。造謠挑撥。顛倒是非。特此佈告。

### ●上海南區青藍染業工會第一

#### 分會通告不得受惡化份子煽

#### 惑妄動

爲通告事。照得本工會業奉上海工會組織統一委員會。特派指導員周來會面諭。凡在職工人一律加入本業工會。以資團結。而厚革命精神。各工人一切行動。須聽命工會指揮。不得自由越軌。致干未便。如有輕信浮言。陽奉陰違。或勾結不良分子。存心搗亂。儘可據實呈報工統會。依法拿辦。以

倣效尤而肅風紀等因。奉此。查我業工友。俱係純粹分子。定無前逃弊病。惟恐有少數工友。再被惡化分子。煽惑妄動。自罹法網。爲此鄭重通告。切勿此佈。

【工界公電】

●上海工統會通電請對日本出兵山東一致抗爭

本會因日本出兵山東致日本內閣總理田中一電。文曰。日本內閣總理閣下。人無智慮。族無強弱。捍陵禦侮。含生是同。貴國近日出兵。竟及東魯。魯固我土。疆界是嚴。貿貿師徒。興遣何義。充其口實。止於衛僑。而僑固相安。且衛猶在我。健呻庸擾。意更何居。不思敵國。國人鑒舊策。新恢宏黨治。革命機動。功日子里。雖頑強當梗。殘醜待清。然有我廉潔之國民政府。與忠勇之將領。內安外戢。澄清是

期。貴國誼屬輔車。應樂觀成。庖不相需。鼎安容間。假謂各緣利害。不事相謀。則全球之強。豈惟貴國。昔俾士麥嘗以鐵血精神。相其雄主。積數十載之精練宏蓄。濟之以威廉二世之雄誇。狼鷲橫發。大難而今安若哉。况乎貴國頻年未盡康樂。佳兵不祥。願閣下深長思也。本會同人。許身黨國。負領導全上海八十萬工友之重責。一月以來。三舉運動。羣衆勢力。足堪考慮。比聞貴國驟興無名之師。羣情激昂。環待後令。而同時全國抗議貴國出兵。函電紛至沓來。本會對此嚴重之時局。一方領率八十萬覺悟的工友。作抗爭之準備。一方聯合舉國革命的民衆。爲強固之團結。而依貴國事實之明。示下最後之決定。特掬至誠。馳告閣下。實圖利之。上海工會組織統一委員會。印世等語。特電奉達。乞全國共伸義憤。一致抗爭。不勝企幸。上海工會組織委員會世。

## ●杭州工統會電日本全體國民

### 痛斥日政府出兵山東

日本東京朝日新聞報館轉日本全體國民均鑒。吾人不嘗高唱『中日親善』乎。而事實未能。殊深憾事。惟吾人深信貴國羣衆渴望和平之苦心。正與敵國民衆同其旨趣也。然今貴國政府竟藉詞保護僑居敵國之貴國人民。而實行出兵山東。矣。弱國雖無外交。而敵國究非列強之殖民地。任意派兵。敵國人民其何能忍受。敵國爲自由平等。而革命。爲謀世界和平。而革命。貴國民衆諒亦深表同情。值敵國革命勢力澎湃。殘餘軍閥將次肅清。貴國政府竟亦不避嫌怨。悍然出兵山東。其何以曲解於敵國民衆之前。況敵國真正代表民意之國民政府不嘗宣言絕對保護外僑乎。敵國民衆亦曾危害僑居內地之貴國僑民乎。卽曰山東

已成根本動搖。貴僑易生意外。貴國政府亦儘可通令貴僑先行退避。又何庸派兵保護。貴國政府聲明出兵山東。並無其他企圖。或涉及敵國任何方面之軍事行動。言非不正。然貴國設有內爭。其亦能承認敵國派兵保護華僑否。是誠敵國民衆一大疑問也。再進一步言。現在世界人類已成恐怖狀態。遠東和平之能保持與否。厥爲有色人衆生死存亡之最要關鍵。敵國與貴國數千年來文化相關。經濟攸賴。其存其沒。均有息息相關之點。今彼白色人種。方集注其目光於東亞。環伺我有色人種之隙。設吾人不能先事攜手。求避免不幸事實之發生。則東亞和平之破裂。卽爲世界大戰之導火線。亦卽爲有色人種之莫大厄運。在敵國固爲帝國主義者之俎上肉。喪亡無日。而貴國亦將四面楚歌。永難超拔。敵國人衆不希冀他人能憫憐我。不希冀他人能援助我。敵國民衆只希冀

公理有著彰的可能。敵國民衆亦曾領受貴國之恩與矣。如貴國政治之目光長此短促。不顧道義。敵國民衆惟有出之與貴國周旋之一途。將來與貴國經濟絕交。未悉貴國將何對付。敵國民衆對貴國出兵山東。于痛憤之餘。猶認爲此乃有色人衆之不幸事件。用有所言。對貴國此舉。表示惋惜。尤知貴國羣衆必有正確的批評與同情也。謹以最摯的信念。祝貴國政府覺悟。非特敵國之幸。抑亦東亞前途之福也。中華民國浙江省杭州工會組織統一委員會率領杭州三十餘萬工人謹告。

● 蕪湖總工會通電擁護政府遷

甯

南京中央黨部國民政府暨蔣總司令鈞鑒。義旗高舉。舉師北伐。乘風破浪。底定金陵。當軍事進展之時。正值中央黨部國民政府同時遷寧。正式成

立。從茲首都奠定。鞏固上樞。四方風從。萬流仰鏡。將來肅清餘孽。掃穴犁庭。統一中原。光大黨國。指顧間耳。遇伯代表勞工。謹掬虔忱。敬祝萬歲。蕪湖總工會馬遇伯叩。

● 上海裘業職工會電胡主席等

請回都主持大計

胡主席暨吳蔡李張諸委員鈞鑒。報載寒電。驚駭莫名。蔣公高蹈於前。諸公相繼遠行於後。黨國頓失重心。庶政因以停頓。際茲奉魯軍閥尙待肅清。共產餘孽蠢然欲動。當此之時。何能以一了百了之。尙冀即日回都主持大計。黨國幸甚。上海市裘業職工會叩漾。

● 上海鴻裕紡織工會第一分會

電蔣總司令請返甯主持大計

蔣總司令勛鑒。敬呈者。我公承總理之遺志。受黨國之重命。出師北伐。首清全粵。移節中原。奠定東南。將直搗幽燕。使軍閥無立足之餘地。既肅清共產。鮑羅廷望風而遠走。其忠於黨國。昭如日星。不意在黨國正待建設之時。軍事最關緊要之候。突然辭職歸隱。於公固高蹈而自明。於黨國則主持乏人。瞻念前途。杞憂易極。伏望鈞座俯徇衆意。早日返甯。主持大計。黨國幸甚。上海鴻裕紡織工會第一分會全體會員暨特派指導員江建宏同叩。

### ●上海土布職工會第一分會通

#### 電擁護關稅自主

各報館轉全國各機關各團體公鑒。我國財源命脈被外人掣肘者。八十餘年。以致民生凋敝。經濟枯竭。茲幸我國民政府毅然下關稅自主之令。於九月一日實行。敵會涎聽之餘。曷勝慶幸。蓋我國

工業。從此可以振起。國家經濟。從此不爲外人剝削。用請全國同胞。齊聲擁護。作政府之後盾。俾貫徹其政策。黨國以之。上海土布職工會第一分會宥。

### ●上海衣業職工會第一分會電

#### 蔣總司令請剋日返甯

浙江奉化蔣總司令勛鑒。鈞座承先總理之遺志。與全國民衆之託付。誓師北伐。始靖東江。繼平湘鄂。血戰南昌。抵定東南。方冀直搗幽燕。掃除殘餘軍閥。統一中原。完成國民革命。而鈞座竟遽而高蹈。羣情惶惑。莫知所歸。方今黨國飄搖。寇敵猶熾。帝國主義猶日使其侵略。共產黨徒到處潛其陰謀。鈞座本爲黨國而來奮鬪。當不忍重見黨國趨之於危亡。尙望排除羣難。刻日返甯。繼續未竟之前功。俾我全滬八十萬工人之解放。得有切實

之保障。不致再受帝國主義者軍閥共產黨之壓迫。工運幸甚。黨國幸甚。臨電神馳。無任依戀。上海衣業職工會第一分會叩。漆。

【商界呈文】

●各省商會聯合會呈國府及財政外交兩部呈報組織成立請准立案

呈爲呈報事。竊維比年以來。各省商務。內受軍閥摧殘。外受列強侵迫。根本已撥。榮衛失調。固已資金日竭。生機日削矣。幸而黨軍北伐。數月而定。江南期年而進河北。三民主義。遂如日月經天。江河行地。民氣於焉昭蘇。實業方望恢復。祇以大軍雲集。餉糈浩繁。取諸民者。既逾乎常經。承其困者。乃在乎商賈。或則貨壘其征。或則省自爲政。經濟之方針不定。財政之統一未能。積弊重於邱山。累艱

深於渤海。現象如斯。非言能罄。在政府籌策黨國大計。或無暇爲改絃更張之圖。在商民感受痛苦。最深。應自有解網釋縛之舉。爰由上海總商會發起。召集各省商會聯合會。登高一呼。應者雲集。以極短促之時間。而報到者十省。總商會二十。縣商會四十四。鎮商會二十三。都八十七。代表共一百四十四人。於十六年十二月十七日。假座上海總會開成立會。計會議十天。決議一百一十四件。依照決議案。組織各省商會聯合會總事務所。票選執行委員二十七人。監察委員十三人。由執行委員互選馮少山、蘇民生、張械泉三人爲常務委員。即於十六年十二月二十七日成立。各省商會聯合會總事務所執監委員宣誓就職。代表大會即於十二月二十八日閉會。所有決議各案。及未盡各事宜。概交總事務所執行。理合將總事務所組織大綱暨執監委員姓名表。具呈鈞府（部）察

核。請准立案。迅賜批令。祇遵。并准轉令所屬一體知照。實爲公便。

### ●各省商會聯合會呈中央黨部

#### 國民政府請籌開國民會議

呈爲呈請事。竊各省商會聯合會十六年十二月二十八日第九次會議第八號議程第六案。爲和平運動案。提出議案者。上海總商會代表林康侯。討論之後。決議要求國民政府召集國民會議。以和平運動。列爲方案之一。一方面由各省政府設法宣傳。造成和平空氣。以防內部糾紛。同時以主義進攻殘餘軍閥。自不患其不倒。庶和平不背於北伐。而北伐不致於糜爛等議在案。查和平爲革命最終之目的。國家不得已而出於革命。革命不得已而出於用兵。此乃應由之途徑。無可能免者。而一念兵事時期。財政枯竭。百業凋零。其損失重

大。尙非我人意計所及。恭讀先總理遺囑。於開國民會議主張。亟盼實現。尤亟盼實現之期間。爲最。短。其予我人以深切之認識。實莫名其敦懇與偉大。現在軍事時期將終。訓政時期開始。對於國民會議。不可不先事籌備。理合依照決議案。具呈鈞府部察核。請准選舉黨國名流。組織國民會議起草委員會。決議各項法規。從速成立籌備處。庶國民之總意思。得以表示。而國家亦得以長治久安。實遵總理遺囑。莫此爲要。伏乞俯允所請。迅賜批令。祇遵。實爲公便。謹呈中國國民黨中央黨部。國民政府。

### ●南京總商會呈國民政府請變

#### 通徵收房租辦法文

呈爲據情轉呈事。案據全城市民方漢臣。韋少堂。陳利生。張錫林。馬殿良。鄒堃。程潤生。施雲圖。趙效

先。蔡杰等陳稱。竊查奉市政府令徵收房租一案。屬在市民。敢不仰體軍餉萬迫。勉任輸將。惟因寧垣自民國以來。兵燹迭遭。逾於他省。重以最近環境之苦痛。苟延生命。殘喘如絲。雖欲勉效輸將。實係力有未逮。或謂此次實行徵收。政府本援廣州成例。其推行亦不止南京一省。然最近中央未兌之軍用券一百二十萬元之多。則爲廣州及他省所未有。而寧垣市民獨受之。有是情形。苟不仰求政府量予變通。恐異日雖刑驅勢迫。亦有所不能。爲是萬不得已。姑就管見所及。略陳之。(一)房主多恃房租爲生活。兩月併繳。則房主兩月內毫無所入。富者猶可言。貧者或孤寡者。將皆擁產而忍餓。勢必瀕於流亡。似莫如改兩月爲四月分繳。現在浙省已有成例。載在報章。(見本月十三日新聞報)仿此以行。庶亦調劑之法。不讓浙省專美於前。此市民不得不先禱祀以求者也。(二)房租

向由房租內酌提。現若兩事併舉。無論迭涉重征。房主既捐兩月之房租。再責令交兩月房租。於理於情。似均未順。況查從前江浙戰役。曾由貴會代借兩月房租。曾將房租劃除。是軍閥時代。猶有此持平辦法。況我政府以人民爲主。諒必俯從。此又市民不能不援例以求者也。(一)五元以下免收房租。政府體卹民艱。本已無微不至。惟寧垣特別苦痛。已如上呈。其較著者。現在生活程度之高。比上海且逾數倍。無論他省。富者淪爲貧戶。大商降爲小商。卽有十元以上之租金者。亦多有名無實。積欠纍纍。主客交困。擬懇改成十元以下免收。藉紓人民痛苦。(二)業主自住之屋。本無房租收入。卽或分租與人。所得亦屬無幾。近更軍人借住。機關借住。毀壞裝修。隱痛莫訴。容有少給房租。亦屬得不償失。此又寧垣居民特別情形。應請將住屋房租免收。以示體卹。並非他省可援爲例。(一)開

拓馬路。拆讓房屋。即在目前。此等劃在路線內之房屋。不日即須拆去。若令交兩月房租。無異完無業之糧。擬請明令豁免。以昭平允。而安人心。以上五項。市民等迭次會商。淚眼相看。惟有具書瀝陳困苦。請願貴會分別轉呈國民政府財政部南京市政府。恩予變通。俾蘇民困於萬一。不勝悚懼。迫切待命之至等因。據此。查該市民等所陳五項。確係實在情形。當此民窮財盡。米珠薪桂之時。縱使嚴令催征。而民力不勝。竊恐收入未必能多。而適為政府叢謗。現在北敵未摧。南共猶在。政府縱不為民生計。獨不為軍事前途計乎。既據陳情前來。理合據情呈懇。鈞部俯賜察核。准予令行市政府。查照該市民等所陳各節。曲賜維持。臨呈不勝迫切待命之至。謹呈。

●上海總商會呈外交部為工部局增加房租請予嚴重交涉文

公文程式大觀 第五編

呈為公共租界工部局自本年七月一日起。實行加征房租二厘。既拂商情。復違協定。乞予嚴重交涉。俾將原案撤銷事。查本年四月十三日。公共租界工部局開納稅西人年會。通過將房租加增二釐。於七月一日實行一案。其辦法為界外馬路向收百分之十二者。改收百分之十四。界內馬路向收百分之十四者。改收百分之十六。業由敵會以該局此舉。實係漠視華市民方面之利害。函請江蘇交涉員轉達領事。表示否認。請由該工部局自將原案設法取消。旋接交涉署復函。轉錄工部局復領事之文。僅稱增捐係不得已。請中國當局諒解。是其決定施行。已屬顯然。除已續函交涉員。請其再予駁阻外。謹將此次加征房租從法律事實兩方。俱屬不能承認之理由。為鈞部呈之。查該局於今年開納稅西人年會時。陳述此次提議加捐之理由。謂本局財政頗受本埠

戰事及擾亂之間接或直接之影響。致使凡百用途。俱超過預算等語。果如所言。則戰亂係一時之現象。而加捐乃市民固定之負擔。該局以一時現象所增之費用。不籌臨時補充之法。而遽欲藉加增市民固定之負擔。已有不合。况據該局去年宣布之預算。收支相抵。僅不敷銀五萬五千零六十六兩。而該局所以增闢之財源。一爲重估地價。二爲地捐於本年七月一日起由千分之七加至千分之八。是該局卽爲彌補預算計。本無須將房捐再行加增。且據該局於年會時所宣布者。謂去年演說時。已含有加稅之意。然前年該局預算。據稱僅虧銀五千零五十兩。而上年年會已有將加稅之表示。是該局加增房捐之舉。在財政上並無必須之理由。已可概見。無怪該局自謂各項增捐案。如均通過。則該局每年有五萬九千九百兩之盈餘也。此就該局財政上言之。無須增加房捐者此

其一。市民負擔房捐之能力。當然以其環境爲比例。上海租界市民。近年來所受之痛苦。有爲他處所無。而亦爲以前之上海所無者。一爲匪盜之衆多。二爲罷工案之增加。三爲鐵絲網封鎖之悠久。故市民生活之困難。商業之凋零。殆以此時爲最甚。故市民負擔市稅之能力。係在減退之時。非在增進之時。乃該局於年會提議。竟謂去年演說時。曾含有增稅之意。目下可以實行云云。不知所謂目下可以實行者。指納稅西人負擔之能力言乎。抑兼指華人負擔之能力言乎。如單指納稅西人負擔之能力而言。則中外既須同一加稅。卽不應置華人所處之狀況於不顧。如並指華人負擔之能力而言。則上海市民生活之困難。商業之凋零。該當局已稔知。卽不應違反顯著之事實。強指爲目下可以實行。此就華市民負擔之能力言之。不應增加房捐者又其一。該局復領袖領事之文。謂

此項加增房租。爲中外一律。同等繳納。揣其意。殆謂增稅案何以西人通過。而華人獨梗駁也。不知欲加增市民之負擔。必先徵市民之意旨。而市民之所以決定從違者。不專在於稅率之是否同等。而在納稅以外。其他待遇是否相等。試問租界市稅之用途。若者無益於華人。宜節減或裁廢。若者爲華人所希望。宜增加或舉辦。華人能有權過問乎。又用市稅所經營之公共事業。如公園等。華人能一律享用乎。是中外待遇既不公平。增加捐率之結果。有益於西人者。未必有利益於華人。又况捐率之如何增加。完全以納稅西人之意見爲從違。對於華市民利害。非特隔膜。亦且無暇顧及。至實施時。遂不免發生種種窒礙。此就中外市民應同等待遇之原則言之。不應未徵同意而遽加房租者又其一。該局必謂此種增加房租議案。完全係照洋涇浜租界章程辦理。無須經過同意手

續。故於復領領事文中。亦先聲明此旨。該局並於本年會中鄭重宣言。謂上海之市民政府（工部局自指）及其權力。非自任何國用命令賦與。而爲列國與中國政府締結條約所成。此種條約（即地皮章程）神聖不可侵犯。無論何國皆不得侵犯之等語。質言之。無非謂該局係據洋涇浜租界章程辦事。有至尊無上之權而已。然上海租界之地位。係逐漸擴充。故中外當道間關於租界事項。亦隨時有所協定。此項協定。雖不列入洋涇浜租界章程之內。然其內容。既爲租界所協定。則此項協定之與洋涇浜租界章程。始如條約之有換文。該局自應一律遵守。當前清光緒己亥年（即一八九九年）推廣租界之時。上海道曾向領團通告。聲明爲推廣租界之條件。（即凡關係華人之各種法律章程。須經中國地方官認可。方爲有效。）是該局斷不能謂處現在市政組織之下。

華人尙無正式議決市政之機會。遂併須經中國地方官認可之手續。而一概抹煞。蓋當時上海道之通告。雖爲協定。而實與國際法原則相符。因上海租界。既爲中國領土。則本國人民居於本國領土。斷無受治於他國法律之理。故工部局凡施行關係華人之各種法律章程。須經中國地方官認可。使其形式上完成爲中國之法律。而後本國人民始有遵章之則。工部局既視條約爲神聖。尤當視國際法國際協定爲神聖。乃此次增加房租案。在提出年會以前。以及納稅西人年會議決以後。從未請求中國地方官認可。是爲漠視國際協定。並漠視國際法。此就保障華市民之權利論。保障國家之領土主權論。不能任其片面增加房租者。又其一。理合具文詳呈理由。仰祈 鈞部鑒核。與此案各關係國嚴重交涉。請其訓令工部局。將此項增加房租案。中止施行。實爲公便。謹呈。

●上海商總聯合會呈各官署陳明改組請予備案

爲呈請事。竊敵會爲求發展商業貫徹民權起見。於民國八年組織成立。迄今八年。所有組織及經過歷史。諒荷 炯照。惟因歷來參與革命工作。及反對軍閥之橫行。故迭招軍閥官僚及北京非法政府之忌恨。視爲非法團體。今幸國民革命軍蒞滬。軍閥壓力掃蕩已盡。快何如之。惟處此青天白日之下。凡我人民。實有一致興起之必要。又敵會昔爲議董制。茲已改爲臨時委員制。以符團體組織之通例。謹將各委員名單錄呈。請准備案。實爲德便。謹呈。

●上海商聯會呈中央執行委員會解釋商店店員不應加入工會

## 會

爲呈請事。竊查上海工會組織統一委員會與商民協會爭執會員一案。經貴會第九十一次常務會議議決。商店店員。凡不與資本有關係者。不得謂之商人。不得入商民協會等因。并已函知上海統一工會及上海特別市商民協會。遵照此意辦理在案。敝會上海全市商業團體所組織。對於此項問題。利害切身。不容忽視。爰於本月二十五日開會討論。僉以工商地位。各有界限。非得其正確之意義。而區別之。不能互相爲利。各得其所。就工商之性質而論。凡用技藝以從事製作者爲工。用智識以從事懋遷者爲商。其義甚明。不難判別。若必就廣義的言之。謂一切勞動者皆爲工。則是除資本者外。舉凡農商及一切職業之人。均可納之於工。將見天下皆工。而無復農商之可言矣。故敝會以爲工商之界限。惟以商業爲標準。不應以資

本有無爲判別。商店店員以買賣貨物爲務。是從事貿易者。其勞動與一般工作者顯然不同。且我國商業習慣。店中獲利。店員亦有利可分。是雖無資本。而實間接與資本有關也。貴會謂必與資本有直接關係者始爲商。否則爲工。似以勞資的解釋爲工商之標準。不獨工商之意義易於牽混。即人之所處之工商地位。亦將難以確定。譬如一人同時以資本與之合設一肆。而自身復服務於另一肆中。又如一人在某公司作工。同時以些微資本購置本公司股份千萬份之一。此二人之所業。實兼工業而有之。爲工抑爲商。究何由確定乎。貴會諸公。萬流仰鏡。卓識昭明。所以爲工商謀者。必至詳且善。敝會在商言商。爲欲保持原有地位。以求職業平等起見。謹根據全體會員之意見。呈請貴會俯賜探納。將前項解釋。重予審查。實爲公便。謹呈。

### ●上海商聯會呈東路軍總指揮

#### 部請飭屬弭盜

呈爲盜匪橫行。商民惶悚。請求嚴令取締。以安地方事。竊商總聯會因盜案迭出。特開聯席會議。據城鄉各商聯會代表到會列席會議。僉稱大軍臨境。人民箠食壺漿。詎地方上投機分子。紛紛招集烏合之衆。而稱先遣隊。在事實上而論。智者早謂無益。緣上海市區內在政治未改革之先。尙稱平靜。近則搶案迭出。民生憔悴。勝於昔日。豈政治革新反不及從前軍閥時代耶。知者謂追其禍原。卽投機分子及其產之遺害。往時地方上流氓。徒手而無利器。團警監視。取縮蒸嚴。故匪難伺隙。自三月廿一號反正時。地方上團警鎗械。悉被共黨持旗導領乘機所奪。在昔爲匪。在此時爲軍。團警誰敢與抗。大局定後。雖承鈞部洞悉其情。指令解

散。或編成軍。分駐各寺。閒遊地方。良者尙可服從軍紀。而莠者反藉此爲護符。此乃不免之事實。况繳收鎗械。豈能盡清。暗藏俟機。非在少數。以致近來地方上搶案迭出。卽其明證也。商總聯會等鑒及於此。因此開會採納衆意。建議上陳。一所有改編之軍隊。務乞一律調往前線。以使立功。二令飭市區保衛團充分出防。三訓令警廳整頓警務。督察崗位。認真巡邏。以清地方積匪。以上三項。茲特建議於鈞部。是否有當。伏乞鑒核施行。實爲公便。謹呈。

### ●上海市商總會呈國民政府

#### 中央委員會請取消苛稅

竊國民大軍東下。人民莫不箠食壺漿。以迎義師。打倒軍閥標語。請明令取消苛稅。解民痛苦。詎知事與願違。查現在上海百物增捐。稅名複雜。如印

花稅之加增。如招牌稅之創舉。統捐局之籌設。名目繁多。不勝枚舉。祇須市府呈請。財部未有不准者。斯可謂之爲民衆謀利益。良堪嗟嘆。人民苟有違言。則加之以反革命三字爲頭銜。若此則人民何異處身於水深火熱之中。古云熱極則風。寒極則通。自古立國者莫不以民心爲本。先總理手訂建國大綱。以三民爲主。今政治反乎此。反於民意。何異反抗先總理之心理耶。伏乞鈞委會俯准請願如左：(一)迅飭財政部取消上海包辦創舉之招牌稅。(二)電飭上海市政府停止辦理統捐。各項捐款。仍按舊章征收。俟商業元氣恢復。再行施行統捐。(三)訓飭印花局毋過苛征。暫照舊章實貼。以體商艱。上項請願。伏乞鈞委會核准訓飭施行。並乞賞賜訓示。祇遵實爲公德。兩便。謹呈。

### ●上海商民協會呈中央政治會議陳述工商劃分標準

公文程式大觀 第五編

呈爲陳述工商劃分標準請賜鑒核事。竊以工商性質不同。隸屬不異。在工則有工會。在商則有商民協會。皆爲國民政府法定團體。同受保護。不應偏枯。在本年三四月間。共產黨操縱上海團體之時。彼輩懸無產階級專政之鶴。積極擴充工會之勢力。而置商民之利益痛苦於不顧。組織店員聯合會。受上海總工會之命令。以增加薪資爲餌。冀達到打倒資本階級之目的。以致商業停頓。朝不保暮。痛苦之狀。筆難盡述。逮至清黨開始。工人糾察隊繳械。而店員聯合會代表章郁庵。尙向職會籌備處提出罷市要求。差幸職會同人。洞燭其陰謀。一致反對。遂未獲逞。蓋其時店員雖有聯合會之組織。而大多數商店夥友。均以總工會之恣睢跋扈。不願受其指揮。而仍願受職會之命令。一髮危機。賴以補救。至共產既告肅清。工會既奉令改組。職會亦着手進行。並先後呈奉前敵總指揮白

暨鈞會批准籌備。各業店員亦得正式之保護。從事於真正商民之集合。不料一部分職工。未盡明瞭工商之區別。乃於組織商民協會時。時受職工會之干涉。紛紛報告來會。請求解決。本月十日。接奉中國國民黨上海特別市黨部商民部函開。案據國民政府頒布商民協會法令第六十三條之規定。凡商店店員職工小販及不屬於商民協會之店東董事經理協理等。均須就各區範圍。從速依法組織各該區商民協會分會。同時將籌備情形。函由貴籌備處轉報本部審核加委。以資正式籌備。事關法令。仰貴籌備處從速進行。廣為宣傳。俾各該店員等有所遵循。是為至盼。相應函達。即煩查照等因。奉此。職會遵照此項解釋。處理糾紛。稍有頭緒。乃於本月二十四日。又奉國民黨中央執行委員會函開。逕啓者。上海特別市商民部面陳關於上海工會組織統一委員會及商民協會

爭執委員一案。本月十七日第九十一次常務會議議決如左。查商民協會第一條云。「凡居住中國之商人。不論性別。皆得為本會會員。」是非商人不得入商民協會。其義甚顯。更查其第六十三條云。「會員月費之多寡。視各地商民之狀況如何。但入會費。普通商民。最高不得過五十元。商店職工。不得過一元。小販不得過五角。」是就商人之地位而區別之。故先言普通商人。而次及商店職工及小販。其第二三種。蓋對普通商人而言。謂雖商人而資本無多。仍在商店服務者。或尙無行店而僅作小販者。是此條所謂商店職工。係帶有商人性質。與商店資本有關係者。乃得適用。非謂凡商店職工。即為商人。即須加入商民協會。其義更屬顯然。以上為當然之解釋。如此工商性質。實不致相混。該兩會因據此意。適當處理。各等因。在案。除分函外。相應錄案函達。希查照辦理等因到

會。當以中央所解釋者與市黨部商民部之函示。顯有不同。即經召集第七次臨時委員會。詳加研究。僉以商店店員。如果劃入工會。則商業前途。覆亡可待。當推出特別委員王漢強成燮春錢龍章等三君悉心討論。即以討論結果。先後呈請中央執行委員會重加審核。將商店店員劃入商民協會範圍之內。以保障商業之安全。在未得中央正式解決以前。仍遵照市黨部商民所指示辦理。惟讀本月二十日鈞會第二十五次會議討論事項第五項開。中央政治會議篠電開。元電悉。本會九十四次會議議決工會商民協會農民協會等條例及商會法。由上海臨時分會參照本黨政綱第一第二次全國代表大會宣言。根據舊有法令。斟酌修正。呈候核定頒行。至教育協會條例。現在教育行政委員會正在籌議。應俟籌議定奪後。再行辦理特復。(決議)組織起草委員會等語。仰見

公文程式大觀 第五編

鈞會慎重法令之至意。茲特敬將先後函陳兩件。呈請察核參閱。於起草條例時。將工商界限明白劃分。使法理事實。兩皆顧全。工業商情。不受偏枯。不勝翹企待命之至。謹呈。

●杭州商民協會烟業分會呈浙

江省政府建設廳請重行召集

勞資雙方和平仲裁

呈為威脅履行條件。形將破產。請求救濟事。竊烟商受帝國主義經濟上之侵略。營業日落千丈。現世已成垂死之局。何可再事摧殘。加以政界不諳商情。工人狼如狼虎。言之痛心。聞者酸鼻。迫不得已。謹將詳細情形。泣訴鈞部。伏乞切實審查。重復召集勞資雙方。開誠佈公。和平仲裁。而利工商。黨國幸甚。

(一)(政界不諳商情)工統會浙江臨時仲裁會。

憑勞工方面要求。據然判斷。照此苛求條件。資方勢必演成破產地位。

(二)(脅迫履行協約)該工會利用時機以前非法黨員朱樓等之時。多方奔走。哀求執行。並百般恫嚇。謂如不承認。則以最嚴厲手段對待。資方為暫行維持營業起見。保全地方秩序。不得不暫時忍受。

(三)(分等之理由)商業習慣。大小一理。如銀錢布藥洋貨等業。加工均分等級。小店與店環境不同。營業志趣。大相懸殊。顧客購貨。店方佔利。亦有天淵之別。各店之勢。有厚薄之分。加以店基地點。有繁盛冷落之區。各業皆分等級。烟業何可獨異。

(四)資方未能宣佈之苦衷。屢次仲裁。不能折服履行。因資方實具有口莫伸之苦衷。未便遽然宣露。如公佈細底。必造成工商同歸於

盡。其理由不外乎借人之資而營生。稍一不慎。即週轉不靈。豈非擱淺營業。似此情形。不特勞工失業。無以謀生存。即資方將來景况。反不若勞工多多矣。所以不能履行條約者。無非欲保全工商永久生存。

(五)(烟業受經濟之侵略)竊自清季咸豐同治時間。固屬一好行擋。自李鴻章訂認各國通商以來。舶來品輸入。捲煙盛行。烟業即日見衰落。所幸辛亥年間。伍廷芳禁食紙烟以來。吾業稍為一振。未數月間。政局變遷。袁氏專政。狐羣狗黨。一味媚外。我業受帝國主義經濟之侵略。抵抗乏術。捲烟又復盛行。吾業便受莫大之影響。

(六)(烟業受帝國主義之侵略)溯自辛亥迄今。吾業受政治之壓迫。經濟上之侵略。相繼倒閉者。如陳恆豐施祥隆。必晉昌。密家昌。宏昌。

久昌。童天有三茂。陳元豐。均殷實商店。赫赫有名。其餘小資產烟鋪。應運而倒閉者。不知凡幾。乃倒閉店鋪。無非受帝國主義之侵略。如人之漸漸陷入癆損症而亡也。

(七)(生產之比較)竊自宣統末年。烟絲出品最高者。如呈元奇烟。每斤售三角有另。杭州市範圍以內大小店營業。每年併計。在一百萬左右。目下呈元奇烟。每斤售六角有另。杭州市範圍以內大小店營業。併計只九十萬左右。以銀數論。則縮減八折左右。以生產論。則減縮十成之七。若不速謀挽救。勢必陷於淪亡。

(八)(店方繳消標準)如一省之冠宓大昌。每年營業四十萬左右。開支工資。火食。房租。莊息。捐稅。電費。及另星雜費等。統計開支二十萬左右。如最小營業天成號。每年在一萬有另。

每年開支在七千有另。似比較出品生產。要有五分有另毛利。方能敷衍。稍差毫厘。便可虧蝕。

(九)(人工之生產力)如宓大昌內外工人及管理員。水客。生徒。在三百人左右。營業四十萬。每人生產只一千有另。如天成內外工人在二十人左右。以營業計算。每人生產不滿一千元。每一普通工人在店照仲裁條約。每年須結繳銀元三百左右。工方還要減短工作時間。增加工資。豈非逼令資方倡辦機器。制資方不肯出此下策者。實資方深明大義。保持工商合作。民生有賴。免烟業工人。流離失所。

(十)(烟商前途之悲觀)竊杭烟為中國全球最高尚之出品。自舶來品輸入以來。街頭小巷。老幼人等。均厭帶器具。喜吸捲煙。行旅僑客。尚復何言。青年子弟。不論貧富。皆習時髦。浙

省上八下三七十五縣土烟作。曩昔密切林立。近則已被舶來品肅清。絕跡市廛。現在杭州市內尚存少數烟作十餘家。實資方竭盡心誠。急起疾呼。別出心裁。而提倡得以勉強。殘喘。未被舶來品滅種。如工方再不覺悟。亡無日矣。

(十一) (烟商間接受帝國主義之負擔) 自庚子戰爭後。中國財政枯竭。清奴暴斂於民。王歲徵加每擔烟業正捐一元另五分。宣統年間又徵附加稅二成。末年又徵公賣費一元五角。民國紀元。袁氏野心變帝。發現烟絲捐。尚有牌口捐。落地捐三元六角。烟商赤手空拳。呼籲無門。否認卽違命之頭銜相加。默則爲舶來品造生機。甲子以遷。齊盧爭境。孫逆禍浙。戰爭頻年。軍隊過境。一絲一毫。無不採納。商人。商人雖銅皮鐵骨。亦被烱化矣。

(十二) (烟商目下之境况) 如最大商舖。雖則勉強支持。亦無非借本營生。謂其殷實。虛名而已。餘如小資產店舖。景况不言而知。若以苛求條約。促其履行。不啻迫其飲鴆。令其速死。試問皮之不存。毛將焉附。店主雖亡。固不足惜。而拖累無數良好之勞工。同歸於盡。於心何忍。

(十三) (烟商增價之困難) 市上底率之捲烟。每一銅元可購二支。土煙每兩售銅元十一枚。如再增價。勢必滅種。

(十四) (烟商之末運) 近年捲烟盛行。各幫洋庄。採辦地頭。原料騰高。今秋與今春原料價目。增三分之一。售出不能抬高。若再以苛求條件。勒令履行。資方惟有收市。更弦別調。亦非勞工之福。以上種種。均係確實真情。迫不得已。仰懇鈞

會速籌妥善處理。而安營業。不勝幸甚。謹  
呈 浙江建設廳鑒。

### ●武進縣商會呈外交財政兩部

#### 請求禁止華棉外運

呈爲請求禁棉外運。聲述理由。續懇頒發明令事。  
竊商會前以印美棉荒。華棉陳缺新貴。紡紗各廠  
停工已有多家。懇請令禁華棉外運。以維工人生  
計。業於蒸日快郵代電呈請在案。嗣見本月十四  
日上海新聞報等載。有請禁華棉出口之反響一  
節。謂有棉業巨子聯名發出反對宣言云。中國棉  
植。固不及美印棉產額之多。而各地出產。年來逐  
漸推廣。供求足敷相抵。惟頻遭歉收。而各紗廠藉  
外棉輸入。華棉被壓。以致貨雖少而價反賤。農民  
備受其困。今各廠家鑒於外棉減歉之報告。不得  
逞其故智。預請禁止出口。借工人生計以爲名。置

農民困苦於不顧。况我國於各種天產品。向來無  
精確之調查。亦無約量之報告。各紗廠從何而知  
原料之不敷。推其居心。無非欲抑短棉價起見。蓋  
棉花銷路。大都供紗廠原料之用。若出口一經禁  
止。則棉價可由紗廠主任意壓迫。其理甚明。凡我  
棉業。皆有切膚之關係。用敢宣言以告天下等語。  
同日新聞報載停工紗廠已逾五十萬錠一節。其  
略云。近月以來。國內外棉花并漲。而最近華棉。以  
外商之大量購進。市價尤形昂貴。紡紗廠原料成  
本步增。合之紗價。虧折多者達二十兩。因之停工  
減工者紛起。據調查滬錫常等埠各處紗廠。已停  
工者。業逾五十萬錠等語。竊謂情理以研究而明。  
事實以調查而顯。棉業巨子。不問爲何如人。就其  
宣言。應認爲代表植棉農民與業棉商民之生計  
立說。一則謂我國天產品。向無精確之調查報告。  
從何而知原料之不敷。再則謂各地出產。年來逐

漸推廣。供求足敷相抵等語。既云向無精確調查報告。從何而知原料之不敷。又從何而知供求足敷相抵。前後所言。不無矛盾。查近今數載棉貴紗賤。已成慣例。紗則以各縣軍事頻仍。銷數減縮。棉則以兼供國外之用。供不敷求。現在滬錫常等埠各處紗廠之停工減工。已逾五十萬錠。此更爲原料陳缺新貴不可掩之事實。夫使困難非達極點。孰肯以汗血資本之廠。坐受停工之損失。此又情理之最易明辨者。禁棉外運。棉賤固足傷農。但固已不足用而更兼供他人之用。則棉貴實足傷工。棉賤僅使農民利薄。棉貴竟致工人失業。準以農工唇齒相依之道。律以人羣救災恤憐之情。不得不屬望於農民推解之惠。藉免工人凍餒之憂。此實審量利害。權衡輕重。所由斷斷於禁棉外運之不可稍緩也。抑更有言者。禁棉外運。原爲救濟工人生計。而於農民生計。自當雙方兼顧。果使外棉

稍能補苴。棉價相劑於平。仍可隨時弛禁。此其權操之於國民政府。吾人更勿庸臆過慮。所有籲請禁棉外運一案。伏乞我國民政府外交部財政部審核。迅賜明令施行。曷勝禱切。

### ●上寶兩縣聞北商聯會呈軍事

#### 當局請派兵備盜

爲呈請事。茲據敵會所屬各路會員來函報稱。以邇來盜匪蠢起。搶案迭出。被劫各戶。莫不以盜衆攜有武器。兇悍異常。雖鳴警報捕。而盜衆毫無畏懼。安然行劫。揚長而去。良以盜匪見警察既無鎗械防禦。故盜膽愈壯。匪燄愈熾。吾商民等則岌岌自危。旦夕不安矣。爲特報請貴會。火速函請軍事當局派兵駐防各馬路要塞。以資鎮懾。而塞匪膽等情到會。相應具文呈報。麾下。伏祈俯予迅賜查核辦理。而維商業。以安地方。實爲德便。謹呈。

●上寶兩縣開北商會等會呈中  
央政治會議上海分會及白總  
指揮請恢復民元市政廳制度

呈爲陳明開北市政源流。仰乞俯順輿情。迅予撤  
消滬北工巡捐局名義。恢復市政廳。以順民意事。  
竊開北地方。本屬一片草萊。初由地方士商鑒於  
外人之越界築路。有損主權。集資自闢商場。慘淡  
經營。煞費苦心。民元孫總理建都南京。採行民治。  
乃設立市政廳。由人民公舉正副廳長主持一切。  
民三袁氏僭政。停辦自治。取消市政廳。改爲開北  
工巡捐局。由軍民長官派委局長。並延聘地方領  
袖爲董事。遇事會議取決。原有市廳人員。一律繼  
續供職。以資熟手。猶存官民合作之意。民國十三  
年秋。江浙戰起。地方騷然。乃由當地士商出任維  
持。辦理救濟給養。墊款三十餘萬元之鉅。迨民國

十四年奉令恢復自治。開北市政事會董事會先  
後成立。組織開北市公所。卽於是年十二月間接  
收工巡捐局。由開北市公所主管一切。嗣於十五  
年二月間。孫傳芳覬覦市政收入。摧殘自治。回復  
工巡捐局。將市公所行政事宜。強行武裝攫奪。舊  
有人員一律屏斥。實行完全官治。旋因迫於清議。  
以次改組淞滬商埠督辦公署。號稱民督官辦。而  
事實相反。此次我國民革命軍奠定淞滬。救人民  
於水深火熱之中。民衆歡騰。莫可言狀。而開北市  
政既未順從民意。恢復原狀。復猶沿用專制式之  
工巡捐局。使開北三十萬人民。又留一軍閥專政  
之感想。且市政爲地方事業。與地方人民息息相  
關。必須通力合作。共謀建設。值此開北浩劫之後。  
十室九空。措施已難。若再官民隔膜。遑求市民幸  
福。公團等爲地方計。爲市政計。熟籌適合民意辦  
法。惟有恢復民元市政廳。將工巡捐局名義撤消。

仍歸民治。或由高級機關委員主持廳務。另行召集開北地方素有市政經驗之士商領袖。聯合組織委員會。共謀建設。庶幾適合潮流。市政得以發展。民意不致隔膜。一俟市制頒定。再行依法組織。爲此縷述開北市政源流。呈請鑒核。伏乞迅賜准予改組。以順民意。而維市政。不勝迫切待命之至。

### ● 上海紗廠聯合會呈國民政府

#### 呈請維護廠商

爲呈請事。竊以年來棉業停滯。已達極點。對內對外。均有岌岌不可終日之勢。局外人不知底蘊。動以資本家頭銜。加於勉強經營之廠商。抹殺一切事實。設無切實維持辦法。勢非同歸於盡不止。竊我國棉業之興。始於歐戰之後。當時國人昧於一時近利。紛紛建立新廠。日人亦以我國行將增加關稅。又紛紛在滬漢青島奉天等處。設立更多之

紗廠。因此特別情形。而棉業之厄運。遂從此始矣。我廠商以買棉賣紗爲營業。棉花市價之高下。隨世界市面爲轉移。而棉紗市價。則與本國政治經濟狀況及人民購買力。在在有牽連影響之關係。比年戰爭不息。旱潦不時。近海人民。以災浸之故。已多恃外國米麥以爲生。腹地人民。困於烽火。瑣尾流離。求生且不得。人民購買力之日薄。於此可見。紗銷既滯。價乃日跌。遂時時呈棉貴紗賤之變態。一方又以金融枯竭。基金不充之廠。擔負利息日重。遂致虧損破產。或併吞於外人。蓋比比是也。反觀國內外商紗廠。資金既富。公積極豐。技術又精。更得政府及金融界之盡力維持。既無重利之負擔。復可享受三聯單及條約上種種利益。故其每包棉紗成本。往往較華廠低廉。是以華廠竭蹶。不能維持。而外廠反有利益可得。此時局不靜。資本不足。難與外廠競爭。所感之痛苦一也。吾國人

所設之廠。對於工人。無不胞與爲懷。待遇至公。情感極洽。試觀五六年來過去歷史。華廠幾曾有虐待或不顧工人利益舉動而發生風潮者。况以技術不精之故。同一工作。在外廠二人已足。華廠輒用至三四人。所有工資。與十年前比較。大概已增一倍。與五年前比較。已增半倍。遇有米價高昂之時。華廠非購米平糶。則加增米貼。此均經過事實。歷歷可考者。乃往往以外廠發生工潮。華廠亦同蒙惡名而要求優待。外廠增。不得不與之一律增加。此因對待工人方面。感受外廠競爭之痛苦也。紗廠原料。以棉爲本。而紗廠營業之盈虧。率以棉價低昂爲進退。比年交通阻滯。烽火遍野。陝西棉花。不能外運者。已將兩年。即能通運如通棉。漢棉之類。然捐稅重重。求免不得。轉不若外廠持用三聯單。可以通行無阻。因此勢不得不以鉅額資金。購用印美棉花。奈因印美方面。既無直接購買

機關。又無國人設立之銀行輪船。以資運轉。勢又不得不購諸外人之手。其大利所在。首由外人享其成。轉不若外紗直接購辦。利便甚多。因此枋料方面。難與外廠競爭之痛苦三也。有此三者。固已岌岌難於圖存。况華廠流通資金。幾無不恃金融界之挹注。數月來。因工潮時起。金融界視投資紗廠爲畏途。主持其事者。對內對外。應付俱窮。長此以往。實無存在餘地。伏念我國實業。絲茶失敗於前。棉業恐亦將繼其後。本會忝爲全國紗廠聯合機關。誠不忍見全國最重大之實業。淪胥以盡。不得不懇請俯念棉業關係民生之重大。概予維持。一方維持工人生活。一方維持廠商根本。至關於華廠所出花紗。擬懇於稅項方面。略予優待。庶可爲國家稍挽已失權利。關係至巨。懇請鑒核施行。實爲德便。謹呈。

●上海絲廠業協會呈財政部請

修正稅率

呈爲皖蕪運蘇納稅偏苛。懇請援案抵銷。修正稅率。以厚民生而昭大公事。竊敝會案據同豐永駿盛福元豐永大康福鼎昌順恆昌新等繅絲廠函稱。國際貿易。中國向稱重要出品者。首推繅絲。而繅絲之產出。要以江浙皖三省爲盛。然皖之與蘇浙較。因地境關係。交通不便。固已等而下矣。查皖省銅陵貴池南陵涇縣旌德績溪宣城等縣產繅出運申錫。均取道大通蕪湖。而郎溪廣德二縣。緣與江蘇之溧陽接壤。若經大通蕪湖。道遠費時。故必經溧陽以入申錫。此郎廣兩縣運繅須經溧陽之原因也。皖以蠶桑發達較遲。故所納捐稅。例比蘇浙兩省爲輕。從前皖省繅捐。每擔納洋二元二角。蘇省則每擔八元。其皖之郎廣出繅運經蘇之溧陽。向章查驗皖省捐照。將已納二元二角抵銷外。補完五元八角。此蘇皖繅捐區別及抵銷之情

形也。前年皖捐。改照當塗縣先例。增收爲六元。若根據向來辦法。郎廣運繅經過溧陽。祇須補完二元。已足蘇章之額。乃徵收機關。仍令照納五元八角。亦不問五元八角數目之由來。此郎廣兩縣繅運獨擔重負也。按郎廣地處山鄉。道路崎嶇。盜匪淵藪。而所產之繅又劣。保險費復較他處爲昂。因是繅商探運。慮身命款項之危險。無不視爲畏途。該兩縣年來本竭力推廣蠶桑。照其生產力。每年應得乾繅六千餘擔。乃前年產數僅四千餘擔。上年又減至二千餘擔。此郎廣兩縣產繅成績日趨退化也。夫郎廣蠶桑。既在萌芽時代。總期繅商踴躍採購。庶可鼓勵鄉農。以謀發展。乃地方之不安。全如此。捐稅之重負。擔如彼。無怪繅商裹足不前。去春。鄉農擔繅求沽。遠走百里之外。以致繅色損壞。怨聲載道。鄉民受此打擊。至欲砍伐成林之桑。以謝絕蠶事。此郎廣兩縣蠶桑前途之絕大影響

也。凡此種種。無非溧陽境內。不按原則徵捐所致。商民一再呼籲。皖以整頓稅收。數在必增。蘇以稅屬皖加。難減舊額。轉瞬數月。蠶事卽屆。若不修正稅率。獨此煩苛。以明令於衆。恐今而後。欲補救而無及矣。日本絲繭貿易。日增月盛。我國非從遠大着想。將何以與彼爭衡。况我先總理發皇民生主義。刪除苛捐雜稅。早著令典。同隸國民政府版圖之下。當不可以省界之歧。重徵逾額之稅。敝廠等每至郎廣收購鮮繭。靡不感此重稅之累。爲此迫切陳詞。共乞轉呈政府。予以維持等情到會。伏查郎廣兩縣。發展蠶桑。甫著成效。萬不可有此偏苛。摧殘國產。該廠等所陳。委係實在情形。論該兩縣運繭。經過溧陽。以驗照前例言。皖繭已納正捐六元。除照抵外。祇須補捐二元。以符蘇稅八元之額。然如蘇浙互運辦法。浙繭運蘇。及蘇繭運浙。祇各納過境捐一元。則郎廣運繭經過溧陽。情形相同。

公文程式大觀 第五編

自可呈驗皖捐之照。隨繳過境捐一元。俾蘇商因而利蠶桑。仰懇大部俯鑒下情。令知江蘇財政廳。准予修正稅率。援照蘇浙互運成案辦理。實爲德便。除呈江蘇財政廳外。理合具文呈請。伏乞鑒核施行。謹呈國民政府財政部。上海絲廠業協會委員會謹呈。

●江浙皖絲繭總公所呈蔣總司

令請飭軍警保護江蘇繭商銀

貨

呈爲敬擬條陳。呈請保護繭商銀貨事。竊以本屆絲繭上市。江蘇全省保護中外繭商銀貨事宜。依照現狀。參考向來情形。擬具條陳。懇請鑒核。迅賜令行各縣駐在軍隊及水陸警察縣公署照章保護。一體施行。無任公感。計開條陳。(一)後開各縣境內設有繭行之處。本屆保護時期開列於後。

自陽歷五月二十八號起至陽歷七月六號止。凡此四十天。爲全省繭商請求保護之期。其運送現銀出發繭貨。全賴各該地方水陸防營警察衛隊。隨時隨處妥爲保護。遇有繭業公所繭董繭行繭商及招接投行買貨之中西客商。赴各該處軍警縣各署有所請求。伏祈通飭准予照辦。俾得官商連絡。不致隔膜。(二) 保護事宜分爲五節。(第一節) 吳縣之洞庭東西等山。向由上海火車裝運現銀到蘇。請派水警巡船四艘。於陽歷五月二十八號駛至蘇州火車站守候繭商現銀裝到。爲之護送。大約往來其間有二十天之久。必可運竣。其後二十天出運乾繭至蘇。即在蘇地交卸。或由車運船裝至別處交貨。均請隨時保護。(第二節) 陽歷五月二十八號至六月二十三號。此二十五天爲各縣市鄉城鎮繭商運送現銀之期。凡蘇州、無錫、橫林、常州、丹陽、鎮江、南京及松江、金山、楓涇

各車站。以及常熟、江陰、靖江、南通、海門、吳江、平望各輪埠。均有現銀裝卸。均請飭派軍警照料。其無軍警之處。由該縣知事酌派衛隊至車站輪埠防衛。以免疎虞。(第三節) 南京、鎮江、蘇州、常州、無錫、丹陽、宜興、溧陽、金壇、松江、金山、常熟、江陰、靖江、南通、海門等城鄉市鎮。設有銀行錢莊。於繭市時必有現銀出入存儲。伏祈令行水陸防營警察及縣公署。不分晝夜。嚴密防範。(第四節) 松江、吳縣、濱臨太湖。且有寶帶橋等處軍隊駐紮。而洋商乘船駛赴內地。不論晝夜。時有經過往來。仰祈預先令知各該處水陸軍警。隨時保衛。並派水警巡船四艘。在陽歷五月二十八號至六月十七號。此二十天期間。駛赴該處遊巡。(第五節) 水警巡船最爲便捷。歷來中外繭商攜款往來。均可尾隨船後。頗資得力。本屆請求預飭水廳警長轉知各區署長。分令各巡船。擇其人地相宜情勢熟諳者。

就近支配。卽於五月二十八號起陸續發調如下。黃婆墩無錫繭業公所三十二艘。常州武進繭業公所二十艘。大青陽江陰繭業公所二十艘。徐舍鎮宜溧金繭業公所十艘。平望鎮吳江繭業公所四艘。木渚鎮吳縣繭業公所十艘。以上總計水警巡船一百二十艘。派往各該處與繭業公所繭董會商。分赴各鄉駐紮。惟向來現銀由上海裝至無錫常州車站卸車。分運各縣。均係水道。卽請各巡船押同起運到鄉。較爲愼密。今請水警廳長擇其入地相宜者。就近支配。俾知地方情形。免多往返。况自兵燹以後。各處盜匪甚多。本屆繭市。尤非往年可比。尙有江北各縣。惟有由當地繭商向就地軍警請求保護。伏祈一併飭知。無任公感。(三)

各縣縣長暨就地軍警保護繭商。向蒙格外出力。本屆尤非往歲可比。伏祈通飭後開產繭各縣縣長及軍警。自五月二十八號至七月六號止。凡此

四十天內。爲各國商人遵照烟台馬關兩次通商條約。投赴內地各行採辦鮮繭。無論銀貨往來。沿途轉運。以及繭行儲款地點。查照所陳悉心防衛。蓋保護繭商。卽所以消弭交涉。中外商人咸深感戴。(四) 各縣產繭地方。均已設立繭業公所。舉有董事。遇有緊要公事。得隨時商請縣長暨軍警官長核辦者。務請俯念鮮繭登場。僅有數日。且有外商關係。不能稍緩。准予立即施行。間有少數地方。尙未設立公所者。得由開設繭行之繭商。逕赴各署聲請保護。亦乞一體照行。藉免稽延。(五)

凡鄉僻之所。向來駐紮軍隊及無警察防衛者。伏祈預飭該縣縣警調撥本署衛隊兵士。或由縣署呈請調撥水警巡船等。擇要駐紮。免得臨時侷促。致蹈危險。(六) 繭市時間。貨有高次。價有漲落。買賣交易。須得雙方同意。不得強買強賣。凡本地方他種機關。不得強行干涉。並有借販繭爲名。糾

聚多人。至繭強行掙賣。發生不道德行為。伏祈令行各縣縣長一體示禁。並派警士常駐繭行妥爲照料。如有小販白拉等土棍滋擾情事。仰懇迅賜令行各縣縣長。務必從嚴制止。以弭事端。以上各條。均沿向例。呈請通飭施行。其有未盡事宜。應由各縣繭業公所繭董或由繭行之繭商隨時面請地方官廳察核辦理。以期周密。無任感禱。謹呈。

●上海絲繭總公所呈蔣總司令

陳請保護浙省繭市

爲呈請保護浙省繭市事。竊以本屆絲繭上市。中外繭商行將赴浙省各地採購絲繭。向例由各縣駐在軍警及縣公署一體保護。爰特擬具條陳。呈請鑒核。迅賜令行浙省水陸軍警及縣公署照章保護。實紉公誼。敬擬條陳。(一)保護中外繭商赴內地辦繭。最重者現銀。茲將運送現銀並將經

過程途及地點歷舉如下。紹興嵊縣新昌上虞等縣。由上海運至甯波。更換火車。運至百官鎮。諸暨蕭山以上。由杭州或由紹興運往餘姚奉化以上。由甯波運往慈谿。杭縣臨平海甯嘉興嘉善平湖崇德海鹽以上。由上海或由杭州運往。吳興長興安吉武康德清孝豐等縣。由湖州或杭州運往。餘杭新登富陽昌化於潛桐廬分水以上。由杭州或上海運往。(二)保護時間。紹興嵊縣西南各鄉上虞諸暨蕭山杭縣臨平海甯餘杭新登富陽昌化於潛桐廬分水新昌嵊縣東北各鄉。餘姚奉化嘉興嘉善平湖崇德海鹽吳興長興安吉武康德清孝豐鄞縣慈谿。以上各縣。陽歷五月二十四日起。至陽歷六月二十四日止。爲現銀運送之期。其乾繭成包裝運到廠。大概以陽歷六月二十四日爲止。凡此三十天。爲全省繭商請求保護之期。伏祈分飭各縣縣長及水陸防營警署。隨時隨處妥

爲保護。(三)保護事宜分爲四節。第一節。繭商由上海裝銀至甯波鄞縣慈谿奉化。再由甯波火車裝銀至百官鎮卸車。雇用民船。裝至縣新昌上虞紹興等縣。凡沿途經過章家埠三界等處。均有繭行隨處起岸。伏祈令行甯波地方軍警。赴輪埠車站彈壓。凡卸輪裝車以及沿途護送。均請妥爲保護。再由百官鎮雇船運至章家埠三界嵗縣等處。由繭商自赴該鎮軍事長官處請派軍隊護送。亦求令行該處軍隊司令查照。凡遇繭商請求保護。准予立即施行。第二節。繭商由上海裝銀至杭州。再由杭州分運蕭山諸暨桐廬分水富陽昌化於潛新登海甯海鹽臨平嘉興嘉善奉化平湖崇德吳興長興安豐武康德清孝豐等縣。伏祈酌派軍隊。分駐各縣。至省城內外各車站及江口拱宸橋等處輪埠。軍警會同隨時保護。並求令行各營廳轉令所屬。如有繭商面請分撥軍隊沿途護

送。務請立准施行。送到後隨即回營銷差。川資等費。由該繭商給發。免得臨時呈請批准派遣。諸多停頓。第三節。本屆赴紹屬各商款。先至紹興城彙集。或能酌用鈔票。何日由紹出發。預先知照嵗縣總司令。派隊至紹迎護。並由紹城司令派隊護送。無論新昌諸暨。照此辦理。其他各縣一迎一送。均應仿照行之。第四節。產繭各縣縣公署軍警兩界。暨舊時府城。如嘉湖甯紹各處。輪車通行地點。以及錢鋪銀號。均有銀貨往來。伏祈通飭各地方官廳。不論晝夜。嚴密梭巡。而資保護。(四)各縣縣長就地軍警。均有保護之責。伏祈通飭各縣縣長暨軍警兩界。自五月二十四日至六月二十四日。凡此三十天內。爲各國商人銀貨往來時間。無論沿途轉運以及繭行儲款地點。查照第三條各節。不分晝夜。悉心嚴防。保護繭商。即所以消弭交涉。中外商人莫不感激。(五)各縣產繭地方。均已設

立繭業公所。遇有緊要事件。隨時由繭董面商縣長或軍警兩署。准予隨時施行。間有少數地方尙未設立公所。逕由繭商自向接洽。伏祈令行一體遵照辦由。以免扞格。(六)凡有鄉僻之所。向無軍警。伏祈預飭各縣縣長查明調撥本署警察。前往照料。如有不敷分派。或向鄰縣借用。或呈省政府請撥。均須預先籌備。免得臨時張皇。致多危險。凡有軍隊駐紮之所。均由縣公署擇定要隘。借屋安頓。免由地方供給。諸多困難。(七)貨有高次。價有漲落。買賣交易。係得雙方同意。不得強買強賣。凡本地方他種機關。不得強行干涉。並有借販繭爲名。糾結多人。乘夜至繭行強行掙賣。發生不法行爲。伏祈令行產繭各縣縣長一體示禁。並酌派警察常駐繭行妥爲彈壓。以弭事端。以上各條。伏祈令飭遵行。如有未盡事宜。隨時由各繭商繭董面請地方官廳准予施行。實爲公便。謹呈。

### ●上海絲繭總公所呈蔣總司令

#### 請取消雜捐

爲呈請事。竊查蘇浙兩省繭捐。自民元革命。奉前滬軍都督陳內閣總理唐行部轉咨前江浙民政長。一律規定每百觔捐洋六元。另加本業公所經費三角。此外雜稅。悉數蠲除。不及三年。逐漸改變。層樓疊架。苦我商民。正捐加至八元。又有塘工。水利。自治。教育。醫院。公益等項名目。各自爲謀。致分軒輊。自內地購繭運滬。繭絲而至出口。統計捐稅。合廠絲每百觔江蘇一百元稍弱。浙江一百一十元有強。出口之絲。已及百分之八。比較進口。太阿倒持。其中壓迫商民。蹈於非法者。莫如江蘇。於民國十四年三月。爲張宗昌開拔。加繭捐二成。卽每擔一元六角。十五年春。既無開拔可言。又令繼續一年。更如浙江之附加水利塘工。內地繭絲改良。

等費。均未見諸事實。廠商屢經建議。除正捐及自願撥助外。均難承認。本年五月六日。奉江蘇兼上海財政委員會函開。奉鈞部冬電內開。現在餉需孔急。全賴國人相與維持。絲繭兩項。爲蘇浙皖生產大宗。此次絲繭登場。深恐各商經轉。或有不便。業經通令所屬軍隊暨水陸警察。及地方行政官。一律嚴加保護在案。查蘇浙皖絲繭生產額。最低數爲三千萬元。運輸既便。獲利必豐。宜於捐稅正捐以外。加收二五特捐。約計至少可得七十五萬元。於餉需不無裨補。希即轉知蘇浙皖絲繭業董。查照辦理等因奉此。相應函請查照等由。准此。當經召集各廠商會議。僉以江浙繭行八百餘家。散處內地。時屆產新。勢必一律齊集。且查皖省地濱長江。軍事戰線。本屆產繭。尙難預計。蘇浙內地土絲。屬於絲經公會範圍外。姑就蠶繭一項。援照上年蘇浙產額而言。約計二十萬擔。（每擔百劬）

以每擔帶征餉捐兩元計算。可得捐款四十萬元。惟除正捐每擔八元。及公所捐費三角。合衆蠶桑改良會經費一角外。如張宗昌開拔費暨各種苛細雜捐。均非出於商人本願。伏祈 令仰蘇浙兩省財政委員會。暨兩省財政廳轉飭征收局員。自本屆起。乾繭每百劬徵收正捐八元。餉捐二元。本業公所經費三角。合衆改良會經費一角。此四角待帶徵完畢。由總所具呈向蘇浙財政廳具領。以示限制。而清眉目。迨至明年再將餉捐二元取消。回復正捐八元之舊例。且與餉捐帶收一次之原案相符。現距新繭登場。爲時密邇。造具繭捐絲稅統計表。推舉本所委員。攜呈來甯。恭候 訓示。如蒙批准。俾即通告蘇浙兩省產繭七十五縣絲繭商人。遵照繳納。免致貽誤。再廠絲一項。不合國內需用。運銷歐美各國。歷年工價。已比男工昂貴。此後工價再增。煤價已貴。深懼成本太鉅。廠商不支。

設或輟業。工民何依。現加餉捐。未能悉如 鈞令辦理。惟求格外矜全。至爲公感。謹呈。

### ●泰興酒商陳峯九等呈江蘇省

#### 政府請嚴禁混銷火酒

呈爲民生幾絕。赤化易入。請求迅賜設法保護。生計以遏亂源。嚴懲貪污。以樹風聲。事竊自義師入蘇。箠壺遍野。而共產黨竟一度猖獗於滬錫各地。仰賴當局盡力防遏。得以斂戢。查赤化之滋。必以遏絕民衆生計爲第一手段。生計既窮。煽惑乃易。故治意民生問題。實爲撲滅赤化之第一條件。乃不意我泰興之生計。竟爲帝國主義者之走狗。侵略垂絕。瞻念前途。實爲可恐。探原立本。不得不爲我賢長官垂涕陳之。滬埠行銷之燒酒。以泰興出產爲大宗。我泰邑全縣人口一百三十餘萬。農田百萬畝。以全邑人口平均計之。每人僅有田七分

五〇

零。地居江北。交通阻滯。務農之外。更無其他工業。足輔生活者。唯一以精研農業求農田產量之發展。而泰邑農田沙田居多。極易生蟲。故耕種肥料。務求能於殺蟲。豬糞用作肥料。因豬糞能殺田蟲。泰邑農家。無不養豬。而豬之食品。以酒糟爲大宗。故養豬者無不煮酒。所產燒酒。每年有三十萬擔以上。相因生利。燒酒全數行銷於上海。如燒酒阻銷。酒糟無由產出。酒糟不產。無以養豬。不養豬則無豬糞。無豬糞則別無肥料可資耕種。我一百三十萬人生命絕矣。泰酒行銷滬上。已歷七十年之久。陳陳相因。上海各酒行悉購江北燒酒。分銷蘇松各屬。人民嗜飲者。從無些微之損。自歐風東來。嗜嚼非律賓各埠產銷火酒。原爲燃料。會物價昂貴。各貨騰漲。我泰酒以成本人工之負重。不能不加重賣價。於是酒行之桀黠者。乘瑕抵隙。以火酒攪水。混充江北燒酒。每火酒百斤加水可化爲三

倍。火酒一擔之值。可賣燒酒三擔之利。大利所在。人爭趨之。江南士庶。僉知火酒禍害且烈。於是羣起而攻。官廳亦洞悉禍原。嚴加禁阻。羣議紛起。衆論不一。於是邀集中外士商。聘延各技師。在南洋公學公開化驗。最後解決。該火酒雖云無毒。然燥烈偏性。不能充作飲料。公決嚴禁。各酒商雖暗地仍有搭用。而厲禁所在。咸有畏懼。然因燃料使用。稍一不慎。如去秋福佑路大福永酒行。因遣司至租界出貨。在老開橋地方。酒箱漏滴。偶着火種。滿車燎原。行司受傷。而行路之老嫗死焉。又如味餘醬園棧司騰挪酒聽。觸發爆炸。該棧司炸去一足。此皆爲禍之顯明者。今春海寧路有三人購酒兩瓶。同飲於室。一人飲最少而先出。兩人飲多而留室。迨明晨覈察。兩者俱各暈昏。亟送醫院。一因飲多。遍體焦黑。已不能救。一幸少飲。尙獲生全。其後外埠亦多發見。因飲酒而致命者。報章騰載。輿論

督促。前駐滬特務處長楊司令派員查辦。輿論譴之。前警廳長吳。前衛生局長劉。相繼佈告。重申禁令。意謂火酒之害。可以掃除淨盡。滬民額手相慶。不意首先贊同。請禁火酒。現充於酒公賣第一總棧經理之朱愷儕。卽朱增元。不顧公衆生命。妄以火酒攪水名曰申酒。美火酒之名曰酒醇。據請二區菸酒公賣事務局朱大經送請滬衛生局化驗。於本年七月十二日頒發第五號佈告。謂酒醇無毒。證明爲無毒之酒類。並稱該項酒醇不含毒質。則以充飲料尙無不合。自應准予行銷等語。此示頒佈開厲禁方嚴之禁令。大行解放。火酒商人如獲至寶。該衛生局長劉緒梓前既嚴申厲禁。今忽於臨行交卸之際。擅開巨禁。前後所言歧異。判若兩人。無怪乎悠悠之口。難乎其善矣。此禁開後。我泰酒可以絕運。何則。以酒醇攪水之申酒。售價不過八元。泰酒成本須十二元餘。申酒八元。酒商

可獲厚利。泰酒十二元八角。我客幫尙須耗本。依此言之。泰酒自無行銷來滬之日矣。惟上年公開化驗。亦云火酒無毒。而禁充飲料之禁益嚴。此次該局化驗固云無毒。而有一則以充飲料尙無不合」一語。此誠百思而不能索解者也。大江南北嗜飲同胞。今後之生命操於攪水火酒奸商之手者無論矣。我泰與農民以失酒利之故。直接妨害蓄豬間接害及農業。生計既窮邪說易入。最近民間圍城之舉。不過一種現象而已。其害可勝言哉。峯九少如等爲各埠人民生命計。又爲泰邑全縣人士生活計。不敢隱於上聞。爲此撫拾源委。縷晰陳情。並將第一總棧。臚呈各節。分別辨駁。另摺錄呈。籲請鈞座俯賜察核。立賜明令撤廢該衛生局菸酒事務局所頒佈告。嚴懲劉緒梓朱大經朱愷儔等以重生命而儆官邪。並請通令各屬。仍頒明令。嚴申火酒厲禁。俾泰與燒酒仍得行銷於上海。

無任迫急待命之至。除呈總司令部總政治部民政廳財政廳建設廳上海特別市市長上海警備司令部外。謹呈。

### 【商界公函】

●上海總商會致東路前敵總指揮部請給運煤輪船護照函

逕啓者。本日接准上海煤業公會函稱。據裕昌煤號。今租有中國輪同德號一艘。裝煤二千噸。運到漢口。以供既濟水電廠之用。該輪係完全貨輪。不裝搭客。除裝煤外。並由中魯輪船公司。裝有雜貨一千餘噸。定明日由滬啓碇。附呈裝運貨物單一紙。爲希迅賜檢同貨單。函請東路前敵總指揮部。分電經過南京等處軍民長官。薄飭所屬一體保護。以利運輸。並請發給該輪護照一紙。以便隨船帶漢。免受檢查。轉請查照准予轉呈等由。到會查

所稱各節。原係普通運輸。惟恐軍事期內。航行有阻。特請求保護。爲亟檢同原單。據情轉請務祈貴部允予照辦。輪期迫促。並請迅予賜行。將護照填送敝會。以便轉給。無任感禱。

### 上海總商會致財政部請廢止

#### 香燭稅函

逕啓者。本月十八日接寶輝堂燭業公所函稱。敝公所等前以政蠶妄獻征收香燭迷信稅香燭特稅種種名目之稅政。卽經同業羣起反對。籲求廣洽卿先生援救。嗣蒙電呈財部財廳代爲請命。後蒙財廳復電照准。正在謳頌之時。而各報又有財部委許肇廷爲浙江香燭特稅局長之文。同業等以財部令辦特稅。雖浙江先行開辦。我江蘇萬難獨免。若任實行。則我業小本經營之商人。勢必同歸於盡。招由浙江兩省各處商會及同業團體電

呈政府呼籲。請求取消外。爲此環求貴會予以救濟。電請財部爲民請命。不勝迫切待民之至等語。到會查香燭一項。雖爲消耗無益之品。惟依此製造爲生之工人。以及設肆攤販賣之商人。全國之中。何啻百萬。而消費此項香燭者。又普及於中下社會。並非悉爲富有之家。一旦於原有厘捐之外。課此值百抽二十五之特稅。必致銷路絕滅。且此項以香燭製造爲業之工人。類皆年事已長。舍此一藝。無從改業。是香燭特稅實施之結果。必致平添數十萬失業之工人。可以斷言。當此軍事未平。百業凋瘵之際。撫綏勿遑。何堪再增多數失業工人。致摧殘國家元氣。釀成社會恐慌。前於報端見有鈞部批示。何速哉等呈請發行迷信香品印花一案。奉批開。呈悉。此類物品。大都爲小本經營。未便征收特稅等因。傳誦之餘。仰見鈞部洞悉民隱。蕩滌煩苛。乃未幾而報紙忽載有鈞部頒布香燭

特稅條例十九條。決定先從浙江入手開辦。並有委任許建廷爲浙局長之文。是該公所所慮行將波及蘇省一層。似非過慮。此種有損貧民生計之瑣細雜捐。既蒙鈞部批斥於前。應請俯賜成全。於後。將所定香燭特稅條例第九條。亟以明令廢止。庶恤民艱而符原案。至深感禱。

### ●上海總商會復江蘇交涉公署

爲萬國絲業展覽准令絲綢業

組織團體前往與賽請察照函

逕復者。迭奉貴署公函。祇悉承示意大利都利諾地方。將於今年四月起至十月間。開萬國絲綢展覽大會。並赴賽人員船費約減三成。以七折計算。以及會場地位。應留幾何。並囑擬辦法各節。敝會對於此項展覽會。曾經據情召集絲綢業各團體開會討論。參與辦法二次。均以到會人數過少。現

距開會期間甚促。商家經濟異常困難。屆時能否參加。尙未定奪。惟此等以商業論之。關係絲綢業之前途甚鉅。以國交言之。關係國家體面亦極重大。應請轉呈國民政府。迅即劃撥赴賽經費。國幣十餘萬元。令由絲綢業推舉代表組織團體前往與賽。以示政府提倡之至意。或可趕辦。特此具復。卽希察照。至紉公誼。

### ●上海總商會復杭州造幣廠化

驗新幣結果函

逕復者。案准大函。以奉財政部陽電。各省銀幣。沿用袁像。前經政治會議決。改鑄先總理像幣。又經中央財政委員會議決。先總理像幣。繪像鑄模。需時。准暫用民國元年先總理紀念幣舊模等語。電仰該廠遵照等因。奉此。遵即派員赴南京領取紀念幣模。加工翻刻。於本月五日開鑄新幣。茲檢取

樣幣四枚。函達查照等因。計附樣幣四枚到會。查上次甯廠開鑄新幣。奉財部函送樣幣。請爲化驗到會。當經會同本埠銀錢兩公會辦理。將化驗結果。登報宣佈。並呈復在案。准函前因。爲增進新幣信用起見。因即同樣辦理。函送上海銀行公會化驗去後。茲准上海錢業公會函開。准上海銀行公會函開。准上海總商會函開。送杭廠新幣。請照成例辦理等因。准此。查上次甯廠新幣。係由敝會送去化驗。今既援照成例。輪流化驗。此次杭廠新幣。應請貴會逕送化驗等因。准此。遵即將樣幣檢出二枚。送上海化驗室化驗。茲據化驗報告。其成色皆在原定標準以上。相應檢送化驗單一份。即請會同登報披露等因。計附化驗單一份到會。除即會同銀錢兩公會名義。將化驗成色登報宣布外。相應檢同化驗單一份。函達貴廠查照爲荷。此致杭州造幣廠。

### ●上海總商會致英公使爲五卅

#### 慘案紀念特進忠告函

北京英國公使藍浦生爵士閣下。敬啓者。五卅慘案二週紀念。行將屆臨。同人等不揣冒昧。敬將管見所及。敷陳左右。以期中英交涉前途。掃除障礙。雖屬詞費。要亦分所當爲也。五卅紀念之舉行。有須重言而聲明者。此項運動。並非排英性質。不過表示中國人民一致之決心。不能再屈服於不平等政策之下。此種畛域之下。已不復適用於今日。誠應以平等互惠之原則代之。自五卅事件發生以來。我國人對於英政府維持對華好感之真意。未免懷疑莫釋。懸揣而不能置信。所望閣下於此不良狀況之下。有以救濟之也。貴國政府之欲根據新政策。表示對華誠意。則於耶誕節前一日所宣布之聲明書中。已可確切證明。此舉純出於友

誼之精神。爲國人所深感。當漢口九江英租界歸還之時。全國民衆。以英國對華政策已有根本改革之傾向。譬如造屋。一方方在建設。而一方已自毀壞。不大可惜哉。茲約舉數事。皆足以激怒羣衆。大傷中英二國之友誼。並造成中國人民對英之猜疑與惡感。特分述於後。(一) 近今北洋艦隊砲攻吳淞要塞。希圖將所載北軍登陸。此舉設竟成功。則上海之和平。行將大受恐慌。乃當該艦等進攻之時。竟有英國飛機數只。飛行於砲台之上。此事就軍事策略言之。殊有妨礙防禦者。抵抗對方攻擊之影響。且以英國之飛機。而自由迴翔於中華領土。又於軍事要塞地。其違犯國際公法。及貴國本有之法律。事實昭著。不容稍諱。此種飛行。雖經交涉員特提嚴重抗議。而竟悍然不顧。繼續行駛。(二) 鐵甲火車。雖在楊子江之南岸。俱係反國民政府之軍隊。由浦口移來者。今正欲遷還

浦口。而爲英海軍所阻。漫稱滬甯鐵路爲抵押於英債權人之押品。此種飾詞。其挾持偏見。以干涉我國之軍事內政。實屬違反中立。要知該鐵甲車。並非英債權人投資之財產。有利益關係也。(三) 今上海已恢復原狀。而租界邊境。接近閘北地帶。依舊嚴重守衛。鐵絲網及沙袋。觸目皆是。且有數種之防禦建築。似爲永久之設置。非復因臨時之需要。暫事預防初意矣。(四) 大隊英兵久駐滬上。作戰時之準備。實足使兩國人民之商業交涉。受其障礙。而不能恢復常態。今中國人民滿懷恐怖猜疑之心。所以然者。亦非毫無依據。按諸歷史。則一千八百五十八年一千八百六十年一千九百零一年等等不幸之事件。皆足以使我華人。勿與英國及其他外國兵相接近。治平最近而有上海案件。自此案披露後。已激起道德上之羞憤心。並對於駐在此地之全體英兵。有不信任之感。

想。查此事發生於四月二十三日。有一英兵闖入愛而近路私人居戶。並強姦一華婦。乃以司法者枉法以徇之。又以最重要之證人。即私縱該犯之英捕。有意規避。該英兵雖有種種犯法之證據。而悉置不顧。豈得當庭釋放。綜觀以上種種不幸之事件。與處置方法之激動公憤。致使中英間友好關係之維持。受嚴重之恐慌。爲此聲請閣下。迅探相當步驟。以掃除此種誤會。毋使潛伏人心。讓成後果。再有進者。我國民政府非不知中英懸案欲得滿圓解決。其唯一方法。應以互相尊重。各彰公道爲根據。以從事於協商。深望閣下此次來滬。有以促進而完成之也。專此奉陳。順頌公綏。

### ●上海總商會致錢業公會徵求

#### 起草商會法意見函

逕啓者。敝會前以奉令改組。籌備選舉。必先有適

公文程式大觀 第五編

當之法規。方可依據。而民國四年所頒行之商會法。現在似難適用。爰是組織法制股委員。並添聘專家爲顧問。共同商榷。旋經酌議。以新商會法。已由中央政治會議上海分會。預備起草。惟在此項草案尙未着手編訂之際。應先由商會條陳意見。以備採擇。庶幾適合商情。免致施行時發生窒礙。議由敝會分函各入會團體。請其各抒所見。函由敝會彙案轉陳。以符集思廣益之意等語。茲特備函奉達。並附奉民國四年頒行之商會法。及施行細則各一份。藉作參照。其中應如何參酌損益之處。統祈悉心考核。於十日內函復到會。以便彙案辦理。至深感佩。專布。並頌公綏。

### ●上海總商會致各酒業商會爲

#### 徵收租界酒捐請尊重國稅函

逕啓者。接准江蘇二區煙酒事務分局咨開。奉江

五七

蘇全省煙酒事務局令開。轉奉國民政府財政部訓令。奉中央執行委員會政治會議函開。據國民黨黨員奚楚明等呈稱。上海租界區域捲煙統稅。既已推行。酒捐一項。亦應趕緊辦理。庶可增進稅收。以裕國庫等情。當經議決。交財政部相應錄案。並抄附原呈函送貴部查核辦理等因。奉此。查租界洋酒稅。本部現已令飭江蘇印花稅處。依照稅率貼用印花。實行征收百分之三十。並咨請外交部。轉飭江蘇特派交涉員。向駐滬各領事接洽一切。各在案。至租界華煙酒稅一節。宜予如何辦理。應由該局長迅行按照租界狀況。切實核議辦法。呈候察奪。除呈復外。合行令仰遵照。此令等因。奉此。查捲煙統稅。既經推行租界之內。而租界各種酒類。事同一律。自應趕緊遵辦。除令委梁維崧前往會查。並函請上海交涉員及總商會協助外。令仰該分局長遵照。切實查明。妥議辦法。詳晰呈

復。以憑核定轉陳。此令等因。奉此。咨請協助勉勵。各該業商。奮盡納稅義務。踴躍輸將。推舉代表。籌議辦法。以利進行。等因到會。除分別與局委接洽外。相應函達。貴會查照。希即轉致開設租界各同業。尊重國稅。一體遵照納稅。以盡國民義務。是為至要。

### ●上海總商會致入會團體通知 採用分業選舉函

逕啓者。本會章程。現經法制股委員暨各名譽顧問會同修正。並經臨時委員會議決。作為暫行章程。以為此次辦理改選之標準。除將章程呈請市政府轉呈備案外。一面並即籌備選舉。惟將此次選舉。照章程所定。係採用分業選舉制。應將各業先行分類。所有貴會館等。僅以地名冠團體名稱。未詳何業。無從區分。為特備函奉詢。務祈將尊處

入會代表係歸何業者。詳細示知。以便辦理。再此  
次辦理選舉期間。極爲匆迫。並乞於接函後迅行  
見復。萬勿遲延。無任切盼。

### ●上海總商會致入會團體請擔

#### 任借款函

逕啓者。敝會前接總司令部特務處以及淞滬警  
察廳等先後來函商借款項。業經分函銀錢兩公  
會請其各向同業轉借。旋由兩公會函復核借照  
繳到會。惟核計數目。尙差三萬元左右。本月十四  
日。又因此事邀集入會各團體討論。商定將此項  
不敷之數。由各業團體分攤認借。以期足額。查警  
備司令編練部隊借款。係由南北市公所地方收  
入項下按月歸還。分五個月還清。警廳置備服裝  
借款。月息一分。就上海稅所本年八九兩月收入  
歸還。擔保確實。還期短近。此次尊處分攤承借之

款。經敝會酌定爲六百元。務祈即日邀集貴同業  
議決照借。將款卽予擲交到會。俾期集腋成裘。藉  
維敝會對於官廳信用。至深感。

### ●上海總商會致各商店請准時

#### 向江海關投遞出口報單函

逕啓者。本月二十四日。接江海關稅務司函稱。前  
因商人投遞出口貨物報單。任意延緩。以致本關  
查驗。諸多不便等情。曾於一月十七日函請貴會  
協助。轉知各商。嗣後遵章投報在案。自該函奉達  
後。得貴會之協助。各商每日所送報單。曾經按照  
規定時間投遞。但爲時未久。故態復發。以致關商  
兩面。均感不便。本關原可按照前函所敘辦法。將  
核發稅單及驗貨之時間。分別從嚴加以限制。不  
過爲力求便利商業與體恤商人起見。如能另有  
他法。使各商人得以遵照關章辦理。本關絕不願

加以任何之限制。爲此再行函請貴會鼎力切勸各商對於投遞出口報單一事。勉與本關合作。按照規定時間辦理。以期兩利而便辦公。是爲至荷等因。查此事曾於本年一月十九日分函奉達。請照海關規定時間報驗在案。茲准前因。各商家遵行未久。又多逾延。在關員辦公。既多困難。設因時間已過。竟照前函。歸入次日查驗。在商家尤多損失。用再具函奉勸。祈爲查照前函。凡有報運出口貨物。務於上午規定時間內呈請查驗。以免後期。至深感幸。專泐。並頌公綏。上海總商會啓。

●上海縣商會致未出席各業商

代表催繳庫券款銀函

逕啓者。案准江蘇兼上海財政委員會函。轉奉國民政府命令。發行江海關二五附稅庫券三千萬元。係指定二五附稅全部作抵。並組織保管委員

會。自本年七月一日起。分三十個月連本息按月攤還。月息七厘。軍需迫切。萬難延緩。規定以九八繳款。立待彙解等因。本會遵於五月四日午後。召開全體會員臨時大會。籌議公攤辦法。貴業代表。雖未到會。仍應一律攤認。因此項庫券。關係軍需。無可推諉。應請貴業體念時艱。盡力認購。務於三日內繳款彙報。濡筆以待。幸勿遲延。至禱至盼。

●上海縣商會致各業代表爲改組委員會制請添舉代表以便選舉函

逕啓者。民國十七年二月十七日。（戊辰正月二十六日）本會春季全體大會。提議改組委員會制一案。當經公決。亟應自動改組。惟按照現在入會人數。不能分業選舉。祇能仍照向章。採用普通選舉。委員人數。定爲二十六人。比從前會董人數。增

加五人。常務委員定爲五人。所有入會各業。應增加代表人數等語。用特備函奉達。應請貴業添舉代表口人。開列姓名籍貫職業住址。並將原有代表人名一併開列。迅即函復。以便核對人數。當此籌備改組之時。必須集中商人力量。求團結而謀進步。所以入會代表。儘量容納。務祈查照。從速進行。俾着手辦理選舉爲要。此致。附表一紙。

### ●聞北商會致滬上各團體轉知 呈請撤銷工巡捐局奉到復文

函

逕啓者。前與貴會等。會呈請求撤銷滬北工巡捐局一案。茲於本月一日。奉中國國民黨中央政治會議上海臨時分會秘書處函開。接准四月二十六日奉呈。所請撤銷滬北工巡捐局名義。恢復民元市政廳一節。經本會第十一次會議議決。工巡

捐局係暫時維持現狀。俟市政廳成立後。當然取銷。相應函復。即希查照。本月二日。奉國民革命軍東路前敵總指揮部指令開。呈悉。上海市政關係重大。已由國民政府統籌辦法。不日可見諸實行。工巡捐局。係暫時維持現狀而設。仰即知照。本月十日。奉中國國民黨中央執行委員會政治會議函開。據四月二十六日來呈略稱。請撤銷滬北工巡捐局。恢復市政廳等情。據此。查上海市政府組織條例。已在起草中。當靜候市政府成立後。復作有統系之處分。相應函覆。即希查照各等因。相應函達。即希查照爲荷。此致。

### ●上海各路商界總聯合會致租界斐總巡請嚴查盜匪函

逕啓者。敝會迭據會員報告。日來公共租界各馬路。每至深晚。時有匪類。身穿便衣。懷藏利器。匿跡

於黑暗之所。遇有往來行人。卽上前非法搜檢。苟有銀洋鈔物。往往被其攫去。受其害者。當場因懼於威嚇。事後爲損失有限。不願張大其事。是以未向捕房報告。惟若不加撤究查拿。一任此輩橫行。則地方治安。大有關係等情。據此。查近來上海一隅。盜劫之案。日有數起。前項報告。亦係確實情形。敝會爲全市商民。此後行路安全計。不能緘默。爲特函請貴總巡。務望准予通告各捕房。自卽日起。每晚多派巡捕出外巡查。在職勤務人員。一律預穿制服。以便識別。對於前項情事。當設法使其不再發生。事關公衆安寧。幸卽施行。無任公感。此致。

●上海各路商界總聯合會致江蘇印花稅局請將租界銷用印花稅票仍蓋上海商總四字以分界限函

逕啓者。吾國印花稅政。行之有年。租界拒用。爲時已久。敝會向不參與者。以軍閥當道。未足與謀。今國基初奠。財用浩繁。前沈卓吾同志就任全國印花稅處長時。以租界拒用印花。引爲大憾。來與敝會謀。片言之下。慨任勸銷。以裕國用。朞月之中。百方奮勉。竟達貼用之初步。彼外方雖欲嚴拒。其奈我知義之國民何。自沈去職後。貴局長繼之。葵傾有願。拜晤無緣。實深惆悵。今繼續推銷之策。急須磋商者甚多。極願當局因公駕瀝之時。通知敝會。俾得歡迎暢聆稅政。再前沈局長對租界勸銷之印花稅票。妥訂另蓋上海商總四字。以資識別。而分界限。今者缺少此票。而以印就之上海特區四字者暫代之。以是之故。商家多有致疑。恐將來或生弊竇。影響稅收。應否特備之處。尙希注意及之。此致江蘇省印花稅局局長李。

●上海各路商聯合會致商總聯合

### 會請促上海市長就職函

逕啓者。今日國民革命軍。逐步進展。直搗幽燕。完  
成北伐。指顧間事耳。上海人民。久望市政府成立。  
謀人民之幸福。圖市政之改良。茲幸中央業已通  
過上海市政條例。并悉任黃膺白先生爲市長。市  
民聞悉。踴躍歡迎。查辛亥鼎革。上海中華民國軍  
政府滬軍都督府之成立。黃同志與有殊勛。嗣又  
歷任要職。對於革命事業。上海情形。咸皆諳習。以  
長市政。極其稱職。及黃同志一再遜辭。殊令市民  
失望。當此建設伊始。凡百待興。非先生無以促其  
成。豈容清隱高蹈。爲此函請貴會。迅電中央及蔣  
總司令。表示擁戴。期在黃君必出擔任。市政幸甚。  
市民幸甚。

### ●上海南京路等商界聯合會致

### 上海臨時政治委員會歡賀各

公文程式大觀 第五編

### 委員就任函

敬啓者。我軍抵滬。解除滬商束縛痛苦。貴會成立。  
圖謀市民福利安全。而諸位委員咸黨國寄重之  
人才。中外馳名之俊彥。對於滬地市政外交等事。  
當能措施裕如。經綸煥發。滬民欣忭之餘。謹此拜  
賀。南京路。漢口路。福建路。西藏路。九江路。崇明路。  
山東路。愛多亞路。四馬路。海甯路。浙江路。四川路。  
文監師路。虹口六路。漢璧禮路。西華德路。滬東百  
老匯路。北福建路。新閘中城。滬西四路。湖北。漢口。  
靜安寺九路。滬西九路。唐家灣。民國路。九畝地等  
商聯會。菜場。攤戶總聯合會。商民協會。中城協會。  
四川路分會等。謹啓。

### ●上海商民協會致中央執行委

### 員會請重加審核工商標準函

敬陳者。接奉 貴會五月十八日來函。解釋上海

六三

工會統一委員會及商民協會爭執會員案。決定與商店資本有關係者。乃得入商民協會等因。奉此。即經報告籌備會議。僉以工商界限。截然不同。商店店員。應在商民之列。似無加入工會組織之理。敬舉理由。陳請 鑒核。(一) 凡以買賣或貿易為職業者。均係商人。凡屬商人。依據商民協會章程第一條。皆得為會員。而商店店員確係以買賣或貿易為其職業。當然應入商民協會。(二) 工字之意義。若就廣義的言之。則無論何種職業。非勞心。即勞力。此種解釋。且將包含農商及一切職業。當然不能適用就狹義的言之。則工者。從事於製造者也。應僅限於工廠中之工作者。何能包含商店店員在內。(三) 若以資本之有無關係。判定工商之界限。則大銀行大商店之經理協理賬房。彼等未必與資本有關係。均應加入工會矣。而黃包車夫。以些微之資本。租車勞力。以圖餘利。

亦應加入商民協會矣。以此分界。似非直覺所許。(四) 或以為經理協理賬房等職。雖直接與資本無關。而有紅利可分。可謂之間接與資本有關。故仍得謂之商。若以此言。則上海商店夥友十分之七八。均有紅利可派。又何以強為之別。(五) 若以有資本者為商。而從事於買賣者為工。以此推之。必以田主為農。而耕耘者為工。此種解釋。終覺未妥。(六) 商民協會章程第六十三條規定。會員月費多寡。有商店職工不得過一元字樣。是商店職工四字。顧名思義。似確係指店員而言。若必謂係指與商店資本有關係者。終覺有牽強之痕也。總以上數點觀之。謂店員為商民。終覺其為合理的。為直覺所許的。為當然的。若必強令其加入工會。則窒礙叢生。困難殊多。猶憶四月之初。上海清黨運動開始時。工人糾察隊繳械。邇時店員工會代表章郁庵在商民協會會議席上提出罷

市要求。卒以全體臨時委員之抗爭。罷市之案。不得通過。而共產黨擾亂全上海之陰謀。竟不得逞。假如商店店員歸入商民協會範圍。則當時罷市之議。何從發生。所幸者其時大部分上海店員。尚未受共產黨之毒。工會雖有決議事實。未能實行。否則罷市罷工。悉掌握於工會之手。此其危險。必將盡驅商業於敗亡之境。而皮之不存。毛將焉附。商店既難立足。店員何以爲生。漢口長沙失業商民。多至數十萬。是其前車。且卽就店員本身之志願而論。亦均願加入商民協會。果能加以指導。組織之訓練。商業發展。庶乎可期。貴會諸公高照遠矚。洞見窳要。所以爲黨國謀者。至爲周詳。當不忍使全國商業。卽因此解釋而滅亡。法律。以事實爲依歸。理想與習慣相輔助。謹根據籌備會議。全體之意見。爲忠實的陳述。敬祈貴會重加審察。指示遵行。實爲德便。此上。

### ●上海商民協會致中央執委會 再陳工商標準意見函

敬再陳者。本月二十五日。函陳商店店員。應加入商民協會意見。諒承鈞察。茲以意有未盡。敬再續陳各節如下。(一)貴會第九十一次聯席會議第十三項決議案。議決工商標準。以有資本關係者。方得爲商人云云。此項解釋。應認爲勞資之分別。至於工商界限。當以職業爲標準。(二)勞資階級。不能概括指工爲勞。指商爲資。蓋工中亦有資。例如上海之各業工頭。其產業恆有數萬數十萬者。商中亦有勞。例如借本鬪生之小販。(三)查章程第六十三條之規定。對於商店職工。並無以資本爲標準。而第六十五條。會員如遇失業時。得請求減免月費。商會會員。如指資本者。何得稱失業。如因資本虧盡而失業。其本人已站在

無產階級之地位。更無請求減免月費。仍在商民協會會員之列。其原文所謂會員。顯指商店職工無疑。(四)以上海商業論。商店之股東。多數居住內地。另聘經理司其事。雖亦有股東兼經理。而多數經理。皆雇用性質。如照中央九十一次之議決。以勞資解釋。為工商之標準。則上海商店中取得商民協會會員資格者甚鮮。例如上海總商會會員。如錢業經理。多非股東。應加入工會。或以為是項商店職員。分得紅利者。亦可認為商民。果爾則多數商店。議單上均有規定分給店員(即職工)之紅利。(五)如商務印書館等工人。多有買本公司股票者。如以有無資本為工商之標準。則是項工人。即為商民。今以職業性質為標準。故該印刷工人等。均為工會會員。(六)工商之標準。最顯明者列左。(甲)在工廠或作場工作者。謂之工。在商店批發行所為職員者謂之商。(乙)

有專門技藝。及用苦力者謂之工。管理或銷售農業品工業品。以及幫同辦事之職員謂之商。(七)參觀工會條例第一條。『凡年齡在十六歲以上。同一職業或產業之腦力。或體力之男女勞動者。家庭及公共機關之僱傭。學校教師職員。政府機關事務員。集合同一業務之人數。在五千人以上者。得適用本法組織工會』核對中央第九十一次議案之解釋。除有資本者為商。有田產者始為農。其他商店僱用之店員為工。農民僱用之田夫亦為工。以及學校教職員。政府機關事務員。男女勞動者皆為工。是則除資本者外。可謂天下皆工。以此為標準。工會之範圍。實太廣泛。應請貴會詳加解釋。俾工商各得保障。實深公感。

●上海商民協會致市黨部為南洋烟草公司統一工會干涉商

## 民協會

敬啓者。茲據捲烟同業公會報告。南洋兄弟烟草公司發行所職員組織商民協會。爲統一工會委員會干涉等情。查店員係屬商民。毫無疑義。統一工會方面任意干涉。實屬不明工商性質。藐視國民政府所頒布之商民協會法令。此案與筆業店員案情形完全相同。據報前情。相應將公會報告及關於筆業店員案之工會統一委員會函。附送察核。卽希貴部嚴重處置。明白解釋。實爲至幸。此致。

### ●上海商民協會致工會統一委員會抗請通知南洋兄弟烟草公司職工會不得干涉該公司商民協會函

逕啓者。茲據捲烟同業報告。南洋烟草公司商民

協會。經於四月七日向特別市商民協會籌備處註冊。開始籌備。不料正在進行間。南洋公司職工會出而干涉。並由貴會去函詢查等情。據此。查店員職工。應隸屬商民協會。爲法令所規定。昨爲筆業店員爭執案。會附章程。送請察閱。南洋公司事同一律。應由貴會卽行通知南洋職工會。不得干涉。以免糾紛。除函報特別市黨部外。特此函達。此致。

### ●上海商民協會致交涉員爲定期慶祝政府遷甯請轉知租界當局勿生誤會函

敬啓者。本月五日。爲先總理就職大元帥之紀念。上海商民。爲表示擁護國民政府遷甯。並紀念雙五起見。特由上海特別市商民協會籌備處發起。集合各商業團體之會員。於是日下午二時。在公

其體育場舉行慶祝大會。先期並經市黨部商人部派員指導籌備。參加僅限商民。入場必持憑證。但是日既爲全商民發揮意志之日。凡在公共租界及法租界之商店。屆時亦必有所表示。務懇交涉使先行轉知兩租界當局。切勿誤會。以免引起糾紛。至是日兩界商民赴場參加。尤盼勿加干涉。蓋此係商人之正當表示。決不與地方治安發生若何之影響也。謹致。

### ●上海商民協會致各業分會請 遵章貼用印花函

逕啓者。本月六日。接准江蘇印花稅局代電內開。上海總商會商民協會均鑒。查印花稅條例載。憑摺賬簿。年貼印花一角。上年奉准自十七年一月一日起。依例實貼。早經通令遵照。並布告各在案。政府頒布法令。凡屬商民。均應一體遵守。各商會

各商民協會領袖羣商。均屬深明大義。當能盡督促勸導之力。以維護中央稅收。乃近據各縣分局長呈報。各商號多有堅持照舊仍貼二分。在各商號不明稅法原理。相率阻撓。影響稅收。實非淺鮮。現距本年度開始實貼之期。已逾一月。如果尚未遵貼。一經查出。勢必依例處罰。雖玩法者咎當自取。究非中央稅政機關愛護羣商之初意。合亟電請貴會。務希迅速勸導各商店。凡憑摺賬簿。一律遵貼印花一角。以及條例所載。並專文令貼之件。均遵照粘貼。毋再堅持觀望。以裕稅收。而重要政局長李調生。副局長周介春。冬印等。因准此。合亟轉函該分會。仰即通告各會員。遵章粘貼。以免處罰。是爲至要。

### ●上海商民協會致各商業團體 發起慶祝關稅自主函

逕啓者。案查中國國民黨對外政策第一條第三項。爲取消外人管理關稅權。換言之。卽爲關稅自主。五卅慘案以後。各國開財政會議於北京。曾擬於民國十八年一月一日。實行關稅自主。裁厘加稅一案。會議數月。迄無結果。且裁厘後所加之稅。至多不過百分之一。二五。以言保護幼稚工業政策。則猶未也。關於裁厘加稅運動。民元迄今。工商團體。未嘗或息。無如軍閥政蠹。置若罔聞。每以抵補金三千萬元向工商要挾。今國民政府在中國國民黨指導之下。於最短期間。爲謀國民經濟之發展。將不平等條約中最足致中國爲次殖民地之「外人管理關稅權」一項取消。毅然定於本年九月一日。實行裁厘加稅。關稅自主。將前清光緒二十八、二十九、三十年中。英美日關於裁厘加稅之條約。及其他條約。協定關稅之束縛。完全解除。此舉爲求中國自由平等之第一步。亦爲南

京國民政府之大無畏政策。吾工商日夕禱祈之。裁厘加稅與關稅自主。一旦政府決定實行。凡我工商。自宜歡欣鼓舞。舉行慶祝盛典。茲經本會第四次籌備委員會議決。發起舉行上海商業團體慶祝關稅自主大會。夙認貴會領袖羣商熱心黨國。對此盛舉。定蒙贊同。用特專函徵求參加。並祈推出代表二人。以便召集籌備會議。討論慶祝辦法。及日期地點等項。相應函達。卽希督照示復爲荷。

### ●上海商民協會復華商紗廠聯合會

#### 合會允爲援助函

逕復者。接准大函。以國內工廠出廠稅率。與洋貨進口。同爲百分之一。二五。實業均受重大影響。紡織業更無立足餘地。囑爲援助。轉陳政府。給予優待權利等因。並抄附豔電一通。到會。業經本會於

今日分電中央政治會議國民政府暨財政部察核。迅予宣布救濟辦法。以維實業。合先函復查照爲荷。此致。

### ●上海錢業公會致各同業通告

#### 議決事項函

逕啓者。案准上海民衆對日經濟絕交大同盟委員會函開。以各商號與日人交易。向例貨款。概由銀錢兩業爲之代收代解。茲爲實行經濟絕交。請轉告同業。凡日商往來貨款。萬勿爲之代收代解等因。昨日本會召集董事會議。僉以代收代解。應分兩節而言。凡有往來商號。託同業代解與日商之款。我同業可以遵照辦理。回覆不解。惟往來商號有託向日商代收之勢。礙難遵辦。蓋以託收之往來商號。對於莊家有欠款關係。卽以託收之款付還莊家。若莊家拒絕。彼往來商號必有所藉口。

徒滋糾葛。莊家勢不能不爲代收。總之根本辦法。在各商號不與日人買賣。則銀錢業之代收代解。當然不成問題。應請委員會叮囑各商號。勿渝各盟爲第一要着各等語。復經本會董事會議決。(一)不放款與日人。(二)不與日人買賣生金生銀。(三)不收用日銀行鈔幣。(四)不代各商號解款與日人。除一併函復外。相應錄函通告。卽希查照辦理爲荷。此致。

### ●上海估衣業商民協會致市黨

#### 部商民部請預防店員糾紛

逕啓者。竊敝業向來對於店員。東夥感情。既極融洽。雙方待遇。亦極公平。至於店員權利。除薪水外。鉅數收入。端在佣金。故有年收多至五六百元少則一二百元者。此皆雙方利益所在。亦營業習慣使然。惟自去年十一月間。職員工會提出條件。既

違勞資合作之旨。尤與習慣格不相入。惟當時共黨跋扈。主持總工會。唆令糾察隊橫加壓迫。當敵業代表開會之時。遽加重重包圍。經六小時之久。向來極爲融洽之店員。亦有強被拖去。至受一二日之困苦。卒之店方屈於其勢。除每月加薪四元之外。攤衣佣金。一律加倍。職員單方之利益。已大增加。同時店方之吃虧。已不言可知。乃時隔半載。忽又提出條件。並散給離間傳單。以破壞東夥之感情。敵業前以遵章改組商民協會。負責無人。不能致答。乃今復接統一工會轉函催促。囑爲明白答覆云云。敵業除趕緊組織商民協會。並另推代表鄧志豪等七人。特函前去解釋接洽外。竊謂勞資妥協。工商合作。實爲民生主義之精髓所在。敵業極願集合各方意見。研究新舊各件。重訂公平辦法。俾東夥雙方。各得其平。惟萬一職員方面重起糾紛。屆時務請貴部駕臨指教爲荷。

公文程式大觀 第五編

●江蘇捲菸業聯合會致中國捲菸廠公會聲述華菸不能發展原因函

逕啓者。捲菸自實行統稅以來。稅額既增。銷路自屬遞減。吾菸業爲尊重國家政令。勉力擔負。以冀有益黨國。詎開辦數月。華廠各菸運入內地。無不遵章粘貼印花。（卽值百抽五十）外菸反恃強抗稅。私運內地。遍處皆是。華菸有統稅擔負之重。售價勢必提高。外菸無印花之稅。售價反較低廉。其避重就輕。人同此心。故吸者多樂購外菸。華菸無人過問。營業打擊殆盡。查外菸私運內地。其原因無非稅局稽查人員。通同無弊。蘇省南京鎮江二處。爲長江之咽喉。外商利用水道。將私菸堆積於沿江躉船之上。作爲臨時棧房。如銷售各地。每箱祇納水上警察保護費洋十元。及稅局查驗所

蓋印費洋二十元。所以價值每箱二百餘元之大英牌。亦如是通行無阻耳。凡水道交通之處。如江岸、瓜洲一帶。莫不施行此法。故外菸銷行內地。日見發達。華菸限於就廠徵稅。反形銳減。敝會欲求推廣國貨。事實上已無能爲功矣。茲搜集各區統稅查訖。無花外菸數包。尙希檢閱乃幸。此致。

上海捲菸同業公會致全國捲

菸統稅處請發還被扣各貨函

逕啓者。敝會刻據開北寶山路協和祥號函稱。本月八日下午一時。有自稱開北緝私處檢查員二名到店。將已納新稅之金鼠牌香烟一百四十五條計二箱。美麗牌九十三條計一箱。聽美麗四百三十一聽計一箱。大英牌二百四十盒計三箱。仙女牌三百七十八條計三箱。哈德門一百八十六條計一箱。天橋牌一百九十條計二箱。共計十三

箱。不問情由。將烟悉數強行車去。查此烟爲敝號於本月份向各公司加稅批來。箱上皆貼有財政部所發新稅印花。且各公司亦有簿冊日期可核。該檢查員不明稅法。輕舉妄動。殊覺弁髦法令。使敝號受意外損失。應請貴會迅向全國捲烟總處據理力爭。並望將被抄之烟。從速發還。以安商業。而重政令等語到會。查該烟既已納有新稅。照章不得再行扣留。且根據財政部公布徵收捲烟稅條例第四條之規定。關於捲烟粘貼印花事項。由所在地捲烟稅局派員駐廠監貼。其箱上均應粘貼印花。今該烟會經鈞處派員駐廠監查。箱上亦已粘貼印花。於定章均爲合法。何得認爲私烟。額外苛擾。使商民停頓營業。務希處長依法查究。並乞轉飭該緝私所。將抄去之烟。如數發還。實爲公便。

上海米行公會致縣商會請轉

## 呈國府擬照向章徵貼印花函

敬啓者。茲據敝同行紛紛來會聲稱。印花稅票。原係法定國稅。昔被軍閥以命令變更法律。悉索暴斂。苦我商民。至今思之。尚啣痛恨。今幸革命成功。驅除萬惡軍閥。取銷苛徵雜稅。滿望減輕商民負擔。庶符先總理提倡民生之要旨。詎近閱中日報新聞欄。載有江蘇印花稅處於陽曆元旦後檢查印花。舊票無效。從新換貼。且從前貼用二分者。改令增貼至五倍。苛徵擾商。一至於此。商民雖愚。安肯盲從。致鬧北商店。釀成罷市風潮。結果購存舊票。准予掉換新票。敝同行光景日蹙。若將購存舊票。突作無效。從新增貼新票。複雜重沓。何堪苛累。伏思新舊印花。俱爲國民政府所頒行。如果遽分新舊效廢。將何以昭信人民。敝行窘迫已甚。不堪負擔。苟不設法拒絕。當此潮流所趨。誠恐激變。因想貴會領袖同業。敢請轉函商會。迅向江蘇印花

稅處據情力爭。務照向章稅率徵貼。並援閩北例。准予掉換新票。以恤商艱等情。據此。查印花稅票爲國民政府所頒行。上下半年。率爾宣告作廢。使商民從新重貼。實於納稅原則。似屬不合。敝公會忝領同業。既據前情。相應函請貴會察核。迅予轉呈國民政府。垂念商艱。迅飭江蘇印花稅處。對於南市閩北。一視同仁。以昭大信。而免糾紛。臨穎不勝拜禱之至。此致上海縣商會。上海米行公會啓。

### ●上海米行公會致縣商會請轉

#### 呈市政府擬照向章徵收船捐

函

敬啓者。茲據聚順米行來會稱。據船戶華慶福報告。昨日船捐處徵收員來船。強令繳捐一元二角五分。因勒索不遂。遽將油蓬搗去。舟人何辜。遭此蹂躪。長此以往。難延蟻命。爲此懇請援助等情。竊

思米船捐稅。逕敝業董迭向市政府請求。已蒙准將新稅撤除。仍照向章稅率繳納。該徵收員何得強迫苛徵。勒索不遂。竟硬取油蓬。實施高壓。當此潮流所趨。激成船戶停運米糧。殊與民食前途。誠有重大關係。若不設法制止。攜取器具流弊。擾擾無已。頗起隱憂。為敢據情上達貴會。務祈迅予轉呈市政府。飭令船捐處對於米船捐稅。仍照向章徵收。所屬人員。尤須嚴加約束。以恤船戶而維民食。是所至禱。

● 滬北經售米糧公會滬北米業聯合會致上海總商會請轉電國府省府撤銷過境米糧查驗收費函

逕啓者。竊自江蘇省政府。訂定過境米糧查驗條例。在甯設立查驗辦事處。並在無錫上海設立查

驗所。實行收費以來。轉浙客米因之停頓。而南京查驗辦事處。更將運錫皖米貨車扣留。強令按照運浙一律繳費。車運亦因之停裝。迄今旬餘。滬埠皖米絕到。貧民日食。米商營業。均呈危象。伏念蘇省產米原不足以供本省民食。滬埠貧民更恃皖米為活命之物。過境米糧查驗條例。原為維護本省民食而訂定。今因收費之故而絕到。引起民食與商業之不安。滬埠民食前途。固不堪設想。浙省產米。更不如蘇。其民食恐慌。尤可想見。江浙唇齒之邦。同隸國民政府管轄。國民革命。係解除全國民衆痛苦。實現整個民生主義。固不能因省區之關係。而分待遇。兩省民衆之厚薄。蘇米禁止出省。原屬維護本省民食不得已之舉。浙商越境赴皖採米。亦為維持其本省民食之要圖。果浙省產米足以自給。又何必間關千里。求資於隣。在政府維護本省民食。不應於運蘇皖米強令一律繳費。按

諸恤隣之旨。轉浙皖米亦不應加以重徵。本埠米業已在仁穀公所議決。再無解決辦法。惟有南北全體停市。痛苦情形。當在貴會洞鑒之中。假使皖省仿蘇省之辦法。而重徵而禁運。則蘇省民食亦將陷於絕境矣。敝會謹為滬埠民食請命。更為浙省民食請命。為特函請貴會迅賜電轉國民政府江蘇省政府。軫念米商艱難。民食危象。除維持蘇米禁止出省原案外。立予撤銷過境米糧查驗辦事處及查驗所。庶米商營業。得以維持。兩省民食不致缺乏。更免滬埠南北米業罷市請願之損失。則於國於民。實均利賴。迫切陳詞。不勝盼禱。

### ●滬北經售米糧公會復上海總

商會請轉復臨時法院對日商

販買賊米一案主持正誼

逕復者。接准貴會第二零三五號函開。准上海臨

時法院函開。本院受理日商海洋社船越中二郎告義大豐米店萬雲喬等故買賊米一案。前因對於米行習慣。發生疑問。業經函請嘉穀堂米業公所查復在案。惟本案兩造主張習慣不同。非有明確之證明。難昭折服。素仰貴會為商業總機關。商場各項習慣。知之必稔。茲本院為慎重起見。再將下列各點。函請貴會。希即詳查見復。俾資核辦。實級公誼等因。計附開各點到會。查原函內開。此事業經函請嘉穀堂米業公所查復在案。茲准前因。應再詳為調查。以資彙核。相應抄錄原開各點。函達查照。即祈詳細見示。以便轉復。幸勿見延。是為至盼等情。附抄件一份到會。准此。查本案各點。業經仁穀公所分點函復貴會在案。敝會毋庸贅述。惟以本案性質而論。日商海洋社船越中二郎逕控義大豐萬雲喬故買賊米。似乎控訴手續。未盡全合。蓋雙方買賣。初非直接。經售人（即捐客）

實處居間地位。該洋米來源之正當與否。貨主負有全責。經售人亦有相當關係。至買方則不能深悉底蘊。該海洋社船何不追究有賊之貨主。及代售之經售人。而撇開主要罪犯。逕控間接不知底蘊之買方。實深疑竇。其中原委。臨時法院原函中。未經詳述。雖不能加以臆斷。但以關係華洋訴案。倘不合正當之受理。而得公平之判決。則將來影響華商方面。至深且鉅。准函前因相應函復。並希貴會參照仁穀公所復函。予以深切注意。倘亦認本案控訴手續有疑問。對於復臨時法院函中。應請主持正誼。俾資糾正。則於此後華洋商務糾紛。裨益匪淺。題外之慮。尚祈鑒察。實紉公誼。此復上海總商會。

●上海華商雜糧公會致總商會

請轉呈財部仍准客棧轉口

據敝會員米業仁穀公所同業各行號報稱。同業等經營米麥雜糧各貨。凡長江湘皖贛等省產米各地運滬。秬米抵埠後滿十四天。尚未裝運轉口。遵章報關進口。一年期內。原貨憑原派司報關驗明。裝運轉口。向無阻滯。誠以該項長江客米。已於產地起運時。完納產銷捐稅。及彼口運此之關稅。假道滬埠。運銷各路。故照章准予流通。乃近因禁運蘇米出境。遂致長江各路由滬轉運之客米。一經十四天期滿。暫報進口後。亦不能再報轉口。米市停頓。商運不通。殊為惶駭。本埠輪軌交錯。為內地各處產品彙集轉運之總樞紐。故長江流域湘皖贛等處所產秬米。不能直接運銷各省。必須假道於滬。以通銷路。然滬市米少價貴之時。必先就滬售銷。亦決不舍近圖遠。轉加耗費。故此項客米之轉口。對於本省民食。絕無關係。政府禁止蘇米出境。良以本省災荒迭遇。米價過貴。藉以舒甦民

生之積困耳。惟長江運滬客米。不在本省產數以內。如一經進口。卽視爲蘇米。一律關閉。則本埠囤積固多。食有餘粟。而他省缺米之處。轉無接濟。况將來客米以銷路阻滯。不敢再運來滬。本省遇有缺米之時。亦惟有閉門坐斃。故此項客米。如不流通。則產地農民。滬埠商業。既無生望。而於國計民生。亦大有可慮也。敝公會據此情形。爲亟陳求貴會轉呈財政部。俯念農商困迫。迅予飭令江海關監督。轉行稅務司。凡有長江湘皖贛產米各省已納產銷捐稅。及彼口運此之關稅。到滬客米報進口後。原貨憑原派司復報轉口。仍照向章驗明放行。不勝感德之至。

●上海華商雜糧公會復上海總商會請轉追南昌志成行欠款

函

公文程式大觀

第五編

逕復者。案查敝業大成行請追南昌志成行欠款一事。奉貴會總字第二〇四八號公函。以接准南昌總商會復開。志成行聲辨各節。並與記函請追還大成所扣志成成售與同和泰瓜子款項等情。囑即轉致大成等。因到會。商會卽經錄函轉致。茲據大成復稱。昨奉鈞函。抄示上海總商會總字第二〇四八號公函內開。接准南昌總商會函開。一切均已讀悉。惟志成所稱各節。實有未符事實之處。特再聲明如下。該行聲稱並未倒閉。此事敝行初亦未知其詳。後因去信均被退還。原信後面批明該店歇閉。原信退還等字樣。故云其倒閉。然該行既未倒。所欠之款。理應償還。至云數目。並無三千餘兩之多。此有簿據可查。何能虛構。該行售與同和泰瓜子一百包。亦係與記轉託。乃該行連次致同和泰函件及悅來轉運棧來函。並無提及與記字樣。抄上原信稿三紙。請一檢閱。便能證明其

七七

推託之詞。然亦無論其爲何人所託。既由志成出售。卽爲志成之貨。敝同業前因遠來顧客。遇有不良之徒。往往拖欠款項。卽一去無蹤。稍隔時日。又另向他行交易。故敝公所公同議決。凡同業須互相維護。凡遇此等不良之顧客。拖欠貨款。另向他行交易。卽須互相關照。將貨扣畫。敝行對志成欠款。除向同和泰劃算瓜子貨款外。所缺之數。務懇轉請商會飭追。陰曆年關在卽。俾便結清。况該行屢有函件。託同和泰探問滬市各貨情形。其營業之盛。自堪想見。務祈迅予轉追等情。到會爲特據情函懇。務祈察核。迅予轉函南昌總商會查照辦理。以維商業而紉公誼。至爲感禱。

●上海華商雜糧公會復統一船

捐征收處請仍照舊章征收船

捐函

逕復者。昨准台函。以市區各河流舊時船捐。共有六道。今統一征收。所定捐額。未超過舊額之總數。謂敝業各幫船戶。以舊日船捐爲藉口。現議修正征收規則。將內河來滬船隻直駛蘇州河或浦江者。仍照舊章辦理。囑卽轉致各船戶一體周知等因。准此。卽經分別函轉。茲據敝公會各幫同業團體復稱。舊時軍閥壓迫時期。對於船捐征收辦法。係於市區各河流分設稽征機關六處。船泊何處。卽於何處按月納捐給領捐照。如未逾月移泊他處。卽於他處稽征機關查驗捐照。不再征捐。並非一船於一個月內共納船捐六道。來函所稱實未超過舊額總數。似係誤會。乃明明照舊額顯然增加五倍也。且以新舊捐額統計比較。又不止增加五倍之巨。再敝同業各幫船戶哀號呼籲。不僅直駛蘇州河及黃浦江之內河運米來滬船隻。凡載運米麥雜糧油餅之客船駁船。均以代客駁運等

力營生。所獲微利。食用無餘。惶急不能擔此重負。今既蒙憫此船戶痛苦。許爲修正征收規則。應請將上項徵公會各幫同業所有駁運米麥雜糧油餅各貨。無論外來客船及在滬駁船。一律仍照舊章辦理等情前來。合亟據情復達。務希察照施行。至爲感荷。

### ●上海機器碾米公所復總商會

#### 請轉省府飭免運蘇皖米查驗

#### 收費函

逕啓者。接准貴會復函。誦悉壹是。關於運蘇皖米。請免驗費一案。荷允援助。實深感綬。承詢宏大運錫皖米。曾否在甯報驗。查宏大裝車之時。因該米確屬運錫銷售。並非過境米糧。與江蘇省政府所頒過境米糧查驗條例。初無抵觸。迨裝畢之際。即准南京過境米糧查驗辦事處通知。謂須一律繳

費。始知省府第二號佈告之辦法。當因布告祇規定報驗。並無一律收費明文。請其查驗放行。乃交涉無效。非照轉浙皖米一律繳費不可。致被扣留。茲復據甯來皖客報告。因被扣米車。路局每日需延車費。每車四十餘元。米客情急萬分。不得已前往繳費。乃該處並無正式捐票。僅出收條。上書「皖省何來至甯站煤炭港裝車運錫轉口入浙」等字樣。米客當因該米並非轉浙。倘持此項收條。經第二處關卡查驗。則米客既無護照呈驗。豈非出錢購買私運罪名。因此復拒絕繳費。現被扣押。近旬日。損失延車費。每車達四五百元等語。據此。查皖米運浙。非有護照不能裝出。今以運蘇之皖米。強令其繳費。復強其轉口入浙。倘該入浙收條爲有效。是廢除護照而弛米票矣。倘該入浙收條爲無效。是陷米商於私運之罪矣。以該入浙收條詞句而論。是已證明運蘇皖米不能收費。至爲顯

然。此應反對收費之理由也。並查南京下關鐵路貨捐局。稽查米糧至嚴。運蘇轉浙。均須驗明捐票或護照。方能報捐出單放車。倘無捐票。路局決不出給提單。開放車輛。查驗手續。已至詳盡。是運蘇之米。更無須過境米糧查驗辦事處。多此一重越出職權範圍之查驗。更證以此次該查驗辦事處。扣留米車原因。乃重收費。並非僅及查驗。今以運蘇之米。而給以入浙收條。更足證明其留難癥結。確在收費。倘僅報驗而不收費。則該辦事處多手續而無費可收。勢必加以留難。以每車一日延車之費計。已與一律照繳入浙之費相等。留難一日以上。則更損失不貲。是迫米商承認收費也。此應反對查驗之理由也。綜上事實之證明。敝業根本不能承認運蘇皖米。由該過境米糧查驗辦事處之查驗與收費。連日皖米因被扣絕。米價日昂。貧民生計。與廠商營業。均受重大影響。准函前因。

合再復請貴會查照前函。賜轉江蘇省政府。飭免運蘇皖米查驗收費。以蘇民困而恤商艱。

●上海南北市米業仁穀公所致

總商會請電省令行吳江縣政

府釋放被扣米船函

謹啓者。頃准南幫米商公所報稱。茲有吳江縣屬黎里鎮達隆順大兩行裝米兩船。又北呖生泰裝米三船。又萬泰行裝米一船。又宓姓客商一船。均運滬銷售。均備有捐票成單信函及托滬上米客經銷之信函憑證。以上米船七艘。於陰歷十二月十二日。裝運開行。在途聞有大幫梟匪搶劫風聲。恐有危險。不得已假道江浙交界之河道躲避行駛。乃不意沿途忽遇水警巡船。疑爲運往浙境。該船七艘。悉被扣留。業經移解吳江縣政府核辦在案。查該項米船。運銷地點。均有捐票等可以證明。

吳江縣屬各鄉鎮。多與浙境毗連。斷不能因其繞道蘇浙連界之河道。遂指爲運輸出境。陰曆年關逼近。商人營業艱難。一經延擱。卽難支持。爲特據情函懇貴公所。轉請上海總商會。電呈江蘇民政廳。令行吳江縣政府。迅予查明釋放。以維商業等情前來。准此。查該縣所屬黎里北呎等處。均係產米豐富之鄉。滬埠食米。向由該處運輸接濟。現市米價。滬埠遠貴於浙。該商行等。亦決無含貴求賤之理。况有捐票信函等。均可證明。爲特亟陳求貴總商會。迅予據情。電省民政廳。令行吳江縣政府。查照放行。至紉公誼。

● 旅滬皖幫米商致安徽旅滬同鄉會詳陳上海市斛米糾紛

請予據理援助函

逕啓者。邇來上海市各幫米商。以斛司斛米。發

生甩斛爲權等弊。旋由常熟米業公所。暨北市各幫米客。邀集同業。在滬北米業聯合會開會決議。一致反對。立卽函致北市米行公會辦理。並函請仁穀公所主張公道。維持校斛定章各在案。查吾皖各縣。近年疊值歉收。皖商因來滬接濟民食。營業蕭條。虧耗甚鉅。所受痛苦。無可伸訴。茲因斛米之際。發生舞弊行爲。暗中損失。尤非淺鮮。米商等以本身利害關係。函致上海碾米公所。通告各廠嗣後斛米。務須掃除積弊。不得瞻徇情面。此係正當辦法。詎竟有米業份子。出而反對。以米客等改用輕斛。尅減公量。肆意詆誣。淆惑聽聞。蓋米客等此次要求。但期革除斛弊。根據仁穀公所校定斛量。以上滿檔光爲標準。並不知有輕斛之事。且斛司係行家雇用。米客無權指揮。卽有不行爲。何能歸咎於米客。惟米客等遠背鄉井。千里經商。受人誣蔑。心有不甘。夙仰貴會維護桑梓。不遺餘力。

爲特縷述緣由。函瀆清聽。務乞迅予召集同鄉開會討論。援功辦法。據理力爭。以安商業而全鄉誼。無任感盼。並祈轉復爲禱云。

### ●上海旅館聯合會致納稅華人

會請轉懇交涉使早日解決加

#### 捐問題函

上海旅館聯合會致納稅會函云。逕啓者。日前（七日）荷蒙貴會致老鼎陸旅館解建堂君函內有云。現當政治刷新之秋。國民團結尤屬必要。集中力量。不容稍緩。務盼台端即速召集同業。籌備組織。冀於最短期間成立。是爲至盼等因。敝業奉此。卽於是晚召集。到者有遠東孟淵旅館百餘家。僉謂爲聯絡感情。交互智識起見。亦不可無此聯合會。經衆議決。准着進行組織。一俟籌備就緒。卽當開成立大會。而示聯絡。以固團體。還望時錫南針。

以匡不逮。惟是晚開會。有人提議。要求謂此次巡捐問題。未知何日可以解決。殊深懸念。若無解決之期。敝同業實爲不堪其擾。轉瞬二星期將屆。商推現象。究屬如何。用特肅函叩問。蓋敝同業營業性質。與他業不同。其內容苦衷。諒爲鈞懷洞悉。不揣冒昧。用敢函請貴會。轉懇交涉使能早日圓滿解決。卽能早安一日。敝同業之營業。是否有當。尙希亮察。實爲公便。此致。

### ●上海邑廟豫園商店聯合會致

整理邑廟豫園委員會請取消

#### 公益捐函

逕啓者。邑廟豫園。自組織整理委員會之後。一切整理經費。均由貴會籌措。預定計算。約數千元之譜。一經興工。超過原額限度。乃勸商人等認加公益捐。以資補助。商人等爲邑廟豫園觀瞻及路政

計。不得不暫忍痛苦。勉力負擔。現下一切整理手續已竣。豫園氣象煥然一新。商人等無不額手稱慶。以爲從此可以減一負擔。際此百業凋零。銀根奇緊。固不能無動於中也。本擬修呈意見。俾貴會有所根據。不圖近閱報章。貴會有移交市政府管轄之說。空谷來風。不爲無因。於市政府意見。本在統一管轄權。故於商人等之負擔。亦必當與外界同一待遇。決不至重於此而輕於彼也。但商人等深恐市政府未明此中緣由。照舊徵收。則將使商人等多此意外之輸出。且商人等因顧念邑廟豫園之整理。已至筋疲力憊。爲特具函籲請貴會體恤商艱。速將此項公益捐。立予取消。以符貴會之初旨。用特具函。務希恢復原案。並候示覆。實爲德便。

### 【商界布告】

## 上海商民協會布告擁護中央

公文程式大觀 第五編

### 銀行

爲布告事。前以反動派謀危黨國。播散謠言。對於中央銀行信用。力圖破壞。以致發生擠兌風潮。查其絕大原因。厥爲反動派之蓄謀煽惑。復爲奸商市儈之操縱壟斷。一髮之微。牽動全身。一源之壟。堵塞萬流。甚有拒絕紙幣。而自問不能自解。小商人受累尤重。當經本會再三勸導解釋。茲復爲我商界同胞。剴切言之。中行紙幣。經已點驗實數。與現金相抵。其差數不過四百萬元。以政府每月稅收千餘萬元。均收紙幣。其差不及稅收十天。瞬息可期湊合。如此光明大道。如此殷勤維繫。尙何憂慮之足言。低折更不容許。昨經四商會聯席會議議決。由四商會領銜。對各行商解。勸導安心。行使。毋得任意低折。致招損失。各在案。凡我商界同胞。當體此意。擁護中央銀行。卽所以擁護國民政府。尤其是先爲自衛。幸勿再受奸徒所惑。致遭損

失。有厚望焉。切切此布。

### ●上海閘北十一路商聯會通告

#### 限期掉換新印花票

茲准閘北商會函開。略謂案准江蘇印花稅寶山兼閘北區支局來函及佈告。謂閘北各商店前購存之國民政府舊印花稅票。限於本年陽曆十二月三十日以前。向閘北分局掉換新票。惟掉換時。須酌納換票費五厘。又須到局領取繳票式油印紙。於繳票時。隨時填註掉換。再舊稅票既經掉換。即不得再行貼用。俾免檢查時發生糾紛。各等因。來會查新舊印花稅票。官民爭執已久。此項辦法。尙屬變通之計。相應備函奉達。并希轉知各商店。查照辦理等情到會。據此。相應特別通告。寶號所有前購存之國民政府舊印花稅票。請於陽曆十二月三十日以前。即陰曆十二月初七日止。速速

向閘北寶山路三德里A字九號閘北印花稅分局掉換新票貼用。萬勿延誤。望即察照辦理爲要。特此通告。

#### 【商界公電】

### ●各省商會聯合會通電反對日

#### 本出兵山東

各省商會聯合會昨發反對日本出兵通電云。各省黨部。省政府。各機關。各公司。各報館均鑒。本年三月間。國民軍底定東南。渡江北伐。日本抱帝國主義之野心。甘冒世界不韙。出兵山東。已爲全國人所切齒。乃閱時未久。乘國軍攻克徐蚌之際。忽傳有第二次出兵之舉。陽爲保護僑民。陰實阻撓義師。用意所在。昭然若揭。是可忍。孰不可忍。本會各省代表。正值在滬開會。突聞此訊。驚駭莫名。經於本月二十三日提出大會討論。一致通過。爲

堅決反對之表示。如彼方始終不顧公理。吾全國商人。爲保衛國權起見。自當本其決心。亟起對付。爲此通電奉達。務乞一致聯合主張。共同表示奮鬥精神。藉以戢彼野心。擁護國權。祇候明教。不勝企盼。各省商會聯合會叩。

### ●各省商會聯合會電各省埠商會請勸募粵災急賑

各省埠總商會並轉各縣各鎮商會均鑒。准華洋義振會函開。此次廣州及海陸豐五華等縣。忽遭燒殺搶掠大慘劫。流毒所至。市井爲墟。無數災黎。正在水深火熱。茲經本埠廣肇公所。潮州會館。粵僑商業聯合會。商請敝處組救濟粵災徵募大會。以期紓此巨難。日昨開籌備會。當經議及現各埠商會正在貴總會開聯合會。想到席諸公。聞斯慘劇。披髮纓冠。定亦不讓當仁。擬懇羣策羣力。賜予

贊助。振務前途。實利賴之等因。當經提出十二月二十三日大會討論。僉以此次共黨在廣州海陸豐等處暴發。肆意焚燒殺戮。凡所經過之處。精華殆盡。值此歲暮。災民流離失所。慘不忍言。自應廣爲徵募。藉拯飢溺。經議決由本會通電各商會。分投勸募。以資通力合作。集成鉅數。匯往災區。除分電外。合亟電達查照。務即同時發起募捐。並設法先行籌集。源源匯寄。俾資急振。曷勝感禱。所有捐款。請即匯交上海總商會內本會總事務所收轉。合併奉達。各省商會聯合會叩歌。

### ●上海總商會通電條陳政治綱

要

南京中央黨部。國民政府。財政部宋部長。江蘇省政府。上海市政府鈞鑒。暨各團體各報館均鑒。恭讀中央四次全會宣言。宏猷遠謨。經緯萬端。秉承

總理遺教。確立黨治方針。下風迷聽。薄海騰歡。惟自民國建立以還。連年戰爭。干戈擾攘。兵燹所經。農廢耒耜。工輟繩墨。商絕貨賄。流離載道。生產蕩然。社會經濟。已瀕於山窮水盡之域。及今而言建設。自首重國民經濟生活。惟建設之道。不在改絃易轍。取革命方式。要在維護培植。令其逐漸恢復。政府提倡於上。小民專力於下。則社會生產。自能漸有轉機。昔衛文公大布之衣。大帛之冠。務材訓農。通商惠工。期年之間。成效大著。謂宜遠法古人。明訓。近遵總理遺教。根據歷史民情。導揚民生主義。所有一切苛捐雜稅名目。培克聚斂政策。概行廢除。舉凡含有共產理論。分化策略。煽惑階級運動。以破壞生產秩序為目的者。明令禁止。庶幾經濟復活。國力充裕。為獨立自強之始基。得實際正確之效果。敝會忝屬商業團體。思慮所及。敢貢一得。伏候採擇施行。上海總商會叩元。

### ●上海總商會電軍事當局暨中

#### 央監察委員擁護南京會議

南京蔣總司令。何總指揮。龍華白總指揮。並請轉呈中央執監委員諸公均鑒。自長江肅清。甯滬底定。倒懸頓解。民聽聿新。薄海喁喁。咸願受三民主義之指導。瞻國民革命之成功。徒以我國積困多年。對家複雜。急進者自標新異。誹競者資為利用。黨中領袖。專籌北伐。未暇糾繩。遂令一唱百于。寢離正軌。紫色亂朱。賓喧奪主。國民黨以造產為政策。而一部分之行動。不免有破壞產業之嫌。國民革命期。農工商學兵之大聯合。而一方面之偏倚。或肇聯合破裂之虞。影響所及。不獨萌芽遲疑。亦使工商停滯。今幸中央監委員揭擁護之宣言。總司令總指揮暨各當局採非常之處置。且開集會南京。確奠黨政。從此青天白日。益煥光芒。三民主

義愈見鞏固。視聽統於一軌。奮鬥集於一的。安內攘外。定奏全功。闔市商民。歡聲雷動。謹抒悃忱。竭誠擁護。上海總商會叩。

### ●上海總商會電南京中央全體

#### 會議請取消苛捐雜稅

南京中央全體會議蔣譚于主席。並轉財政部宋部長鈞鑒。我國民革命軍底定江淮。長驅魯境。掃蕩幽燕。指顧可期。值茲四次全會。黨權鞏固。下情嗚咽。尤盼盛治。比以軍費浩繁。捐稅驟增。而一般失意政客。更復巧立名目。以爲進身自肥之圖。於是局所林立。重疊稽徵。培克聚斂。習爲風氣。呼籲無門。怨咨載道。敝會不避冒瀆。敢代商民請命。應請俯賜提議。將一切苛捐雜稅。概行撤廢。並裁併駢枝。徵收機關。嚴禁巧黠之徒。假借名目。獻媚嘗試。藉期予吾民休養生息。黨國前途。曷勝利賴。迨

切電陳。佇候訓示。上海總商會叩。

### ●上海總商會電中央政治會議

#### 暨財政部長請持平辦理捲烟

#### 特稅

南京中央執行委員會政治會議暨國民政府財政部錢代部長鑒。據南洋兄弟烟草公司函稱。我國開辦紙烟統稅。洋商抗不遵辦。結果所至。洋商以無稅之烟。四處行銷。華烟稅重價昂。無人過問。華人紙烟事業。因此遂瀕於絕境。敝公司數月以來。銷數銳減。爲向所未有。不得已曾於本月二十五日。將困難情形。函請貴會據情代懇國民政府財政部暨江蘇統稅局。將租界之煙。暫予通融。免貼印花。以救危局。其實洋商不繳納統稅。其影響於華商者。不獨上海租界爲然。內地各省稽查不密。利之所在。走漏更多。例如閩廈等處。既可由外

洋運入。皖贛等處。彼又可以漢口廠所製輕稅之煙。倒銜圍售。平均比較。華洋煙稅率。相差在百分之五十。於此情勢。欲華製紙煙得以支持。雖愚者亦知其無能爲力矣。本月二十七日。復奉江蘇捲煙統稅局通告內開。本局前以時局關係。兼爲體恤商艱起見。故對於未經中央管轄區域。凡捲煙製造廠捲煙。須運往各該省銷售者。暫准免貼統稅印花。但現今中央政府已經甯漢合作。長江統一。應仍依照定章辦理。故嗣後各煙廠捲煙運往湖北江西省一體於裝箱出運時。均須照本局定章加貼統稅印花。方許出運。至以前免稅手續。應即取消等因。查煙商在政府統一範圍之下。所納烟稅。應遵照定章辦理。自屬當然。惟紙煙營業。原有對外競爭關係。則稅局所頒稅率。能否推行盡利。當以洋商是否就範爲前提。現行統稅。英美公司迄未承認。彼漢口另有烟廠。不照值百抽五十

之數繳納。則華烟獨負重稅。其情形與上海租界相同。雖欲納稅行銷於事。何濟。況甯漢合作。所有湖北江西兩省各項捐稅。是否與江蘇一律。尙無明文。如烟商在滬繳納統稅。運到鄂贛。又復加收。則一烟兩稅。烟商豈能肩此重負。比月以來。因受華洋不平等統稅之束縛。幾於無業可營。以環境趨勢。非逼於停業不止。惟以敵滬浦兩廠男女工萬數千人。若一旦因而停業。非特於貧民生計有關。更恐地方治安有礙。現爲維持萬數千工人生活計。每日勉強開工二三小時。而一切開銷如故。成本愈重。虧折愈多。若常此支撐。終恐有勢盡力窮之一日。倘至無可維持時。罹其害者。不止敵公司而已也。再查統稅辦理數月。聞所收稅款尙不及前此各省原有特稅之數。吸家未必減少。而稅收如此短絀。皆由洋商抗不納捐。不問可知。是徒令洋商收其利。華商蒙其害耳。如損華商實業。而有

益政府稅收。則爲國犧牲。敝公司亦何所惜。無如洋商貨不遵行。政府稅收仍無所着。徒使華貨絕迹。外貨暢銷。叢雀淵魚。不啻造成外商國內之專賣。徒絕華商之生機。於政府一無所補。此華商所涕泣旁皇。不能不籲請維持者也。爲此瀝詞具陳。貴會等。請并將敝公司本月二十五日公函所述各節。於會議時期提出研究。洋商紙烟不納統稅。華商獨負鉅稅。何以維持。現在甯漢稅率統一。未見公布。由滬運往鄂贛之烟。應否免貼印花。以維暫局。萬一敝公司被迫停業。於國家稅源有無損益。於地方治安有無影響。統乞分別利害。代陳當道。迅予主持。不勝迫切待命之至等情前來。經敝會等聯席會議。公同討論。僉以捲烟統稅實施後。洋商迄未就範。稅率相差至百分之五十。華商捲烟業全體均受影響。非獨該公司爲然。而該公司以規模較鉅。各種出品素與外貨相抗衡。受此次

環境壓迫。尤瀕於危。萬一無可支持。國家既少大宗稅源。而社會經濟工人生活。亦在在堪虞。敝會等同處商界。見聞較切。未便棄於上聞。惟有轉爲籲請政府特予維持。准照該公司所陳困難各點。明白宣布救濟辦法。俾華商菸業得有昭蘇之望等語。理合聯名電呈。伏乞迅賜察核施行。迫切上陳。佇候電示。上海總商會商業聯合會縣商會閩北商會同叩。

### ●上海總商會電國民政府各省

#### 省政府省黨部商人部請糾正

#### 撤銷商會議案

南京國民政府。各省省政府。省黨部商人部。均鑒。近聞杭州漢口等處有提議撤銷商會之舉。敝會揆其情勢。諒因中央黨部商人部最近通令。有擬於全國第三次大會時提出請求撤銷全國

商會之議案。以致各處未加考慮。有此行動。查本年十月十四日。中央黨部商人部第一次部務會議。其涉及商業團體組織者有云。「本黨主張是全民革命。並無階級的分限。現在我們繼續總理的遺志。爲解除我全民族的痛苦。故須全國民衆一致起來努力革命。共產黨是主張階級鬭爭的。以工人爲主。其他階級不過是輔助。故在黨部的組織。工有工人部。商稱商民部。農稱農民部。工有工會。農商稱協會。有這種區別。於全民革命中。謀全民利益。是有窒礙的。」各等語。中央商人部既以工有工會。而農商另組協會。爲違反全民革命之政綱。是商民協會之組織。在政綱上已無存在之餘地。乃中央商人部最近通令。竟有擬於全國第三次代表大會時。提出請求撤銷全國商會。以商民協會爲領導機關之議案。此項通令。非特與第一次部務會議原案不符。且與全民革命之黨

綱實有抵觸。敝會業向上海特別市黨部商人部述明異議。並擬定全國商會召集時。將此項問題列入。爲充分之討論。以期於全國第三次代表大會時。盡情陳述。民衆行動。既須統一於黨國指導之下。則此項問題。在全國商人未有充分之意見發表。以及第三次全國代表大會尙無如何決定以前。自不得取任意之行動。致礙紀律。應請俯賜察核。對於民衆此項錯誤行動。隨時予以糾正。實爲公便。上海總商會叩。

●上海總商會電國民政府請飭揚由關停派庫券及二五附稅

南京國民政府鈞鑒。據泰來麵粉公司略稱。敝廠現值麵粉正在急切運銷。忽被揚由各分關扣船勒索。既已硬派二五庫券。又復逼繳二五附稅。每包需洋一分六厘二毫。始准釋放。查庫券發行。道

在勸募。且敝廠業已認購鉅數。今於所裝粉船。又復苛派及之。已失國府募集庫券之本旨。至於麵粉向來受政府保護。概免稅厘。以前清之專制。往時軍閥之橫暴。尙然免除。正稅尙且免除。附於何有。今忽附以此稅。誠不知其所附何屬。如以餉糈緊急。不得已暫爲一時之舉。然調查其他各關。對於麵粉。仍守保護舊例。並未特課附稅。則由揚由各分關遠衆獨異。並悍然爲前清及軍閥所不敢爲。橫征暴斂。何能堪此。爲此請求貴會。乞卽代陳國府。迅予電飭揚由關。轉令各分關。對於粉船。勿派庫券。對於麵粉。勿課附稅。以紓商困。而資保護。實爲萬幸等情。到會。查揚由關。按貨派認二五庫券。形同重徵。前據南洋兄弟烟草公司。以前情請求到會。經據情電請財部核辦。嗣奉函復。以前據揚由關呈定此項庫券。於貨物報關納稅時。附帶勸募。凡報稅在十元以上者。勸募五元。超過之數。

如額遞加。畸零之數。概不計算。經本部核飭照辦。一俟庫券募齊。卽行停止等因。敝會竊查政府先後發行二五庫券。均係向紳商富戶分投勸募。從未勒收指派。揚由關此項辦法。雖奉部飭照辦。究於政府勸募原旨相背。且報稅在十元以上。派認五元。無異增加稅率之半。凌假商人之流動金。胥變爲庫券。商業何以維持。至機製麵粉。徵收內地二五附稅。尤爲揚由關獨創新例。查近數月間。揚由關加征附稅。增設分卡。勒派庫券。種種苛擾。不一而足。前各省商聯會在滬開大會時。據各商會代表紛紛陳訴。無慮數起。而敝會亦迭接各商人籲請前來。如此摧殘國貨。窮極聚斂。商人何以堪命。爲此瀝情電達。務祈鈞府軫恤民隱。飭下財政部。轉令該關停止派募庫券。並二五附稅各種新設名目雜捐等。以紓商困。而慰民望。至深德感。佇候示遵。上海總商會叩江。

●上海總商會電軍事委員會請  
令交通處無線電報續收商電

南京軍事委員會鑒。無線電報自收商電以來。民咸稱便。近聞因故停收。無任惶惑。自鈞會主辦無線電以來。時僅一載。成績斐然。兼營商電。一以便利民衆通信。一以裕電台經費。事屬兩利。黨治下之新建設。此其嚆矢。刻近舊歷年關。商電更關重要。用代商民呼籲。懇請鈞會即日命令交通處續辦。以利商業。並盼賜復。上海總商會叩蒸。

●上海總商會電交通部請令滬寧路局賠償被竊運貨

本月十二日。接本會會員上海運輸同業公會函稱。據鼎通瑞泰恆永泰隆等公司函稱。於上年十二月二十三日。裝二二三號車運鎮江各貨一車。

裝畢後。除照例由路局固封外。各公司爲慎重起見。復加洋鎖兩把。詎該車開至麥根路站。延擱三小時之久。由三十三次開出後。行經安亭站時。其車門被人撞開。計被竊去各貨。有十七件之多（失單另開）又於十二月十九日。裝二四二號車運鎮江各貨一車。該車行經周涇港時。其門已開。計被竊去各貨五件（失單另開）統計被竊去各貨二十二件。損失二千餘元之鉅。察驗該車門上有鋸水痕跡。足見被賊用鋸水開鎖無疑。似此屢被偷竊。賠累無窮。長此以往。損失何堪。除函陳路局請究外。爲此函請貴會轉請總商會函陳交通部。迅電滬甯路局照數賠償。以保客商血本。而免賠累。至深紉感等因。到會。敝會當召集會議。僉以麥根路至安亭一帶。時有偷竊客貨情事。一月數見。若不設法整頓。不獨客商視爲畏途。於路政運輸。亦兩有妨礙。經衆議決。除登報賞格。如有能

將人贓並獲者。准提給二成獎金洋四百元。通風破獲者獎洋二百元。並函請滬甯路局警務處。各地公安局等一體嚴緝。務獲究辦。等因去後。乃事隔多日。迄未破獲。今據路局復函云。被竊之貨。不允負責等因。查該車裝畢後。既由鐵路固封。復由公司加鎖。不為不慎重道地。開出後。路局派有車守押車等。沿途有護路警察。今一車內被竊去各貨十七件之多。且用鐵水開鎖。決非短時間所可為。何以該車守等均不知耶。若照路局來函推諉。貨主負責。則轉運公司亦不賠償。試問客商是否血本有關。若將來原車貨物於途中全行被竊。路局亦不負責耶。伏思貴會為各業之樞紐。為特函陳困苦情形。務請貴會軫念商艱。轉陳交通部。迅電滬甯路局照數賠償。以保客商血本等語。查鐵路代客運貨。既已徵收定額之運費。即有保護安全之責任。茲據該會聲稱一車內被竊各貨。竟有

十七件之多。是押車之車守以及護路之警察。均屬疎於防範。無可諱言。衡情論理。路局自應負相當責任。據函前情。理合電請鈞部鑒核。俯賜令知滬甯路局。准予照數賠償。以維客商成本。實為公便。上海總商會叩文。

●上海各路商界聯合會電財政部請令飭杭州溫州兩煤油特稅分局放行被扣煤油

南京國民政府財政部鈞鑒。昨接西藏九江兩路商界聯合會轉來該會會員東昇義號函稱。竊斂號於本月二十日。有新牌煤油三百桶。自滬由汽油船運往溫州交卸。又於本月二十三日。有同牌汽油七百七十五箱。自滬由火車裝赴杭州交卸。兩項貨物。均經照章。向上海煤油特稅局完納存貨減征稅完訖。查是項減征稅。係遵照國民政府

財政部通令辦理。除箱面貼有國民政府財政部煤油特稅納稅證。甲種減征稅證外。并帶有上海煤油特稅分局公函。於法令手續。均無不合。詎貨到地後。經杭州溫州兩處局員強制扣留。飭令重征。查江浙兩省。同隸國民政府統治之下。已納稅款之貨。豈有不能通行之理。顯係該地局員舞弊。擄詐。有意扣留所致。爲此請求貴會鑒核。迅予援助。據情轉請從速放行。以維商業。再美孚。亞西亞。德士古。三公司。裝內地新油。每箱止捐六角。而雜牌新油。每箱須捐一元。（營雜牌新油者均係華商）處此青天白日之下。捐出兩歧。殊非公允。應請一併救濟。則感受惠益。甯獨敵號一家已也。等情到會。查江浙浙江同屬鈞部範圍。自不應一再捐徵。而華商稅收較洋商加重。更屬自殺政策。理合抄具原函。請求令飭杭州溫州兩局。將所扣煤油。卽予飭領。以一稅權。并祈另行釐定征收辦法。

務使華商一律辦理。以免生淵魚叢爵之弊。實爲公德兩便。上海各路商界總聯合會叩支。

### ●上海法界總商會電外交部力

#### 爭金敦五爲葡人碾斃案

南京國民政府外交部伍總長鑒。案據愛多亞路商界聯合會函稱。會員金敦五於三月二十九日下午六時。被葡萄牙國籍人潘列拉開車不慎。慘遭碾傷斃命一案。事實已有該被害人家屬直接詳電在案。惟該葡人自恃有領事裁判權。雖經被害人家屬依法起訴於法庭。迄今未聞逮捕。長此延緩。不特死者含冤莫伸。生者難維善後。若不從嚴抗爭。國權民命。何以保障。敝會同人。僉以商民等同處於青天白日之下。今受外人以暗無天日之手。段慘死我華人。聆悉之餘。同伸義憤。除由敝會召集各商聯會代表。討論一致對付辦法外。應請鈞

部電令駐滬葡總領事。依法嚴懲殺人兇犯。並要求賠償。以維國權。而重民命。臨電不勝待命之至。

### ●上海商民協會電中央全體會

議暨財政部請廢除苛捐雜稅

#### 及節省經徵費用

南京中央執行委員全體會議蔣、譚、于、三主席。轉全體委員暨財政部宋部長鈞鑒。竊以立國之要。首在民生。戎馬之後。培養宜亟。雖北伐尙未完成。餉糈難於籌畫。而竭澤何以能漁。去皮毛將焉傳。自國民政府奠都南京以後。未及一載。司農三易。對於本黨財政計畫。以格於形勢。非特未能將苛細雜捐。剷除淨盡。且有層出不窮之勢。一稅之收入幾何。而設局置長。宛然衙署。剝削培克。怨騰市廛。徒損民生。無補國計。况一稅一局。一局數長。凡國家經徵之官。幾成私人酬庸之具。揆之總理民

生主義之綱領。實已南轅而北轍。當茲中央會議開幕之日。本會謹代表全滬商民。有所申請。對於一切苛細雜捐。無論舊有新設。應即一律撤廢。並請大會議決。定為成案。嗣後如有巧立名目。跡近聚斂者。概行禁止。統一稅收機關。施行正當賦稅。節省經徵費用。裁減冗贅官長。庶幾國得其利。民受其惠。掬誠直陳。諸祈鑒察。上海特別市商民協會籌備處叩虞

### ●上海商民協會電中央全體會

議請照繆委員主張由東夥合

#### 組協會

南京中央執行委員會全體會議。分送蔣、于、譚、三主席暨繆委員斌均鑒。會議開幕。黨政重新。全滬商民。共深歡忭。頃誦蔣委員介石暨繆委員斌兩提案中。關於商人運動一節。具見宏識深慮。察徵

燭隱。本會籌備處各籌備員。自奉前南京中央黨部組織部委任以來。迄今九月。以滬上商業地位之重要。商業種類之繁複。殫思竭慮。隨時根據政府制定之商民協會條例。並商承上海特別市黨部商人部之指導。督促各業分會。自動組織。現已成立者。有綢緞業、紙業、舊花業、履業、荳腐業、人力車業、花粉業、飯業、廣幫雜貨業、飛花業、麵館業、邑廟豫團、銅鐵機業、藥業、飲片、南貨業、醬酒業、煤炭業、茶業、布業、筆墨業、火腿業、木器業、梳粧鏡箱業、彩印業、衣業、書業、皮釘揸業、鐫業、菜貨銅業、舊貨業、理髮業、牛羊業、鮮腸業、板箱業、絲光線織業、牙骨器業、菜攤業、米業、浦東第一、浦東第二、浦東第三、等四十二分會。正在籌備中者。有銅錫業、典質業、磚灰業、皮件業、熟貨業、報關業、茶食業、籐器業、水爐業、錫紙業、水電業、醬園業、書畫、篋扇業、綢綾染業、三公司特別分會、洋裝釘書業、燭業、帽

業、裘業、曹家渡分會、北新涇分會、江橋分會、七寶分會、吳淞分會等二十四分會。舉凡昔日軍閥時代爲一般社會所蔑視之商業。始漸能有組織。有團結。以謀增進本業之福利。解除本業之痛苦。不致因會費之鉅大而惶悚。不致因系統之差別而畏縮。市會無個人入會之會員。即求免將來壟斷把持之痛苦。凡以前商業組織所表現之弱點。均一一設法免除。以期毋負本黨改善商民組織之初意。九月以來。所有努力。此其準繩。至對於政治主張。除關商民利益者。如擁護關稅自主。實行裁釐加稅。會集會慶祝。及參預慶祝北伐勝利。蔣總司令就職紀念大會外。其餘打倒個人。擁護個人之運動。未有一字發表。未派一人參加。蓋顧名思義。籌備處自應以籌備成立爲職責。不爲越俎之事。即所以求免覆餗之譏。今讀蔣委員介石提案。有取締籌備處。以代表名義參加政治等語。即此

一點。本會各籌備員或庶幾免於罪戾。至滬上商店職工。前本受上海工會組織統一委員會之指導。商業極感痛苦。本會以店夥性質。實異廠工。應同隸屬於商民協會組織之下。曾經一面電呈中央黨部國民政府請加糾正。一面分函各省及本埠其他商業團體。促其注意。最後並推派代表。赴部請願。始獲有盡歸黨部商人部之小結果。格於形勢。未見實行。呻吟之聲。時聞市廛。今見繆委員提案主張。東夥合組協會。實可謂洞見商業痛苦之癥結。本處願本以前主張。請繆委員在會議中剴切陳說。力求貫徹。目今商業團體。未能統一。總理喚起民衆。扶助弱小之遺訓。未克實現。尤望全體委員不局於現狀。不囿於一說。決定大綱。促其實行。此則本處謹代表所屬各分會協誠以請者也。抒悃陳辭。諸祈鑒察。上海特別市商民協會籌備處叩。

公文程式大觀 第五編

●上海商民協會電南京特別市  
劉市長敬賀就職

南京劉市長鈞鑒。迴電敬悉。榮任市長。聿展新猷。樹建設之始基。登人民於福利。敬賀。上海特別市商民協會籌備處叩。

●杭州商民協會電國民政府中  
央黨部蔣總司令條陳工商互  
惠請重訂雙方兼顧法規

竊維工商兩業。同係國家之命脈。即應同受國家之保障。保障如得其平。則彼此調劑得宜。相維相繫。而實業之興起勃焉。保障一失其平。則彼此情感日惡。相傾相軋。而市廛之衰敗忽焉。時無古今。道無中外。未有不通商惠工。一視同仁。惟持畸輕畸重之政策。而可以收保富保庶之效果者。自我

國民革命義軍興起以來。屬當戎馬倉皇。軍閥盤據。其時破壞開始。建設未遑。不得不聯合農工民衆。共起亡秦。無如多數工友知識幼稚。不知與商業民衆共立一條戰線之上。惟知仇視資方。自相魚肉。挾其方張之氣。與起階級之鬪爭。而工人團體。又復領導不善。訓練無方。坐視大多數勞工之衆。起而與資本階級爲難。種種不平等條約。因之次第產生。強令資方承認。資方以強弱異形。衆寡殊勢。暫圖一時之安。勉受城下之盟。名爲妥協。實則壓迫。名爲同意。實則強姦。由不平等條約訂立之結果。於是勞工代價。則突然倍增。工作時間。則一再減少。荒嬉曠廢。經理無開革之權限。疾病婚喪。資方負重大之義務。而且一暴十寒。停工之例。假繁夥。屑見迭出。游資之賠貼難堪。稍不遂意。動以罷工停工相要挾。凡所以抑制資方。提高勞力者。無所不用其極。權利義務之不公平。更莫有

甚於此者。當時買方陽雖勉從。陰實隱痛。經屬會苦口勸導。始得勉強維持市面。究之生產之限度銳減。支出之數量浩繁。較之平時。一出一入。相去霄壤。圖窮七見。虧耗必然。所以一至年終結賬。折本之店。十居八九。停歇之戶。觸目皆然。商業凋敝。至斯已極。商既不振。工亦隨之。據最近概括調查所得。因商務衰敗之結果。失業工人突增至數千人之多。若商業再無起色。失業者更有加無已。社會前途。可爲寒心。此次中央第四次執監會議。繆委員斌有鑒於此。於過去民衆運動不良之害。痛切陳說。提議根本改善。懲前毖後。高闊遠瞻。洵救國之良謨。起病之藥石。海內同志。不乏賢達。當有起而應之者。伏祈政府詳察民隱。體恤商困。俯將上述情形。轉陳第四次執監會議。改良黨治之大綱。重訂工商之法規。總期雙方兼顧。無偏無倚。捐除苛刻之條。確立互惠之則。爲商人謀營業之羣

固。卽所以爲工友謀生計之安全。輔車相依。休戚與共。庶商無失敗之家。工無失業之人。胥全國芸芸之衆。盡爲安居樂業之民。豈惟工商之幸。抑亦黨國之福。總理之靈。實式憑之。剴切陳詞。伏維垂鑒。杭州市商民協會籌備委員會常務委員孟祿久等叩庚。

### 上海商民協會藥業飲品分會

#### 電蔣總司令歡迎復職

南京蔣總司令助鑒。恭讀佳電。欣悉我公願念北伐之肩鉅。深慮黨國之艱危。故俯從民衆之請求。毅然復職。從此統一軍權。號令全國。張我三軍。大舉捷伐。竟總理之遺志。解民衆於倒懸。促主義之實現。俾革命之完成。敬祈努力肅清殘餘軍閥。迅速撲滅共產餘孽。庶拯人民於水火。而竟統一之全功。臨電無任欣盼之至。上海特別市商民協會

公文程式大觀 第五編

藥業飲品分會灰叩。

### 上海華商煙廠聯合會電財政

部請對菸稅修訂先與華商開

誠接洽勿徒注重洋商

南京國民政府財政部長鈞鑒。自去年七月。紙烟稅價值百抽五十。頒行。華商爲尊崇政令。首先遵辦。洋商則始終反抗。自由運輸。馴致外烟充斥。稅局膛然莫視。政府稅收既縮。華商銷場復絀。爲叢驅雀。識者痛之。逮孫前部長蒞任。設菸酒處。卽與洋商磋商徵稅。有值百抽二七五之規定。嗣格於領團梗阻。卒寢其議。華商被此影響。販賣觀望。營業又受重大打擊。他如租界強貼印花。內地復停商運。攤派庫券。預借稅款。一地數徵。留難不已。在此青天白日之下。華商一年以來。亦既創巨痛深。甚矣。比悉報載財部與英美重申二七五之前議。

九九

道路傳聞。成熟不遠。是華商生命。又懸於呼吸之間也。夫政府欲洋商就範。不惜遷就。以求增裕稅收。起見。願徒知便利洋商。而罔計全體華商痛苦。不先考慮。大錯鑄成。華商痛切剝膚。又豈能已於不言。以任犧牲停業耶。茲就二七五之規定論。華商同。表面固然。究其實際。出入綦重。假使實行。華烟既繳重稅之存貨。暨所存多量之印花。政府能否償補損失。倘不追認。價格所關。何異造成船品專利。此應先討論者一。海關船品。估價與賣價懸絕。如大英牌海關每箱只估九十兩。而市價二百元。華製則照值徵稅。不容短少。試問同一貨品。價格既殊。盈虧立判。何論競爭。此應討論者二。其他類似。弗遑枚舉。敝會以為政府徒知注重洋商。輕視華廠。窺其恭順。遂便壓抑。揆諸情理。甚非賢明政府善理財者所宜出此。矧華廠納稅。負擔不為不巨。即江浙兩省計。年達千萬。以納稅鉅額之

商人。曾無參預政治之權利。官商隔閡。糾紛遂多。政府匪特靳於獎掖。重魚肉之事實不平。甯有逾此。今敝會代表華商請命。敬懇政府關於菸稅修訂。無論對內對外。先與華商開誠接洽。敝會公推代表。討論求詳。華商身歷其境。痛癢較切。常備諮詢規畫。必能有裕稅源。以符民生主義。伏祈採擇。毋任屏營。迫切陳詞。敬候覆教。上海華商烟廠聯合會叩。

● 上海華商紗廠聯合會電中央  
政治會議暨國府財政部江蘇  
建設廳請將本國棉花禁止出  
洋

南京分呈中央政治會議國民政府財政部江蘇省政府建設廳鈞鑒。本年印美棉產。皆報歉收。國內棉花。本不敷廠用。而外棉輸入無望。華棉再不

禁止出洋。華商紗廠勢惟停業。工人生計頓絕。社會治安堪虞。擬懇俯念紗廠一業。關係國計民生之重。俯准將本國棉花一律禁止輸出。實所公感。華商紗廠聯合會叩漾。

### ●上海銀錢兩公會電國民政府

#### 請轉電粵省政府迅將被封銀 行啓封以平衆憤

南京國民政府鑒。頃據粵中同業電告。古部長因維持中央銀行兌鈔。勒令商會銀業籌借鉅款未成。下令將各銀行號封閉。并扣留商會銀業代表等情。消息傳來。僉以此等違反民意。不恤商艱。行動。爲共產黨在武漢所不敢爲者。乃古部長竟於革命策源之地。悍然爲之。羣情憤慨。不可遏止。竊按經濟原理。銀錢業調劑金融。爲國家社會謀直接間接之生利事業。負有重大之使命。政府對於

銀錢業。措置稍有不當。即非國家社會之福。前古部長在甯時。種種設施。悖謬妄行。致使國民政府財政陷於絕境。社會經濟瀕於破產。查頻年全國商市。受軍事影響。已深痛苦。而銀錢業爲尤甚。當局轉視銀錢業爲外府。一若取之不盡。用之不竭。時相煎迫。馴至禁現出口。利源外溢。爲叢毆雀。國將不國。敵公會等愛國心切。昔嘗盡力維護。原冀於軍事稍定。與民以休養生息之機。徐圖富強。不幸古部長在粵。竟出此非常手段。摧殘金融事業。殊深痛惜。除已逕電粵省政府。迅將被封銀行號被扣代表即日啓封釋放。以平衆憤外。特此電達。務懇轉電粵省政府。順從民意。迅即照辦。并請我國民政府將古部長立予罷斥。以洽輿情。否則政府既不恤殘民以逞。則人民亦無從發其愛國之誠。民存國存。民亡國亡。休戚相關。利害與共。維希鑒察。上海銀行公會錢業公會叩冬。

【教育界呈文】

●同濟大學教職員呈國民政府

瀝陳近狀請予救濟

呈爲瀝陳同濟大學近狀。險象環生。懇請鑒核。迅予救濟。俾得繼續進行事。竊查同濟大學成立之歷史。初由德人寶隆醫生於西歷一八九九年。設同濟醫院於上海。旋改爲德文醫學專門學校。又數年添設工業專門學校。至一九一七年由華校董會收回自辦。其經費由蘇省政府在國庫項下劃撥補助。本校進步遂有一日千里之勢。迨一九二三年經北京教育部正式核准爲大學。設醫工兩科。並附設中等機械科及附屬中學。而醫科之在吳淞者已建有解剖及生理研究院。設備完全。足爲醫預科學生實習之用。近數月來。正擬擴充。以時局關係。暫行停頓。醫正科學生則在上海寶

隆醫院內授課。除原有向已完備之病理及藥物研究院外。其醫院方面近更大加擴張。建造新屋。並添種種最新設備。非但有益於病者。且供學生學業上之參考資料。極爲豐富。一般貧病求診者。日益增多。尤以該醫院地位之重要。該院醫生兼任教授。不另支薪。近又發行同濟醫學月刊。有德國最著名之學者擔任投稿。以中德兩國文字。介紹醫科學術於社會。至工科設在吳淞。規模宏大。各種試驗室及教授用品。應有盡有。其機器實驗所之完善。雖德國著名之工科大學。亦未必有過於此也。與工科有連帶關係者。有中等機械科。及附屬工廠。學生在工廠實習。所有工作機器。皆係最新式者。又中學部偉大校舍。方於去年落成。以中德兩國文字教授各種科學。并爲便利各地中等學生轉學起見。附設德文補習科。俾未習德文之中學畢業生。專修德文二年以上。入醫工兩科。

要之本校自成立以來。歷時未久。常年經費。亦並不寬裕。有時互受時局影響。不能按期領足。故在校中若干部份。尙有力求改善之必要。但從他方面比較觀之。本校在此短時間內。發展之勢。蒸蒸日上。爲中國教育上所不易多得者。其大學部醫工兩科所授之課程。殊不亞於德國各大學。德教員等嘗謂同濟得以如此進步之原因。全在辦學精神四字。蓋本校雖有外國教員二十餘人。但皆專心教授。並無政治宗教意味。且對於學校行政。毫不預聞。故各教員與校長及師生之間。常有和洽之感情也。且本校唯一之目的。在合中德兩國人之才力。研究學術。溝通中德文化。而德教員等之唯一目的。不謹灌輸高深學問於中國學生。爲職務已了。且希望合中德學者之力。以從事於科學精深之研究。否則同濟大學。在中國教育上。未必有所貢獻。故吾人之職責。既應造就學生爲實

用之人才。並希望其同時爲高深之學者。抑有進者。本校之能進步順利。尤以學校當局之始終不更動。爲一大關鍵。緣阮介蕃博士始自至終爲校長。得依其計劃。進行校務。惟近數月來。以時局關係。險象環生。不特校務無從進行。且在此短時期內。倘不立即有澈底之新辦法。將有全體解散之虞矣。試述其近狀如下。三月二十三日。阮校長被學生逼迫。停止職務。其時雖有多數學生願守秩序。及學校規則。但爲少數不良分子所操縱。把持。而此少數不良分子。無論如何。不願有規則二字。故自阮校長離校以後。學校完全受此不守規則之少數分子所支配。致全校漸入於混亂狀態之中。一般優良學生。雖極不以爲然。但亦無力抵抗。徒喚奈何而已。一切放假及停課等事。概不通知。教務長及教員。逕由學生自定之。對於優良學生。爲少數分子所不滿意者。亦不通知教務長及教

員。而直接開除之。其由學生與華教職員所組織之校務維持會。並無管理能力。上項學生非法舉動。置若罔聞。甚至工人及藝徒方面。亦尤而效之。工廠亦受不良之影響。十五六歲之藝徒。竟敢用威嚇手段。驅逐工廠內最好之工匠。而無人制止。校務維持會主席陳柱一君。年輕缺乏經驗。不負責任。當然不能得各方信仰。故亦無力籌款以維持學校。其所收之少數學費。頃刻用盡。學生中有全未繳費者。有但繳學費之一小部份者。陳主席無法催促其繳納欠費。至校中日常必需之教育用品。亦不能購置。而書籍雜誌等更無論矣。各德教員薪水積欠多至五個月。艱窳萬狀。均由本人自向各處借貸。暫維生活。雖極不願拋棄數年來認為愉快之工作。然環境如此。末日將至。不得不另謀工作之地。教員如此。職員及校工等亦何獨不然。上月底工廠工資尙未發給。在此時局之下。

將來因生計上。及其所不滿意而發生之事變。恐有不堪設想者矣。如前所述種種。同濟地位確有不可終日之勢。德教員等不忍使同濟大學。為現在過渡時代不靖狀態中之犧牲品。致中國損失此成績最著之學府。為敢合同請求國民政府以兩事。(一)速派校長。予以全權。恢復秩序。並照原定方針。繼續進行。(二)迅予籌撥必需之經費。俾校長可以確實維持。以上二者。尙祈鑒核。准卽照辦。不勝迫切企禱之至。謹呈。

◎江蘇省立南京中學校長呈第  
四中山大學行政院請准予解  
職

呈爲心餘力絀。事與願違。仍懇准予辭職。以免貽誤。仰祈鑒核。事竊。爽秋猥以樗庸。渥承知遇。受任伊始。對於校務。卽思本其所學。爲積極之改進。祇

以限於財力。致各項規劃。一時不克實行。前經具呈鈞院。懇予解職。以免貽誤。乃奉鈞令。責以竭力維持。勿因環境之不良。遽灰猛進之初志等語。因循再三。感悚交并。數月以來。業經殫竭棉薄。勉爲其難。而審察環境情勢。其困難乃益加甚。以學校行政方面言之。則因臨時費多數未能領到。各項設備頗欠充分。致教授管理上感覺之困難良多。爽秋忝司校政。每念及此。輒引爲莫大之遺憾。此在明晰事理者。對於學校當局之拮据情形。固能予以十分之諒解。而青年學子修談高遠。好爲不負責任之言論。甚或謂學校當局之多方撙節。因陋就簡。疑爲別有用心。揆厥原因。實由經費支絀而起。此其一也。以南中所處地位言之。則以地居全國首都省區。各校同人來省時。有所集會。輒假南中爲會場。因之屬校教職員等。對於公衆之行動。亦未便獨異其趨向。而南中在社會親聽上。儼

然居省校領袖之地位矣。此種集會。本爲省校同人全體之行動。南中原不能代爲負責。然社會親聽上。對於南中不免因是而發生誤解。學校當局所處之地位。因之愈感困難。此其二也。以學生風紀言之。則屬校係由前省立一中四師全部及一農工專之中學部暨東大附中之一部合組而成。開學以後。由他校轉學來校者亦不少。集多數學校之學子於一校。曩時所受之訓練。本有不同。因之驚外好事。質性難馴者。比比皆是。以致管教方面。困難殊多。又況革命以還。青年學子。昧於黨化教育之真義。逾越權限。任情恣肆。稍加裁制。便生反動。雖爽秋誠心待人。尚無隕越。而應付之間。每感棘手。學風如此。可爲浩歎。爽秋嘗謂欲謀青年學業之成就。宜由教育行政當局通令各校恪遵黨規。嚴守紀律。然後黨化教育之精神。乃可期其實現。竊惟處今之時。已成積重難返之勢。欲圖補

教。既非旦夕所能爲功。更非秉性樸拙如爽秋者所能勝任。此其三也。以上三端。慮之綦熟。處此種情形之下。實屬心餘力絀。事與願違。爽秋矢志教育。爲黨國效力之日方長。俾息仔肩。他日尙可再供驅策。爲此具文。呈請鈞院。俯准解去南中校長之職。迅予遴員接替。至關於接收後各種校具。業經督同主管人員。造具清冊。學校收支帳冊。亦已分別清釐。並乞派員查核。俾免貽誤。而昭實在。不勝感激待命之至。謹呈。

### ●浙江省中等以上學校教職員聯合會呈省政府請求解決聘

#### 約及薪修問題

呈爲聘約薪修處理未當。請求圓滿解決事。竊查學校教職員。亦屬工人。受聘於校。爲校服務。供其所能。以灌輸文化。取其所需。以贍養家屬。初無異

於工廠商店之職工。民國十三年十一月。孫大元帥正式公佈工會條例。歸納學校教職員於其中。得適用本法。故前次職會請求各項。係勞工應得之酬報。並非過分之要求。近奉鈞會一九三號公函。對於職會請求各項。均未公允答覆。特再臚列理由。祈垂察焉。

(一)前次請求教職員不依校長爲進退。鈞座覆文查第一項各校聘任教職員。自以應受契約拘束。不依校長進退爲原則。惟現值革新之際。各校校長既經分別更委。所有教職員應否繼續聘任。應由各該校校長酌核辦理。(按)教職員不依校長爲進退。猶工人不依廠店經理爲進退。試問廠店革新。工人是否可由新經理私意取捨。此理甚明。何待費詞。鈞會所云。大約教職員服務公共機關。認爲行政人員。故有此謬語。若一閱工會條例。可知受政府機關委任之事務員。尙在工人之例。

况與學校訂立契約之教職員乎。敢請鈞會自動更正。切勿以僱主地位任令經理壓迫教育職工。廢去訂立之契約。使敝店僱主起而効尤。視契約爲無效。以壓迫工人也。

(二)前次請求各校三月份薪金。應一律給予。原有教職員。新校聘約應以四月份開始。鈞會覆文第二項各校新任校長聘任教職員自三月份起。給予薪修。業經本會議決。至各校業經開課者。舊校長任內所聘教職員。除繼續聘任者。應給薪修。由新任校長照發外。凡未經續聘者之各校教職員。應給薪修。准予照發。其未經開課各校教職員。既未服務。自不能與開課各校一律辦理。(按)前次此項請求。職會亦自知詞意尙未完備。幸鈞會未准。特自動取消。茲改爲原有教職員應尊重受僱契約。其薪修應領受至契約所規定之完了之日止。蓋原有教職員。於既受契約之束縛。且信任

在此契約規定期內。得領受維持生活之薪修。故未謀他事。且吾浙國民政府成立。當時各校長曾奉東路軍總指揮政治部胡主任。及鈞會稽代理主席面令。即日籌備開學。各校長即發通告宣佈開學。教職員學生均應召而至。後各校變化。有未上課者。事關行政。又豈教職員之咎。乃覆函謂未經開課各校教職員。既未服務。自不能與開課各校一律辦理。在鈞會自覺頗能自圓其說。而其實有大不然者。夫教職員訂定契約。出其勞力。應開學之召而來。而學校使之無務可服。是非出於本身之怠棄。况家屬之贍養。非可中止。旅居之膳宿。更多開支。於法於情。三月份之薪修。固當領受。而四月至七月亦須根據契約而領受。前次請求未遑提及三月之問題。似露退諍之意。致來拒絕之言。今特完滿其條件。再行請求。尙祈鈞會遵照法令。樹立僱主與工會公允解決之模範。

(三)前次請求十二月一月欠薪。應即日發出。二月欠薪。亦請補發。鈞會復文第三項十五年十二月份十六年一月份欠費。本會正在調查積欠總額。催請財政委員會迅予籌撥。候款項撥到即予照發。至各校經費。前經本會議決。舊任校長截至十六年一月份爲止。新任校長自三月份起發給。所請補發二月份欠費一節。現在浙江財政匱乏。羅掘俱窮。殊難設法籌劃也。(按)教職員薪修。已積欠至四月之久。蒙鈞會議決籌發。乃望眼欲穿。而實惠不至。教職員大都無產。去年除欠已多。今歲更非籌劃不可。艱苦備嘗。實有不克維持之勢。務請體念苦衷。即日發放。用蘇枯涸。三月份薪修前已謹陳。茲不贅述。至二月份欠費。適值寒假。例當領受。鈞座覆文似亦認爲應當發給。特難以設法籌劃耳。夫發給與否。須憑法理之當不當。不當問籌劃之難不難。浙江財政。雖羅掘俱窮。猶可另

開財源。若教職員則典賣已盡。何法支持生活。亦祈鈞會有以維持之。

以上所列各條。均係教育職工遵照工會條例應當之請求。教職員爲工。政府爲僱主。校長爲經理。尚乞鈞會本此關係。重加審議。則知職會之請求。實遵法合理。並未過分。特再具文呈請。敬祈察核。指令祇遵。實爲公便。謹呈。

② 浙江省中等以上學校教職員聯合會呈省政府催促批覆呈

請事件

呈爲呈請事。竊職會爲薪修及關約事。曾迭次呈請鈞會。均未蒙批覆。殊深盼念。乃近有仍維持前政務會議議決案之風說。雖屬傳聞。頗滋疑慮。茲再爲鈞會詳陳之。

(一)本年二月底。省會中等以上學校校長。曾由

東路軍總指揮政治部副主任。及前政務會議緒代理主席。召集開會。囑從速開學。當時專門各校擬於三月十四日開學。而政府猶以太遲。後改定三月七日。各校校長即據此。一面通函召集教職員及學生。一面公告開學。其與政府接洽情形事實俱在。假定各校長冒昧登報宣佈開學。何以政府對此開學廣告未予制止或更正。是則三月間之開學。爲政府承認可知。本是以衡。則舊校長與新校長到校接事日始。失其長校之職權。豈可對舊校長非本學期所設施之事一概抹煞焉。

(二)教育機關繁勞清苦不亞於實業機關。且或過之。乃今實業機關。如農事試驗場。商品陳列館等之二三等月經費。已由鈞會承認補發。女子蠶桑講習所。雖屬於實業。實係學校。其三月份薪亦發給。夫實業機關之舊場館長。則認爲有繼續之職權。而學校舊校長則否認之。實業機關舊職員。

則發二三等月之薪水。而教職員則否認之。工人性質之教職員。反不得與官吏相似之實業機關職員同一待遇之。又豈事理之平。

(三)各校教職員。應學校開學之召而來。而各校校長問題。有以四月中解決者。有以五月中解決者。於物價昂貴之時。教職員川資旅費。所費不貲。不名一錢。進退維谷者。不乏其人。而率眷在省難支生計者。實繁有徒。故即舍理而論情。似政府亦不宜對於教職員過爲苛待也。上列各項。實一本情理披瀝之。尙祈鈞會合并前奉兩呈。詳加籌議。迅予核准施行。無任屏營待命之至。謹呈。

### ◎湘省公私立各校長呈湘鄂政

#### 務委員會請明令恢復各校

呈爲呈請明令恢復全省中等教育。并酌發經費。以資開辦事。竊以湘省教育。素稱發達。自民十六

年上期遭共產黨之破壞。下期前政府明令停辦以來。致一般未成熟之青年。誤入歧途。使艱難締造之校具。化爲烏有。影響革命前途。社會治安。至爲重大。教育界同人。有鑒於此。爰於上年十二月。請求前政府明令恢復全省公私立中等以上學校。并委任省立各校長。從事籌備。以期本期及早開學。引導青年。走入正軌。同肩革命之重任。各在案。惟舊曆年關以前。前政府祇顧擴張軍備。所有收入。概行挪作軍費。對於各校籌備開學。所需經費。一文不發。各校校長。雖奉委任。事實上毫無進行。現在寒假已過。開學期迫。校長等欲謀進行。則巧婦難爲無米之炊。欲不進行。則光陰之虛擲可惜。且一般青年。散處各縣。無不引領觀望學校之通告。而決定行止。鈞會爲湘鄂行政最高機關。值此教育正待恢復之時。自應仰懇鈞會。提前明令全省公私立學校。全體開辦。以示提倡。而新耳目。

并懇酌發經費。以資籌備。職等認承公推。用敢稟具情由。呈懇鈞會。察核施行。深爲學便。謹呈。

### ● 湘省公私立各學校校長呈各軍

#### 事機關請保障教育經費獨立

呈爲懇請保障教育經費獨立原案。以重政綱。而維教育事。竊教育事業。爲一切改革基礎。教育經費。爲設施教育生機。故我總理認定教育經費。有增高與保障獨立之必要。用特列入政綱。昭示海內。誠以教育與他項行政有殊。要在有永久維持之專款。庶不受事變與政潮之影響。如歐戰方酣之際。諸事停滯。而教育未嘗中斷。可見國本所關。中外從同。吾湘教育。歷因經費困難。影響學術思想及青年光陰者甚大。民國九年以後。乃由教育界人士。連年奔走呼籲。遂獲政府核准劃分淮粵川精鹽稅附加及省河釐局捲菸捐之收入。爲數

育經費。并隨時提撥米捐以資彌補。另由教育界組織委員會。專管收支事宜。行之數年。尚稱便利。而湘中多次變亂。教育得以維持者。亦賴此舉。十五年下期前政府以統一財政爲名。陰行提作他用。遂至年餘以來。教育經費來源爲之斷絕。全省教育完全停滯。青年失學。誤入歧途。影響革命前途。及社會風化者。尤爲重大。職等從事教育。各有年所。職責所關。未便漠視。去年十一月特聯名呈請前政府。恢復以前教育經費獨立狀況。幸承採納。經第一百零三次省務會議議決。劃定鹽稅。每包八角及捲菸捐全部。專作教育經費。并公布教育經費委員會章程。令行各校選舉此項委員。及捲菸捐局長在案。職等正擬依次分途進行。以便及時開學。適值前政府長官離省。負責無人。而各校既難卽行開學。莘莘學子前途。殊爲危險。現幸鈞座蒞省。主持有人。職等昨特開會詳商。僉以大

軍爲民衆軍隊。而鈞座爲總理信徒。對於以前失學青年。當加矜恤。於黨綱信條。尤必重視。職等受教育界之推舉。忝爲代表。用敢縷具原委。呈懇鈞座。明令維持教育經費獨立原案。以便繼續進行。至爲學便。謹呈。

### 上海第二師範附屬小學呈上海市黨部陳明接收校務

呈爲報告接收校務情形。請求鑒核事。竊附校隸屬第二師範。素受學閥走狗之操持。帝國主義之壓迫。附校同志。身感此水深火熱之痛苦。相繼參加革命工作。泊乎革命勢力澎湃。大局急轉直下。校長賈某等。置校務於不顧。附校同志。均爲國民黨旗幟下之信徒。遵總理遺囑。甘願犧牲。一己權利。爲民衆謀幸福。本革命精神。打倒帝國主義和反動派。所以自三月初卽組織教職員會。以謀自

身之團結。復籌備行政委員會。推舉委員接收校務。圖澈底改革。以維校務於飄飄風雨之中。謹於三月二十五日選舉委員潘平之等十三人。正式向主事楊聘漁交涉接收校務。刻正分部檢點各項文件簿籍儀器用具帳冊銀錢等。分類造具清冊。以資清理。如蒙派員會同辦理。尤所歡迎。理合將校務接收情形。請求鑒核指示。實爲公便。謹呈。

●上海特別市小學教師聯合會

呈政治會議上海臨時分會請

准予備案

爲呈請備案事。竊敵會應時勢之趨向。順革命之潮流。根據黨綱對內政策第六條。爰於三月念五日假座承餘公學。招集上海小學界教員。組織團體。定名爲上海特別市小學教師聯合會。經二次之籌備。方於四月二十日派曹雲蛟持函報告市

黨部開成立大會。正式宣告成立。當推出曹雲蛟、姚雲搏、王長屏、趙豐臺、董椿恭、邵翔瑩、柯子佩七人。爲臨時執行委員。開始辦公。並經第一次執行委員會議決。於本月十五日開成立後第一次會員大會。重新改選。謹將經過情形。及現行章程。呈請鈞座察核。務希准予備案。實爲公便。謹呈。

●上海市校教職員聯合會呈市

教育局請頒布教職員待遇條

例

呈爲請速頒布整個市立小學校教職員待遇條例事。竊屬會曾於本年八月上陳總要求。原冀鈞局對於待遇教職員條例。整個確定。以維生活而重教育。時隔數月。未見實行。羣情惶惑。莫知其故。茲見報章載有鈞局擬訂小學校教職員獎勵規程。察其內容。亦有年功加俸在內。屬會認爲此種

辦法。揆諸事實。不但將獎勵與年功二者混爲一談。且與屬會第一次總要求相距太遠。茲經大會議決。一致否認。並請鈞局體會下情。願全教育。容徇屬會第一次提出之總要求。即日頒布一整個的市立小學校教職員待遇條例。免得枝枝節節。延久不決。事關全市小學校教育甚鉅。務懇立予實行。實爲公便。謹呈。

### ●上海市立蒙養小學校校長呈 市教育局陳報就職及改組校

#### 舍情形

爲呈報就職並改租校舍事。竊奉鈞局第四十四號令開。茲委楊光照暫行代理本特別市市立蒙養小學校校長職務。仰卽任事具報等因。光照猥以菲材。荷蒙知遇。理當卽行具報任事。以答盛意。惟屬校在洋涇市時代。雖有校長之歷史。而校舍

租用民房。因陋就簡。迄未建築。原租契約截止去年年底滿期。洋涇市劉前總董。本有籌款建築之意。以免輾轉租借之苦。旋因前市公所經市政府接收。該項計畫。遂不獲實現。際此舊租期滿。新舍未建之時。開學無從。光照中夜徬徨。焦急萬分。與地方人士。再四接洽。幸有東長里第二十三號房屋。允爲租借。卽行定約遷入。摒擋就緒。於卽日開學。因租屋之曲折。未能依照鈞局原定學曆開學。亦卽光照遲遲具報就職之由來也。惟教育爲百年樹人事業。租屋亦一時權宜之計。敬乞局長垂賜注意。設法建築。俾屬校校舍。不至常在飄泊租借中度生活。謹代莘莘學子九頓首以請。光照係暫行代理。本不足以語長久計畫。惟既濫竽今職。何敢以五日京兆自待。所有呈報就職及改租校舍緣由。理合具呈。鑒核備查。實爲公便。再新租契約。一俟繕就副本。卽行呈奉。合併聲明。謹呈特別

上海市教育局代局長魯。

●上海市立第一民衆圖書館呈

市教育局報告定期演講請派

員指導

呈爲定期演講。請派員指導事。竊奉鈞局兩次訓令內開。市立民衆圖書館管理員每星期應在該館通俗演講一二次。並須將演講日期及時間。卽日呈報到局。俾便派員察閱。以資考勤各等因。奉此。茲定於每星期一日下午二時。在館演講。第一次卽在本月十三日舉行。以後每隔七日行之。卽乞鈞局按期派員到館指導。以便遵循。除在館布告民衆。到期聽講外。謹呈市教育局局長魯。

●上海市立第一民衆圖書館管

理員呈市教育局報告第一月

成績

爲呈報成績。懇予備案事。竊自奉令籌備於十二月十一日正式開放以來。迄本月十日爲期一月。此一月中閱覽人數。共六百零八人。每星期一百五十二人。每日平均二十人。完全男子。女子則百不得一。此種閱覽人數未見發達之原因。一以民衆教育。尙未普及。對於書報罔知研究。一以開辦未久。知者尙少。一以書籍尙少。好學之士。來館閱覽。每有乘興而來。敗興而返之憾。今後擬請鈞局設法增加圖書。一面登報廣告。使民衆咸知本市圖書館之所在。然後再漸圖擴充。方有成績可期。至報紙方面。已承申新二家。贈送免價券。時事新報則由該館每晨直接派人送館。尙稱便利。民國日報與時報。則由本館直接向報販訂閱。所費尙少。所聞中央日報。已定期出版。是亦重要報紙之一。擬請鈞局先期函商該館。請其贈閱。至其他一

切應用物件。因開辦時未能齊備。缺少尙多。此後擬酌量經濟狀況。逐月添置。惟自一月份起。鈞局於規定雜費項下。減去三分之一。爲他館租屋之用。此爲一時權宜之計。則可。倘長此不變。恐不能盡量發展。擬請鈞局另呈市府。加撥房金。所有本館開辦第一月成績。與附帶請求之意見。理合備文。連同成績報告單。一併呈請鈞局長察核備案。並懇准如所請。以利進行。實爲公便。

### ●上海童子軍協會呈縣黨部請

#### 求准予備案

呈爲呈送章程。仰祈 鑒核。准予備案事。竊維童子軍教育。爲一種基本之國民訓練。所以培植高尚之人格。養成健全之體魄。而最大之目的。厥爲保全吾華民族之特殊精神。以適應世界環境。我國童子軍教育運動。發軔於滬濱。十餘年來。提倡

者。頗不乏人。惜宗旨未完。各自爲政。各學校所辦之童子軍團。又難免因陋就簡。以致未易獲收實效。蓋所謂童子軍者。前半期既操持於外人之手。後半期復徬徨於歧路之中。主其事者。每誤於童子軍者。乃世界和平之先導。一語。終致目標過遠。難副所期宗旨。有識者心焉憂之。祇以從前處於壓迫之下。憔悴虐政。未遑顧及。今幸革命成功。奠定東南。大江左右。重見天日。敵會同志。天職所在。責無旁貸。爰將前上海童子軍會根本改組。一洗萎靡頹唐之暮氣。奮發革新前進之精神。用副上述之宗旨。建築國民基本之訓練。除分呈上海縣公署上海縣教育局外。理合將改組童子軍協會緣由。撮要陳明。並檢同章程。呈請 鈞部鑒核。准予備案。實爲公便。謹呈。

### ●江甯縣屬各校教職員代表呈

## 大學院第四中山大學江蘇省 政府江甯縣政府請維持縣有

### 款產保全鄉校命脈

爲呈請維持縣有款產保全鄉校命脈事。竊以鄉校爲教育初基。經濟乃事業之母。欲謀任何一種事業之發展。非經濟鞏固。不足以告厥成功。反是欲摧殘其事業。但剝奪其經濟權。則生機可以立斷。江甯爲首都京縣。屬在縣治。教育應如何一日千里。力謀革新。乃以絀於經濟。巧婦仰屋。無米難炊。自縣教育局劉局長任事以來。受全縣人民之付託。竭蹶經營。亦僅足維持現狀。不料昨閱報章。教育欄。以青天白日之下。突來此驚人霹靂。乃有南京市教育局意圖劃撥江甯縣教育經費半數。將陷江甯教育於危亡地步之陰謀。誠不識市教育局居心叵測。何以一至於斯也。以城鄉民衆比

較論。鄉區大於城區。則鄉間求學子弟。自多於城市子弟。以市鄉教育經費比較論。就目前已歸爲市教育局之經費。亦不少於縣教育之經費。乃市教育局祇知爲市教育計。絕不爲縣教育計。豈城市子弟應受教育。鄉區子弟。卽屬化外。可聽其不教不育乎。此教職員等爲鄉區失學子弟計。不得不環請鈞長（或府）維持縣有款產保全鄉校命脈者一也。凡百生產。無不出之於農田。鄉區教育擴張。則農民之知識日新。農業之生產日富。揆之民享民有政策。庶相吻合。且卽以市教育經費本身論。凡鋪房茶碗等捐。所得收入。但其間鋪房有鄉民所居。茶資有鄉民所給。直接取之於商民者。何一非間接取之於農民。鄉民稍知大義。不力爭半歸縣有。原爲同是教育事業。何必太爲已甚。殊不料我行我怨。彼反相逼而來。譬之豪華子弟。經營宮室服御。原屬理所當然。至擷取農田牧畜之

基本金。完全爲宮室服御之用。待至田園荒蕪。牧蓄尪瘠。皮之不存。毛將安附。市教育局一意孤行。圖撥縣教費。只顧市教育。不顧縣教育。無乃類是。此教職員等爲縣教育經費計。兼爲市教育將來計。不得不環請鈞長（或府）維持縣有款產。保全學校命脈者二也。教職員等桑梓之邦。關係倍切。事機緊迫。緘默難安。除請縣教育局劉局長。據理力爭。勿徇人情。勿受壓迫。並分呈外。理合備文呈請鈞長（或府）俯賜維持。不使縣教育命脈一朝斷絕。不特教職員等感德無既。卽六市九鄉數萬兒童。亦受賜無涯矣。謹呈。

### ●南京師範畢業同志會呈市政 府請准予立案

爲呈請立案事。竊維政體革新。百端待理。喚起民衆精神。使之繼起直追。首在教育。師資爲教育之

母。更宜適合時勢。不容墨守成規。普人勝法。歸功小學教師。職是之故。慨自民國以來。吾甯籍之畢業於各師範學校者。不下六七百人。徒以各人從事地方教育。致令漫無稽攷。際茲青天白日旗幟之下。亟應互相團結。共策進行。諸同志爰本斯意。組織一南京師範畢業同志會。以資聯絡。凡畢業於省立四師。省立一女師。甯屬師範。縣立師範。以及其他省立師範學校。而服務於吾甯邑者。五團體。已於本月開會成立。推定執行委員。現在會員除合於組織大綱第五項資格者。尙未徵齊外。約共五百人。理合將經過情形呈報。所有組織大綱。執行委員名單。擬刻圖記樣式。一併呈請立案。卽希核准施行。實爲公便。謹呈。

### ●法官學校學生代表呈教育行 政委員會請維持學校

呈爲情殷向學。懇予維持事。竊生等肄業於廣東法官學校。實爲先大元帥所手創。伏念先大元帥創辦是校之本旨。在於養成深明黨義。適合國情。及順應潮流之司法人材。以爲收回領事裁判權之預備。本校課程。卽爲適應此種迫切的需要。而厘訂課程中。如審判實務。民刑法判例。商法判例。破產法判例。審判心理學。法醫學等。固多爲其他各校所無。卽以建國大綱。三民主義。列爲主要科目者。亦以本校爲始。辦理以來。因課程之完密。訓練之謹嚴。成績優良。社會上多稱爲各校之冠。此就學業方面言也。至就黨務方面。則全校員生四百餘人。均爲國民黨黨員。實國中獨一無二之純粹的黨化學校。故於歷次愛國運動。無不踴躍參加。革命精神。至爲充滿。使能加以培植之勞。則定收無窮之效。乃近日報紙喧傳。謂政治委員會已議決。法官之養成。既有廣大法科學院。則法

官學校。是否當須設立。令行教育行政委員會審查。具復云。迭聽之餘。莫名惶悚。竊查法官學校。乃創辦於廣大法科之後。則此兩校之應否並存。以先大元帥之精明。甯有不知。是足見於法科之外。所以另創法官學校。必有深意存乎其間也。蓋法科學院。精研學理。其目的側重於養成高明之學者。法官學校。首重實務。其目的側重於養成司法之人材。此於兩校課程之比較。卽可了然。不加以慎重考量。而遽毀先大元帥手創之學校。則數百學生。虛擲無數之金錢。虛費寶貴之光陰。驟失學業。固無顏以對其父兄。且因此坐令先大元帥之遺志。無由實現。亦何以慰先大元帥在天之靈。爲此瀝情陳訴。懇請對於法官學校。力予維持。俾學生等得以繼續工作。冀其所學。實爲德便。謹呈。

●南洋附屬中小學生家屬呈交

## 通部請續辦南大附校

呈爲停辦南洋附屬中小。羣情惶駭。環懇俯順公意。准予繼續開辦。藉維教育而安人心事。竊維南洋大學。爲東南造就實業人才唯一最高學府。開辦三十餘年。成績優美。中外共見。而有附設中小。爲升入本校大學之準備。以期貫徹交通專門教育之計劃。乃風聞鈞座方任交部之始。卽有停辦附屬中小之謠。曾於七月二十四日開學生家長聯席會議。公推虞洽卿等代表四人。晉謁鈞座。藉探真相。當蒙賜示意旨。果有停辦之動議。然對於停辦原因。頗滋疑竇。全體學生家長。竊期以爲不可。所幸方在擬議之中。尙未見諸事宜。想鈞部整理交通。願全民意。當必審慎從事。不至過拂輿情也。茲敢將不應停辦之理由。謹爲鈞部縷晰陳之。查南洋附屬中小程度。均較其他同等學校爲高。歷年招生。甄取極嚴。投考者動以千計。能入殼

者不及什一。是以學生常有已畢業於其他中小學校。能仍不惜犧牲其地位。復行投考南洋附屬中學小學者。良以程度懸殊。欲準備入南洋大學。不得不補習南洋附屬中小同等之課程。以爲上進之階梯。事實具在。衆所共知。此程度之優越。不應停辦者一也。南洋大學與唐山北洋。鼎足而三。其注重工科則一。與其他文科法科政治經濟各科。性質不同。而南洋附屬中小課程。與他校亦復迥異。無非爲升大學之準備。且學生投入附屬中小之初。章程卽載有畢業後升入大學之明文。而學校對於學生及家長之多方約束。亦甚於他校。是卽不啻早予中小學以升入大學之繼續契約。鈞部繼承前業。應有履行義務。此不應停辦者二也。東西各國大學。附設中小者。旣不勝枚舉。而國內唐山大學。廣州中山大學。所有附校。亦復存在。蓋中小爲大學之基礎。尤爲專門教育課程啣接

之必要。是大學之附設中小。有百利而無一害。此不應停辦者三也。方今破壞之局將終。建設之局伊始。廣儲交通專門人材。實爲建設之用。鈞座整頓交通。百廢具舉。對於培植人才。尙必主張積極。數十年艱難締造之成規。諒不忍無故而一朝廢止之。倘突然停辦。貽害青年。中途失學。事既匪小。而妨礙實業前途。關係更大。此不應停辦者四也。栽培子弟。父兄期望甚殷。如果學生有負裁成。家長關係較切。亦所不願。但學校與政府。應有相當之制裁。不應因噎而廢食。今該附屬中小未開。有若何風潮。倘無端停辦。實等於無辜受全體解散之處分。教育史上。既留污點。鈞部亦將冒大不韙之名。此不應停辦者五也。願人或謂中大校址。同地不宜良莠同化。易染惡習。且學制衝突。功課不佳。而經費缺乏。巧婦更難爲無米之炊。凡此或係淆惑鈞部停辦之莠言。未敢輕信。又或謂停辦之

後。當令各生轉學最優之學校。無庸認認以失學過慮。竊謂此皆似是而非之說。何足置議。份子不良。取締責在校長。成績腐敗。整頓端賴教育。縱爲經費困難。財政儘可獨立。諒鈞部當不致爲是說所搖。至於轉學一層。子弟既信仰母校。其他程度膚淺之學校。必不願往。卽有優良之校。科學性質不同。亦不相宜。勢必至一簣功虧。坐使青年學子。人人有失學之慮。詎非青白旗幟之下。最可痛心之事哉。洽卿等忝屬父兄。教養責無旁貸。所有精神金錢。過去種種犧牲。既多且鉅。殊不願擲諸虛。化爲此據。情環懇鈞部。俯順公意。詳加考慮。賜准附屬中小學照舊續辦。匪僅三百餘青年。感激靡涯。全國交通教育前途。實利賴之。迫切陳詞。不勝待命之至。除呈中央政治會議。國民政府總司令部外。謹呈交通部長王。

【教育界公函】

## ●上海縣屬小學教職員聯合會 致縣教育局長要求改善待遇

函

竊維立國之道。首在教育。施教之責。厥維學校教師。當此革命未成。外抗強鄰之壓迫。內謀國基之鞏固。尤非教育不爲功。我滬教育。久著聲譽。二十年來。上下汲汲。咸以提倡教育爲急務。所以成績不落人後。此學校教職員之努力於職責。亦不爲無功也。學校教職員。負重大之責任。既如此。則對於待遇。亦當有澈底之改善。近十年來。時異勢遷。迥非昔比。凡爲教員者。終日從事於教育。別無生利之方。妻孥滿前。資產不富。生計困難。達於極點。查本縣教職員生活費。頗多定於十年以前。陳陳相因。極少變動。鄉校教員每年薪膳。有不及百元者。其所謂豐厚者。年亦二百元左右而已。當此生活

程度。繼長增高之候。其將何以支持。一人之生活。且不能解決。焉有餘力以維持家庭之生計乎。曠觀各界。無論爲工爲商。其職無大無小。孰不改良待遇。增加工費。以合潮流。而鄉校教育界。獨不與焉。豈得謂爲公平。近來各校教職員。以無法解決經濟之壓迫。於是發生任職不專之現象。或投於政界。或改習別業。甚至流入工役。甘爲僱傭者。亦有之。前年交易所鼎盛時代。教職員紛紛離職。此其明證也。夫教育爲國家之命脈。教師負重大之使命。上海尤爲教育發達之地。而待遇乃不適合潮流。詢堪浩歎。本會經全縣教職員之議決。一致要求改善待遇。呈請鈞局。援照特別市教育局加薪辦法。即行解決。務懇鈞長俯念全縣教職員生計之維艱。迅籌妥善之方法。務於最短期內。予以圓滿之答復。則教育前途。實深利賴云。

●上海縣屬小學教職員聯合會

### 致縣教育局長請求經濟獨立

函

逕啓者。各市鄉教育經費。向以附稅與特別帶征。爲大宗來源。固極鞏固。而當局時見移挪。考厥原因。在鈞局雖爲專管機關。實無適當之方法。以貫徹其經濟獨立之精神。致使不肖官吏。任意移挪。而教育事業。被其影響。本會知既往之不及。來者之可追。嗟後懲前。不得不熟籌補救之策。以保持其獨立。爰於前次代表大會中。議決以後。關於經征教育經費機關。由本會推舉代表。會同鈞局。向縣政府直接監收。轉存經費委員會。分發各校。並請迅予轉呈縣政府。核准辦理。所有歷任知事。挪用之四萬餘元。亦須追還濟用。實爲公感。

### 南匯肇南學校董致教育局

請求撥款救濟函

逕啓者。肇南校締造民七。於茲十載。其成績之優良。辦理之完善。早出蜚聲。所有彼時之盛況。彰彰在人耳目。毋庸曉舌。查自乙丑年間。徐前局長。藉口新場分鄉後。鄉款無多。難以應付。敢將肇南經費。如數截留。不名一錢。曾經鍾義等。再四呼籲。而終不得要領。因是肇南校經費問題。迄未具體解決。事成懸案。不无所憾。竊肇南校。自教育局停止撥款以來。大有千鈞一髮之概。若不恢復原有經費。恐將陷於停頓地位矣。鍾義念當時手創之非易。尤不忍坐視其成敗。爲此據情。敢請局長鑒核。准予短時間內。解決此懸案。並請所有肇南校。一教室之經費。於本學期內。如數照撥。則使危在旦夕之肇南者。或可在此推廣時代中。而不至有所停頓也。專泐。祇頌公綏。

### 浦東中學學生會致會計師請

清查校中賬目函

逕啓者。敝校故校主楊斯盛先生。毀家創設我浦東中學。除建築一切費用外。另捐基金十二萬兩。以息金充常年經費。委託校董會負責保管。歲終必登報公佈。以示大信。乃自改元迄今。未有一次報告。近數年來。息金竟完全無着。則基金安在。殊難料測。十三年同學發起減費運動。質問基金狀況。詎蒙該會拒絕。翌年雖有敝校校友會審查母校基金委員會。聘金會計師清查原賬。亦經該會拒絕。當時該會欲息謠言。曾呈請省長派員查賬。不料省委爲該會親信之章某。僅費數小時之時間。披閱該會窮半載之力所編新表格十六紙。呈復了事。其所查結果。伊自身亦知萬難徵信。故呈復文中。有呈請派員復查。以息糾紛。而明真相之語。今者敝校改組。糾紛未已。蒙上海教育委員會。議決。請託先生擔任敝校查賬事務。澈查歷年賬目。以明真相。而定責任。敝會聞信之餘。實深慶幸。

公程式大觀 第五編

特派代表嚴拔葳陳燁帶函前來。面陳一切。敬煩予以接洽爲荷。此致。

浦東中學學生會致姜校長歡

迎允任校長函

敬啓者。辱承先生不棄。允長敝校。全體同學。咸慶得人。行見校基鞏固。發展有期。敝會謹代表全體同學。敬致竭誠之歡迎。茲特派楊世賢蘇先知兩君趨前達意。尙祈先生有以教之。

浦東中學學生會致新校董請

追回被舊校董虧吞校款函

敬啓者。我校不幸。歷年迭生糾紛。究其由來。皆因舊校董虧吞基金。重加學費所致。查舊校董所虧吞之款項。其數目已經潘會計師清查公布。載在報章。國人共見。今者貴會成立。百端有賴。萬象維

新。對於我校之校產校務。當能管理而發展之。從此校基鞏固。發揚滋長。同人等慶幸奚如。敝會茲謹代表全體同學。敬懇貴會從速追回被虧吞之校款。增厚學校基金。使發展事業不致有所障礙。則學校幸甚。同人等幸甚。

### 【教育界公電】

#### ●美國普渡大學中國學生會電

#### 蔣總司令懇即渡江北伐

蔣總司令鈞鑒。滬甯各地相繼克復。大軍所至。無敵不摧。此固人心之所向。抑亦總司令指揮之功。竊念華北各省。猶在水深火熱之中。務懇即日渡江。指師北上。殲彼元兇。統一全國。敝會同人。無任馨香拜禱之至。美國普渡大學中國學生會叩賀。

#### ●上海持志大學學生會電中央

#### 執監委員會慶賀奠定首都

南京中央執監委員會鈞鑒。溯自義師抵滬。轉瞬底定全蘇。莘莘學子。方幸脫離軍閥之淫威。共隸青天白日黨幟之下。以享真正之民有民治。民享。不意少數跨黨份子。倒施逆行。宣傳共產。使青年子弟深入迷途。供其犧牲。此種禍患。何異洪水猛獸。欣悉首都奠定。主持得人。從此清黨救國。時雨均霑。謹本熱忱。以申慶賀。持志大學學生會叩。

#### ●上海教育同志會電中央執監

#### 委員會國民政府慶賀定都南

京

中央執監委員會國民政府諸公鈞鑒。南京爲歷史名都。江南重鎮。縮全國交通之樞紐。據長江鍾山之天險。外交軍事。便利實多。總理生前。早所屬意。今奠都於此。本基既固。建設裕如。電聞所播。萬

衆騰歡。不獨北伐大功舉日可竣。而盤據武漢之一般亂黨。巢穴既已動搖。操縱失所。憑藉妖氛孽障。不難一掃而空。謹掬熱忱。用申賀悃。上海教育同志會叩巧。

### 【各團體呈文】

#### ●甯垣各團體呈江蘇財政委員

##### 會請維持金融

爲呈請速定辦法。維持金融。以濟民食事。竊省垣自宣布中央紙幣一律停用以後。連日各商鋪。凡屬日用所需。一時均無形停業。而食米一宗。爲尤甚。緣近日以來。流行於市上者。大多數爲中央紙幣。其現存於商鋪者。居十之六七。現存於農工及一般民衆者。居十之三四。一旦停用。則商家無資進貨。而小民凡百所需。卽頓形缺乏。其尤困難者。甯地產米無多。全恃鄰封輸入。其米客來城售米。

當前此中央紙幣通用時。卽已拒收。若強之過甚。又恐非招徠之道。轉致米源斷絕。是以住省米商。均以現金購入。而售出時。悉係收入中央紙幣。因奉明令在前。未敢違抗。月餘以來。除各業商鋪及勞工各界。所收中央紙幣。截至今日。計數約六七十萬外。但就米業一項。所收中央紙幣。已積至三十萬之多。今則現金告竭。舍中央紙幣外。別無他款。可以採購客米。而農工及一般民衆。所存中央紙幣。每家或數元。數十元不等。皆係用苦力交換而來。藉謀朝夕生活。今一旦米商不進貨。而勞工各界無處購米。在零星工作之家。散居各處。其困難情形。已非筆墨所能曲繪。而在工廠醫院各收容所及普育殘廢等堂。大率每處廩聚數千百人之多。今因影響所及。無米爲炊。實有嗷嗷不可終日之勢。綜以上急迫情勢。非對中央紙幣於清查數日後。迅定通行辦法。不能救濟目前之恐慌。

欣值貴財政委員會成立伊始。必有蕙籌碩畫。以慰倒懸之望。用特代表民衆。呼籲上聞。務乞於最短期間。示以切實之答覆。以蘇民困而安人心。不勝急切待命之至。謹呈。

### ●上海租界納稅華人會呈江蘇省政府陳明變更組織請予備案

呈爲增厚勢力。擴大範圍。變更組織。適合黨義。懇請鑒核備案事。竊上海公共租界納稅華人會。於民國八年十月十四日成立。並由政府撥款維持。以爲公共租界工部局對於華市民利益之顧問機關。民國十四年五月卅日五卅慘案事起。五華顧問辭職。迄今上海於中國國民黨治權之下。兩租界工部局竟定於七月一日增加巡捕捐二厘。不特未徵華人同意。且未經我國當局認可。納稅

華人表示反對。而公共租界不納稅華人會。因容有腐化惡化份子。在內。致少數革命份子。無力活動。對於非法增加巡捕捐事。毫無重大表示。納稅華人應時勢之要求。認爲有擴大改組之必要。當於六月廿三日上海租界市民反對增加巡捕捐大會。召集之上海租界市民反對增加巡捕捐大會。於中國國民黨上海特別黨部第二部縣指揮部政治訓練部等代表。監察之下。決議擴大範圍。由上海兩租界納稅華人共同組織。定名爲上海租界納稅華人會。設臨時執行委員二十一人。組織執行委員會。執行會務。當場加倍選舉。並選定臨時秘書二人。呈請中國國民黨上海特別市黨部圈委程祝蓀等二十一人爲臨時執行委員。徐可陞等七人爲候補執行委員。陶樂勤嚴諤聲二人爲臨時秘書。業於七月一日就職視事。積極爲納稅華人謀利益。爲黨國全體面與主權。所有擴

大納稅人範圍。擴大改組上海租界納稅華人緣田。除分呈外。理合具文呈請鑒核備案。伏乞核准施行。實爲公德兩便。謹呈。

### ●上海特別市房客總聯合會呈

#### 本埠各機關請准予立案

呈爲組設上海特別市房客總聯合會。遵照政綱辦理減租。以蘇民困。而維治安事。竊住居問題。爲人類生存切要之需。先總理倡言革命。首重民生。誠以住之一字。於市民生計。地方治安。商業消長。市場盛衰。均有莫大關係。是以特加注意。言之甚詳。上海爲我國商業中樞。工廠林立。市肆櫛比。各省工商之衣食是謀者。莫不集中於此。在谷滿谷。在坑滿坑。房租之貴。甲於各國。甚有一般貧乏工商。衣食尚難着落。先受房租之困。此種苦况。豈在少數。言念及此。曷勝慨嘆。洎乎民八以還。信交潮

流。風起雲湧。房東產主。挾勢居奇。以加租爲投機。以勒遷爲能事。加租不足。繼以小租。不滿其慾。藉口翻造。命令之嚴。甚於專制政府。稍有違言。卽被控告。甚則影蔽洋商。藉爲護符。欺壓同胞。無所不爲。關係主權。尤爲重大。無如一般財閥。溺於財迷。繼長增高。有加無已。或逐年遞漲。或一歲兩度。甚有加至一倍之多。所建市屋。在普通商市內。每幢索小租至五百元一千元以上。其他繁盛市場。無論矣。馴至商市凋零。商民坐困。借貸挪移。維持爲難。此種情形。在法律上。爲不當利得。在事實上。爲壓迫民衆。在良心上。爲剝削貧寒。苦力工人。冬則蜷伏閣層。夜則露天過宿。小則妨害衛生。大則因此喪命。甚則啼飢號寒。流而爲匪。影響及於治安。爲害之烈。甚於洪水猛獸。爲房客者。身受其害。噤不敢言。今幸革命成功。三民主義得以實現。對於減租問題。業蒙列入政綱。垂爲令典。特集合滬市

房客。組設上海特別市房客總聯合會。擬訂章程。規定區分會及分會組織辦法。具文呈請仰祈察准立案。以蘇民困而維治安。不勝迫切待命之至。謹呈。

●上海特別市房客總聯合會呈

市政府請明令改用國曆繳付

房租

呈爲呈請明令改用國曆繳付房租。以廢封建遺物而蘇民困事。竊夏曆以月繞地球計年。每多差遲。民國建元。卽經先總理宣告廢棄。明文頒訂陽曆爲國曆。各機關及及各團體率見遵行。惟上海房主於房租之徵收對機關團體及外人則用國曆。對平民則仍襲用陰曆。匪特平民暗中虧損。抑且殘留封建餘蹟。查房主自願以國曆付租者。亦未嘗無人。然大多數以無明令。仍存觀望。迭次各

分會均以半年減租。並國曆付租而不得之辭相責難。曾經前上海房租討論委員會雙方代表議決。爲此理合備文。呈請鈞府。俯乞於國曆付租一層。迅予批准。并頒爲明令。俾衆週知。既可以根本廢去封建遺物。亦可以稍蘇民困。迫切陳辭。無任翹企待命之至。謹呈上海特別市政府。

●上海特別市房客總聯合會呈

農工商局請咨交涉署照會駐

滬外領事知外商遵行陽曆付

租

呈爲呈請轉咨上海交涉署。照會駐滬外領事。通領外商。遵照陽曆付租。以昭平允。而恤商艱事。竊查外人在滬置業。其所以按陰曆收租。實因租界關於前清。從我國當時之習慣而然。民國肇建。我總理在總統任內。改頒世界通曆。原爲尊重世界公

曆。圖便國際交涉及貿易。行之已十有六年矣。茲以江海重光。政府定鼎。大局俯納敵會等之請求。尊重民意。崇奉正朔。而有通令布告。按國曆（陽歷）付租之舉。闔市民衆。不勝欽感。惟查素不崇用陰曆之外商。對於華人住戶房客。仍按陰曆收租。實爲事之極奇。而理之所不應有者。外商之按陰曆收租。既爲從我國前此之習慣。則我國今日正朔已更。而國曆付租。亦經明令頒布。民衆遵行。則本崇世界通曆之外商。其收租日期。應一律改正。人已兩便。當然不成問題。爲此呈請大局。轉行上海交涉署照會駐滬各國領事。暨各工部局。通令東西外商。一體遵照。以崇正朔。而恤商民。不勝禱切之至。謹呈上海特別市農工商局上海特別市房客總聯合會呈。

### ●上海閘北房產聯合會呈江蘇財政廳請發還應免愛國捐

公文程式大觀 第五編

呈爲上海閘北災區。已經免租兩個月之房屋。奉批准予免徵愛國捐。所有已被上海特別市公安局愛國捐稽徵處收訖之愛國捐。懇祈體恤房東方面困苦情形。准賜照數發還。竊敝會前以閘北災區房屋。既經奉令免收兩月租金。倘再遵繳八九兩月份愛國捐。實覺力有不逮。曾經迭次具呈鈞廳及財政部。請准免捐在案。嗣迭奉鈞廳及財政部先後批准。凡閘北災區之內。已免除兩個月房租者。准免愛國捐兩個月等因。凡屬閘北災區以內各房主。對此體恤仁恩。莫不感激涕零。惟上海特別市公安局愛國捐稽徵處。未能早日遵照鈞廳批令辦理。擅在災區之內。續徵愛國捐。迨至現時。災區房東方面。檢齊愛國捐票。遵照鈞廳免捐批示。向公安局愛國捐稽徵處領回此款。詎知稽徵處人員。稱事已結束。無款可付。頓使災區房主大起恐慌。現在災區業主等。大都將應行

領回災區內之愛國捐收據。數約五六萬元。交到敵會。囑爲代懇廳長查照批准成案。賜予發還。爲此不避瑣瀆之罪。再行具呈。籲懇。務乞俯賜批准。敵會當即繕具清冊。連同災區內愛國捐收據。趨前具領。感受恩施。永無旣極。謹呈江蘇財政廳廳長張。

### 上海閘北房產聯合會呈市公

租

爲呈請事。竊閘北產主等前奉明令在被災區域產主免收房租兩月。未列災區產主措繳愛國捐兩月。在國民憂家先憂國。輸將濟餉。惟力是視。在政府體恤民艱。盱衡民力。大公共乘。軒輊無分。惟是產主名義雖同。情形互異。夷考其實。產主之中。非盡殷實富戶。其間有由挪移集款以建築房屋。

一三〇

希冀房租收入積累。漸爲償還之計。亦有租借他人之地。自行構造屋舍。以爲營生。但照現在情形。建屋之人則共指爲產主資本家。而地主財主則反匿跡韜聲。視若平民。此次建屋之業主既奉令豁免租金及繳納捐款。而於此項房主應付地主租價及債權人息金未能同在豁免之列。仍須按月交付。在此豁免與輸捐兩月之中。閘北租地借款建造房屋之業主。既無收入可以抵償所出。反支出以增虧累。而在地主財主方面對於愛國捐及免租等事。絲毫無所負擔。即云同屬資本階級。而顯分軒輊。似欠公允。且閘北房屋業主頗多中人以下之家。此次免租捐餉。已屬萬分踴躍。用是敵會會員一致公決。懇請市長局長秉公決定出示公佈。凡屬免除二三月租金之受災區域。以及繳納七八兩月愛國捐之普通房屋。其各該月份因營造房屋抵押借款之利息及租地造屋之

地租准予一併豁免。以昭平允。無任公感。仍祈批示。祇遵。除分呈外。謹呈上海特別市市長張。上海特別市公安局局長沈。

### ●上海律師公會呈上海政治分

#### 會呈復春季改選手續

爲呈復事。五月四日接奉貴分會祕書處函開。據四月二十九日來呈並會章一份。所稱各節。經提出本會第十二次會議議決。此次湯應嵩等所開春季期會。是否足法定人數。是否按照法定手續表決。着尅日具復。以憑核辦等因。奉此。查湯應嵩等乘公會宣告停會之際。率爾開會。計是日到會人數。共祇六十七人。有各報紀錄爲憑。其中且有先經簽名及開停會。卽行退席外出者。爲數亦復不少。按公會現有會員二百四十七名。（附錄名單）按照原有會則第十九條。定期總會。須有會

員三分之一以上到會。方可開會。前日開會。到會簽名之六十七人。卽無退席出外之人在內。亦尙未及三分之一。確係未足法定人數。至議決事件。尤須以到會之過半數取決。選舉職員。更須用記名投票法。亦爲原有會則第十九條下半節及第十三條所規定。是日議決及推選係一人提出。三人附議。卽爲通過。概未依照法定手續表決。奉函前因。理合具文呈復。伏乞鈞鑒。謹呈。

### ●上海會計師公會呈國民政府

#### 請糾正處理蘇俄商業委員會

#### 選任外籍會計師文

呈爲處理蘇俄商業委員會。選任外僑哈士根助理。清理遠東銀行。有損國權。有違國法。懇祈迅賜糾正事。竊去冬國民政府宣佈與蘇俄絕交之後。財政外交交通三部組織處理蘇俄商業委員會。

處理蘇俄在華商業事宜。嗣於十六年十二月二十三日。該委員會致上海租界臨時法院函。內附監視清理遠東銀行辦法六條。其二項爲委任會計師哈士根氏助理清理事宜等因。當以哈士根爲外國僑民。並未經我國政府核准其爲會計師。爲尊重國權遵守國法計。此項清理事宜。自應委託本國合法之會計師辦理。故敝會於十二月三十日致函該委員會詰問。惟至今時逾一月。迄未接該委員會答函。本年一月六日滬上各報登載監視清理遠東銀行辦事細則之中。仍以哈士根爲助理清理之會計師。委員等僉以此事對於國權國法。及本國會計師職業方面。所關至鉅。既有所知。庸敢安於緘默。請爲我政府大部陳之。竊維世界各國通例。在本國執行會計師業務者。止以本國人爲限。與律師職業大概相同。惟我國久受他國之侵凌。律師會計師等職業。頗有容許外人

在本國境內執行者。年來國人對於國權國法漸知注意。加以保護。去年本省政府收回上海公共租界會審公廨。改爲臨時法院。卽規定凡屬本國人民之民刑訴訟辯護事件。不得委任外籍律師辦理。同時北京外交農商司法部亦有通令。凡關於本國人之會計事項。應委託本國合法之會計師辦理。方有法律上之效力。現在俄國人民之領事裁判權久已撤銷。所有公法私法方面應辦各事。當完全依照我國國法辦理。且會計師法規早經國民政府財政部規定公佈。美僑哈士根氏並未經我國政府核准其會計師。在我國一般私人。猶不許以法律上事務託其辦理。今處理俄僑商業委員會。爲政府大部直轄機關。委員諸公又係黨國聞人。乃以應託本國合法會計師辦理之事。誤託外僑辦理。且以我國法定名詞會計師三字冠於外僑姓名之上。殊與財部所頒會計師註冊

章程不合。爲此籲詞懇請迅賜糾正。以保國權而守國法。實深公感。敝會又有陳者。敝會爲此事致函處理蘇俄商業委員會質問之後。雖未接該委員會正式復函。惟見上年十二月三十日滬上各報。記載該委員會中人非正式之表示。略謂鑒於該遠東行重要債權者。乃係美屬銀行等業。爲債權人之信用計。故聘大美查帳局（前哈士根氏）爲該行清理之助理。此亦爲我國外交當局及該行重要債權代表美領事認爲須如此者。查該查帳局資本雄厚。營業甚大。在美國設有總局。對於職務遇有需要時。該局可提出千萬元保證。我國會計師等縱有該種學識經驗。而於此種保證力量。似有遜色。故基於以上所述關係。不能不如此辦理也云云。此種觀察錯誤。不得不明白指正之。查會計師係一種技術的專門職業。與投資企業之商人迥不相同。其信用全基於學識經驗與道

德。無所謂營業大小。資本厚薄。故各國通例。政府對於呈請爲會計師者。祇考試或審查其學識與經驗。未聞以營業資本爲准駁之標準也。所謂大美查帳局。能提出千萬保證之說。誕妄絕倫。（中略）我委員諸公。應力闢其謬。（中略）退一步言。遠東銀行之停業清理。基於我國政府之命令。則負清理全責者。自有該處理委員會所代表之國民政府。在。以國民政府之信用爲保證。其值何止千萬。會計師對於此案之職務。不過助理而已。既不負保管之責。又不握主持之權。安得以提供擔保相難耶。縱使該遠東銀行之債權人。大都爲美國商人。我國政府爲表示信用起見。亦止能允許美領事或美商所自舉之代表或會計師。對於清理事項加以監察而已。斷不應授權外人。使之幫助清理。以損及國權國法也。委員等深慮此等似是而非。不負責任之論調。足以淆惑國人觀聽。

助長媚外思想。故不得不明白聲辯。所望政府大部爲保護國權國法計。迅令該商業委員會。立將清理遠東銀行辦法修正。並將已經僱用之美僑哈士根氏停職。依照世界各國通例及本國會計師法規。改任本國合法之會計師助理清理事宜。不勝屏營待命之至。除分呈國民政府財政部外交部交通部外。謹呈。

### 上海海關華員聯合會呈中央 執委第四次會議請收回稅權

呈爲請願迅速實行收回稅則國定權。關款保管權。海關行政權。以裕國計而紓民生。仰祈鑒核事。竊查吾國數十年來。國家財政國民經濟所呈種種羅掘枯窘之現象。無一非受不平等條約及不平等條約之束縛所致。而不平等條約及準條約中最不利於國計民生者。莫如喪失稅則國定權。關款

保管權。及海關行政權之規定。自道光二十二年訂立江寧條約。翌年訂立五港進出口應完稅則協約。而稅則國定之權。斷送無餘。八十年來。國家因不能運用保護政策。以發達國民經濟之故。洋貨日益充斥。土貨日益滯銷。又以不能自由增加關稅。以應財政上需要之故。不得不保存萬惡之釐金稅制。以延殘喘。困商病民。莫此爲甚。自辛亥革命事起。外交圍鑒於國內一時之紛亂。乘機與清政府訂立保管稅款協定。而關款保管收支之權。完全操於客卿之手。以堂堂中國政府。因財政時虞竭蹶之故。至此不得不仰總稅務司之鼻息。又以每年數千萬兩之稅款。皆存於外國銀行之故。卽國內金融界亦莫不遭其壓迫。自咸豐四年上海道與英法美三國領事締結江海關之協定。繼之以咸豐八年中英通商章程第十條。「任憑總理大臣邀請英人幫辦稅務」之規定。一八九

六年及九八年兩次英德借款合同內「借款未償清以前不變更海關行政」之規定。以及光緒二十四年總理衙門致英公使覺書中「在英國對華貿易比他國佔優越地位時。應任命英人當總稅務司之後任」之聲明。而國家課稅主權所寄託之重要權署。遂夷爲國際共管之機關。凌假造成今日便利洋商阻礙華商之局面。綜此三者。一方摧殘國民經濟。一方枯竭國家財源。凡今日中國種種不安現象。胥濫觴於此。幸我國民政府秉承先總理遺志。以取消不平等條約爲對外政策之一。遷都南京。卽有九月一日實行關稅自主之壯舉。雖以種種之窒礙。不得不宣佈展緩。然此種政策。並未放棄。則可斷言。職會會員服務於帝國主義者對華經濟侵略之大本營。多則二三十載。少亦數年。目擊膚受。感觸較深。既憤列強之攘奪稅權。外商之壟斷稅款。客卿之把持稅政。復慨

在同一機關服務。待遇不公。備受痛苦。貽中華民國人格之差。是以仰望我政府之實行關稅自主。及收回關款保管權。與海關行政權。不啻久旱之望雲霓。茲以第四次中央全體會議開會在卽。職會爲國家前途計。爲全體會員前途計。謹將迅速實行收回稅則國定權。關款保管權。海關行政權。以裕國計而紓民生一案。請求大會委員議程通過施行。俾全國國民。得蒙經濟解放之利。而職會員亦受待遇平等之賜。此不獨黨國之光。亦職會之幸也。所有請願迅速實行收回稅則國定權。關款保管權。海關行政權各緣由。理合具文呈候鑒核。謹呈中國國民黨中央執行委員會第四次全體會議。

## ●中國國民拒毒會呈國民政府

請改善禁烟方法

呈爲懇請改善禁烟辦法。廢止招商承辦烟土。切實禁絕烟禍。以杜毒害而保民生事。竊自財部禁烟處實行鴉片公賣。招商承辦後。流弊滋多。民怨沸騰。紛紛表示反對。敝會屢次根據總理拒毒遺訓。人民禁烟主張。向鈞府及財部痛哭陳辭。懇請俯察人民疾苦。從速取消此次弊政。釐定較合禁止原則之條例。并提出組織禁烟委員會辦法。以爲補救。未蒙採納施行。人民茫然。莫知所措。最近江蘇改設禁烟經理局。表面取消招商承辦。實際大權操諸土販烟商之手。核其內容。變本加厲。以言禁烟。則販運較前尤厲。以言籌餉。則政府得不償失。結果除爲一般貪官污吏土販奸商開生財之道。謀縱毒之機外。實際殊無若何成績。僅以上海一隅之現狀言之。華界各地遍設分局。僱用流氓。四出招集烟土。門首大張各種烟土價值。除雲土川土之外。若印度大士小士波斯紅土莫不應

有盡有。且濫行登記。以圖廣銷毒品。(中略)至於購者是否領有執照。是否真有烟癖。均不過問。至於吸烟執照。除長期執照。分有甲乙丙三種外。尚有所謂臨時執照者。隨時隨地可以領取。甚有禁烟分局附設烟燈。路人納費吸食者。種種怪相。不圖竟實現於青天白日之旗下。竟見諸於萬國觀瞻之上海。其結果不但使烟毒流行。以戕賊人民。實使全體民衆。對革命政府。失其信仰。使野心外人。將我國當局增其藐視。最近上海公共租界廢弛烟禁之議。事雖未成。然實起因於華界之先自作俑。根據上項事實。雖三尺童子。亦知此等禁烟實自欺欺人耳。苟軍費緊急。必須仰賴烟稅。據敝會所知。則中央政府十月份僅收到六十三萬三千九百五十八元。十一月份僅收到六十四萬八千零四十四元三角四分。十二月至正月十六日。僅收到六十五萬。以此等區區之收入。而違背黨

網違背總理遺訓。拂逆人民公意。破壞國際信用以行之。其代價未免過奢。若云禁烟。則以上事實俱在。禁烟官吏。多社會所不齒之流。素以私運私販烟土起家者。不但不知何爲禁烟。實則引狼入室。自墜其計耳。故其舉措。不爲禁烟而爲縱毒。烟民苟暫需烟土以待戒絕。則本國烟土。已汗牛充棟。又何必廣辦印度大小土波斯紅土。以待權君子之選擇。（中略）長此以往。其成績可想而知。明年之國際禁烟大會。轉瞬卽屆。環顧國內禁烟情形如是。將有何面目以見世人。敝會秉總理拒毒遺訓。根據人民禁烟主張。唯知拒毒。他非所問。蓄日時艱。愴懷靡已。素仰鈞府愛民如傷。謀國以誠。對於此項禍國禍民之禁烟條例。定能俯察實況。從速改弦更張。釐定切實禁烟之政策。以符前此三年禁烟之議案。敝會拒毒有心。救時乏術。對於烟禁之設施。與辦理之要點。如承下詢。極願盡

其研究之所得。隨時上陳。以盡民衆團體之天職。懇切陳詞。諸希鑒察。如承採納施行。實爲德便。

● 東方銀公司債權團呈外交部  
請將外籍舞弊人員置之於法

以絕奸詐

呈爲東方銀行儲蓄公司倒騙鉅款。除共同詐欺。主要華人。另案提起刑訴外。其歷任外籍人員。均有營私舞弊嫌疑。叩請令行特派江蘇交涉員。查明國籍。分向該管領事嚴重交涉。務將舞弊人員置之於法。並追回儲款。以絕奸詐。而彰國法。竊東方儲蓄銀公司。一名東方儲蓄會。自民國九年六月成立。迄本年五月十八日倒閉止。爲時八載。儲戶達四千八百號。每號以半會。各月繳六元。計儲款有二百四十餘萬之鉅。不料倒閉時。洋經理勒道。在臨時法院妄稱會中存款。僅有三元三角。

殊屬駭人聽聞。揆厥原因。實緣歷任外籍董事。視儲款爲私產。任意挪用。甲盤與乙。私相授受。承受者。挾詐意而來。當然如法泡製。以致數百萬鉅款。化爲烏有。數千儲戶。節衣縮食之資。盡供少數人之揮霍。可痛可恨。孰甚於此。查該公司創辦時。董爭買德士大班（卽總經理）彭恩。至民國十三年。因虧空十七萬。乃讓與吳敦。大來（美籍）司坦（美籍）愛斯勒（美籍）諸人。經營二載。截至去年十月份止。虧空洋十八萬數千餘元。乃由繆學文懸手。讓渡於甘維露（美籍）麥克孫其斯。據王鈍根在晶報所發表。當時該公司猶有道契股票。押款等。值七十八萬。大來恐甘等無實力。撥辦。要求驗資。甘等乃借某儲蓄銀行單某之道契一紙。假定值二十萬。以之壓券示信。當時收還。是仍不啻以空手換取七十八萬之資產也。甘等盤受後。以孫其斯爲出面大班。未及三月。而孫自謂該公

司產祇存二十二萬。欲售與萬國儲蓄會不果。今年三月。孫乃走小呂宋。以法人審司脫爲繼。至五月三日。有一盛福海老經手。讓與孫鏡如孔寶華。惟言明後繼者。當出五萬元。加入會中。維持殘局。顧至十六日開獎時。無法兌獎。遂於十八日宣告清理。由此以觀。該公司以前負責人員。均有營私舞弊嫌疑。甚爲明顯。其餘國人。已向上海地方檢察廳。公共租界臨時法院。告訴外。至賈德士。彭恩。吳敦。大來。司坦。愛斯勒。孫其斯。甘維露。審司脫。九人均屬外籍。因受不平等條約束縛。非我法權所及。而外國官員。又往往袒其國人。最近如強姦英兵。宣告無罪一案。卽其明證。本案若逕向該管領事告訴。一定不生效力。爲此迫不得已。纔陳騙詐情形。備文呈請。仰祈鈞部鑒核。迅予令行特派江蘇交涉員。將該公司前後舞弊情形。澈底查明。分向該管領事嚴重交涉。務將舞弊人員。依法科刑。

並將儲戶儲款悉數追回給領。以絕奸詐。而維國法實爲公便。謹呈。

### ●江浙漁業永豐公所等十六團

#### 體呈財政部請撤消征收新稅

#### 原案以免苛稅擾民

竊江浙漁業事務局苛稅擾民。暨局長譚兆鰲種種違法。迭經披瀝陳訴。並由上海總商會據情轉請停止徵收在案。茲閱報載。財部解決江浙漁業糾紛辦法。第一江浙漁業事務局稽徵區域。以沿江海一帶爲限。凡屬內地。不設分局及稽徵所。第二徵收漁稅。以鮮魚鮮水產動物爲限。凡醃乾魚類所有稅課。仍由財政廳照章辦理。第三鮮魚鮮水產動物。所課稅率。應參照值百抽二舊稅及值百抽五新稅。酌量減輕。改百分之五爲百分之三。第四鮮魚鮮水產動物之應課新稅。全歸江浙漁

業事務局主管。其從前所有舊稅。除海關常關照常辦理外。凡其他各色釐金省稅雜捐。一律取消歸併。實行化零爲整。以上四項辦法。呈請國府核准。分行江浙兩省政府。將取消鮮魚類舊稅辦法。轉飭財政廳遵照辦理。一面仍由財部將江浙漁業事務局章程酌加修正。呈請核定。轉飭該局遵照等因。揣大部之意。以爲本案糾紛從此解除。不知內地漁稅之糾紛。雖了。而沿江海一帶魚稅之糾紛。如故也。以爲商民疑慮。從此消弭。不知醃乾魚類加徵之疑慮。雖去。而鮮魚鮮水產動物加徵之疑慮。更甚也。大部又以爲化零爲整。不同乎苛斂。值百抽三。不至於擾民。不知同一魚類。而鮮與醃。乾課稅懸殊。既乖稅則之平。且益漁民之痛也。今請約略言之。蓋向來鮮魚抽稅。與其他貨物稅情形不同。不必求足百分之二。其理由有四。(一)漁民出沒風濤。冒險捕獲。海外之辛苦危險。百倍

於內地。政府應予優異。以示鼓勵。(二)鮮魚進口。上海關章所載。向來論儀而不論斤。並不估價征稅。其定稅原意。在於避免留難而防止潰爛。(三)鮮魚入市或轉口。早晚市價不定。須求迅速銷售。非比其他貨物經久不變。有一定價目之標準。(四)魚類佐膳。無論鮮乾河海。同爲日用必需物品。斷無單獨重課海鮮之理。有此四種理由。故無論化零爲整。抑化整爲零。總宜不出應稅範圍。不可超過值百抽二之通率。若論獎勵方法。則日本國不徵魚稅之例。可爲借鏡。况廢除苛細雜捐。先總理早有遺訓。魚稅爲雜捐之一。縱不遽予廢除。亦何可有加無已。今乃反其道而行之。鮮與醢同一魚類。而所課之稅。有從新從舊之分。遂不免畸重畸輕之弊。大部爲最高財政機關。此等魚類雜捐。誠無暇察。知真相。祇就表面觀之。解決糾紛辦法。上下兼顧。何嘗不冠冕堂皇。試一念魚類課稅

之未可兩歧。與夫漁業負擔之不宜偏重。應爽然於處置之偶疎。而亟亟設法以善其後。幸而有濟。則轉圜自妙。固無損競爭之尊嚴。不幸而無濟。則窒礙難行。徒以激人民之反響。下不利於民。上無益於國。此中得失。何待著龜。大部所稱振興漁業。爲設立漁業事務局之本旨。則何必舍本逐末。漁業其名。魚稅其實。爭此紛擾無謂之些微收入耶。至此更有不能已於言者。魚稅明明爲地方雜稅。何以中央在所必爭。則曰中央政治會議蔡委員。元培等提案之故。國稅地方稅之權限範圍。早已劃分清楚。大部管理國稅。何以侵及地方魚稅。因接受國府秘書處奉務委員會論。轉飭遵辦。便認作主管機關。而並無一語抗衡。以正其統系。則曰中央政治會議蔡委員。元培等提案之故。江浙兩省政府主管地方財政。何以放棄魚稅。一任混淆攘奪。經各團體百般呼籲。而並不據理力爭。收

歸兩省地方自辦。平情解決。毋乃亦曰蔡委員元培等提案之故。蔡委員元培等身任黨國之重。苛稅擾民。定知非其所願。而徒爲中央研究院。及國立勞動大學寬籌經費。雖不免爲獻媚迎合者所誤。但宅心長厚。本自無他。自譚兆鰲出任江浙漁業事務局局長。率擬章程。朦朧請核准。自行公布。逞宵小機謀。墮中央威信。敢問誰尸其咎。既然試辦無效。何以姑息如故。不聞國府有人提議罷斥。是否亦曰蔡委員元培等提案之故。譚兆鰲一市僧耳。其得官目的。祇在剝削取盈。本不知國家爲何事。政治爲何物。卑鄙無恥。何足深責。第訓政開始。最重銓政。如此昏庸齷齪。而亦漫無抉擇。建設前途。詎不可慮。今因譚兆鰲一人結怨於民之故。而聯想及於提議任命之中央委員。復恐大部有所遷就。不便收回成命。與江浙兩省有所顧忌。不遑爲民請命。而疑譚兆鰲特有護符。長此作祟。釀成

最後仇隙。遂不得不哀懇蔡委員元培等俯念江浙兩省漁業困難情形。自動提議。迅將原案撤消。庶幾繫鈴解鈴。一切糾紛。從此根本解決。嘉惠民生。甯有涯涘。否則新稅實行之日。卽吾民誓死否認之日。裕課不足。府怨有餘。明知緣木求魚。尙欲全力搏兔。民命縱不足惜。而於中央學院究何利焉。痛哭流涕。急不擇言。除分呈外。爲此籲請鑒核批示施行。無任感戴。永豐公所、蓬萊公所、永安公所、長安公所、鎮定公所、棲鳳公所、靈和公所、延慶公所、台州公所、奉化公所、鎮安公所、敦和公所、螺門漁會、漁商協會、江浙漁會謹呈。

### ●上海廣舞臺經理呈軍事當局 請出示保護

呈爲維持營業。請求給示保護事。竊商民永樂公司。求謀開北虬江路一帶市面與盛起見。不惜集

股投資。經營廣舞臺。開演粵劇以來。歷有年所。未嘗中止。旋因受時局關係。停演數月。損失甚鉅。近見地方漸告安謐。所有交通亦次第恢復。擬將舞臺內部。重加修理。一俟工竣。即行開演。屆時恐有不逞之徒。藉端滋擾。為特仰祈 鈞部出示保護。以維營業。而與市面。實為公便。謹呈。

【各團體公函】

●上海租界納稅華人會致工部

局抗議繳春季二厘增捐

逕啓者。案查（一九二八年）一月一日至三月三十一日春季巡捕捐（或稱市政捐）之收取。貴局未尊重。去年八月二十四日上海總商會。上海商業聯合會。上海各路商界總聯合會。調停宣言第四項辦法。引起本會不易對付之困難。且以華董席數等問題。未見解決。尤為憤慨。茲為表示納稅

華人誠意與貴局合作起見。所有公共租界內本年春季巡捕捐所增根據房租百分之二。在抗議之下交付。抗議至該項增捐發還。或得本會代表追認為止。務請貴局將所有一切懸案及困。早見解決。在相互自由平等之原則上。共謀福利。相應函達。即希查照為荷。此致公共租界工部局總董費信惇。

●上海租界納稅華人會致工部

局聲明在抗議下繳付二厘春

捐情形

逕啓者。接准一月二十七日公函。當即提交本會執行委員會第四次會議。經長期間討論之下。議決（甲）公共租界內一九二八年一月至三月之春季巡捕捐（或稱市政捐）所增根據房租百分之二之數。在未徵得本會代表大會同意之前。不

得不繼續反對。但爲表示誠意合作。與觀察工部局方面。於本年三月前。是否誠意解決懸案與困難起見。該項增捐在抗議之下繳付。(乙)公共租界以外之特別巡捕捐。本會認爲工部局本無徵收之權利。就本會職權上觀察。此事外交問題。本會無考慮之必要等因。除公共租界內本年春季二厘增捐。已致函貴局總董在抗議下繳付外。相應錄案函達。即希查照爲荷。此致公共租界工部局總務長強森。上海租界納稅華人會主席虞洽卿啓。

●上海租界納稅華人會致工部局  
請確定經濟審查委員會名稱

逕啓者。本會所推李馥蓀、貝公孫、黃明道、徐慶雲、袁履登、秦潤卿、何德奎、七委員。係屬審查貴局一

九二七年之決算與一九二八年之預算。製就審查報告。提出對於預算增減意見。送交本會通過。函咨貴局查照辦理。本會所以命之曰「工部局經濟審查委員會」。當去年十二月一日。日本主席接得貴總董函所稱。「顧問委員會」。本會認爲不合事實。繼見貴局致上述委員會之函稱爲「預算委員會」。已屬範圍過狹。然尙與事實不甚相遠。故未加以爭議。乃貴局於二月三日公報發表與本主席往來函件。仍稱爲「顧問委員會」。因特致函貴局。務將該委員會名稱。改正爲「工部局經濟審查委員會」。方始名實相符。並須於貴局下期公報上予以改正。相應函達。即希查照。迅予辦理爲荷。再此後函件。如係本主席具名者。惠復請由貴總董署名。以昭鄭重。此致公共租界工部局總董費信惇。上海租界納稅華人會主席虞洽卿啓。

●上海租界納稅華人會祕書致

市黨部請委定執行委員

敬陳者。本月二十三日。上海總商會。上海各路商界總聯合會。上海公共租界納稅華人會。上海特別市商民協會等團體代表五百餘人。在上海總商會內舉行上海租界市民反對巡捕捐代表大會除議決反對辦法三項。業經專電呈閱外。當場又由納稅人嚴譔聲提議爲厚集勢力起見。擴大上海公共租界納稅華人會之組織。包含公共租界及法租界納稅人。定名爲上海租界納稅華人會。至以前之上海公共租界的納稅華人會理事。因有腐化惡化及不革命份子掛名不做事份子在內。不能積極進行。應即撤消。當場推選出臨時執行委員候補人送請貴部遴選委念一人爲上海租界納稅華人會臨時執行委員。茲特將候補委

員舒惠楨等四十二人名單送呈鑒核。敬祈迅賜委定二十一人。又候補七人。俾得積極進行。曷勝翹企待命之至。敬陳上海特別市黨部。上海公共租界納稅華人會臨時祕書嚴譔聲陶樂勤。

●上海開北房產聯合會致房客

聯合會遵從各界公意改用陽

曆收租

逕啓者。敝會於十月二十四日經開北各房主開會議決。遵從各界公意。從民國十七年一月一日起。改陰曆爲陽曆收取房租。并議自陰曆十二月初一日至初八日止。由房東另立八天之房票收取租金。俾得自十二月初九日起。（陽曆一月一日）改爲陽曆。以清界限。惟查開北房客。間有向來欠租者。均於陰曆年底交結清楚。今既改用陽曆。即應於陽曆年底如數繳清。倘有拖欠。不論何

仍應照常收取。除已登報通告外。素仰貴會爲代表閩北各房客之總機關。對於敝會此項議案。自必認爲正當。務望代爲轉函閩北各路各里房客聯合會知照。尤望貴會對於欠租問題。代房主方面。作相當公平之主張。閩北全市實利賴之。此致閩北房客聯合會總會。

### ●上海法租界房客聯合會致法律顧問吳凱聲律師請對新盛公司勒遷出屋一案根據法律秉公究辦函

據公館馬路昇平里二十四號發婦周王氏被包租人新盛公司李星聯勒遷出屋一案。特經派員與貴律師接洽。承示各節。不勝欽佩。惟查法租界房租風潮發生於民十三年。此後繼續增高。有加無已。當時法國駐滬韋總領事體察民艱。洞明事

理。毅然嚴行取締。加租風潮賴以平定。惟查該條諭內有查一千八百六十八年四月十四日法公董局所定章程及該章程第十三條之規定。核諸本租界加租風潮有關云云。則一八六八年之章程更爲詳盡。可否抄錄一份。以便印送各界參考。又一九二一年韋領事條諭誠如貴律師言。以後並無明令廢止。當然有效。此次昇平里勒遷風潮。由該包租人李星聯之所爲。應將不正當之契約（即包租合同）取銷外。並可照新刑律三百八十二條辦理。此案既承貴律師負責在先。務請根據法領條諭。秉公究辦。安良除暴。德莫大焉。

### ●中國拒毒會致財政部孫部長

#### 請調解國省禁烟糾紛函

哲生部長勛鑒。前上長函。並附敝會草擬之禁烟委員會組織大綱。諒蒙鑒及。邇來烟禁糾紛。日形

覆難。民心皇然。莫知所措。敝會責在拒毒。心所謂危。不敢緘默。爰將未竟之意。提出與鈞座縷述之一得之愚。鈞座其亦不以其多言而厭聞乎。溯自大部頒佈暫行禁烟條例已來。民怨沸騰。責難紛起。地方治安。備受騷擾。而實際所得收入。按諸大部之報告。每月僅六十餘萬。得不償失。不待智者而自明。迨後大部修正條例。期切實行。各方反對尤甚於前。最近取消招商承辦。改設江蘇禁烟藥品經理局。形雖異而實質同。浙江當局。首出反對。人民團體亦示不滿。長此以往。烟禁既失。禁烟本旨。行政且足分裂朕兆。人民信仰漸失。中央威信何存。推其至極。殊非黨國之福。敝會以爲烟禁事關全國。應由國民政府探定全國一致遵守之計劃。先總理遺訓言之最力。今中央制定之條例。既非以禁烟爲目的。推其實際。恐尚有縱毒之嫌疑。何怪民衆乘難紛起。浙江首示反對。今此行而失

敗之條例。既成衆矢之的。人民咸望大部對於禁烟條例能作澈底之改訂。以作長久之善計。免致政令朝發而夕改。人民無所適從。徒滋社會紛擾。政府收入無幾。而烟商土販從中大受漁人之利。敝會認目下禁烟達全國統一之途。需由政府開誠佈公。訂定目標。以禁烟爲主。而不以收入爲主。至不得已時。可以寓徵於禁。萬不可寓禁於徵。衡諸今日情形。當實行有限制之烟民登記政策。廣設戒烟醫院。分批定期勒戒。嚴禁外洋烟土之輸入。管理醫藥需要之麻醉毒品。庶可徐謀烟禍之廓清。而起人民於水火。凡斯舉措。萬緒千端。毫厘之差。謬以千里。故當由民政財政軍事各最高行政機關聯合組成禁烟委員會。並延請江浙省政府代表人民拒毒團體及鴉片問題專家加入合作。研究各項問題之癥結。厘定切實有效之辦法。以排一切之困難與糾紛。隨時指導禁烟之設施。

監察禁烟當局之舉動。如是則各委員咸代表相當之實力。禁烟全責由委員會全體同負之。厘定條件。既經各方之同意。定可推行全國。無所阻礙。一有問題發生。可由各委員開誠佈公。共同討論。消弭之方法。不致行政有畸重畸輕之弊。設施有捨本求末之嫌。烟禁前途。其庶幾乎。至於已往大部頒佈之條例。浙江擬行之辦法。均可暫時停止進行。先於南京或上海舉行禁烟會議。結束以前未了事件。籌備組設禁烟委員會。敝會更當隨力之所及。以人民團體之資格。為政府烟禁之後盾也。鄙陋之見。冒昧奉陳。如蒙採擇施行。烟禁幸甚。我國幸甚。忽此上達。祇頌助安。諸維朗照。弗寬。中華國民拒毒會會長李登輝總幹事鍾可託同上。

●上海華洋義振會致交通部王部長申謝核准附加郵電鐵路

公文程式大觀 第五編

振捐以救粵災

敬啟者。此次粵災奇慘。荷蒙李任潮、孫哲生兩先生會電。請附加郵電鐵路振捐二成。以資撫卹。頃敝會嚴主席直方到會報告。茲事業荷鈞長核准。日內發表。仰見慈祥在抱。惻隱為懷。同人等聞之。感激無狀。謹先代百粵災黎。竭誠申謝。特以奉達。此上交通部長王。

●上海華洋義振會致軍事委員會李委員德隣振救粵災請竭

力吹噓

德隣先生鈞鑒。此次粵遭奇禍。惟海陸豐慘烈尤甚。前蒙任潮先生轉示政府。僉電內開。粵中巨變。天日為昏。滿目瘡痍。深為憫念。會飭財政部查明籌振。茲據電請。已交財部妥籌辦理矣。等因。具徵政府救粵之誠。溢於言表。當任公瀕行。并道我公

熱忱。囑關於籌振一切。就近請教。仰佩慈懷。望風下拜。復閱報載。任公與哲生先生。恐振款一時難籌。曾電請政府附加郵電鐵路振捐二成。以一年為限一節。已有先例可援。允屬至當。頃敝會嚴主席直方到會。報告晉謁鈞座後。已請見於交通部。長王得蒙示及。此案業奉核准。日內即可發表。不禁為粵東災黎稱慶。當滋歲暮隆冬。望振甚於望歲。竊恐王粵長公務冗繁。或有遲滯之處。可否借重仁風吹噓。俾劫後餘生。早得拔諸水火。尤為敝會同人所馨香祝禱者也。專泐奉懇。敬頌助綏。

### ●上海中華國貨維持會致市政

#### 府請提倡國貨

逕啓者。竊自我國民政府定都南京以來。積極設施。勵精圖治。且竭誠贊助民衆。與之合力進行。因此我久沉之民氣。以是而漸蘇。積弱之國家。以是

而奮發也。敝會創設迄今。十有六稔。其間努力鼓吹。積極提倡。近年來我國仿造機製各種貨物。日新月異。逐年增多。且出品精良。實駕船品。今幸全國同胞咸知提倡國貨之重要。行見普遍發展。左券可操。惟以社會積重難返。言之者雖諄諄。而聽之者仍藐藐。故年來外貨之充斥也。如故。金錢之外溢也。依然。敝會每一念及。心痛異常。茲幸我政府執政諸公。卓識宏才。良謨早定。當此全國同胞一致反對日兵來華。而積極組織對日經濟絕交大同盟。此正我脫離帝國主義經濟侵略之唯一時機也。昔先總理嘗言。我國每年溢出國外金錢。多至十二萬萬。且有增加之勢。國帑安得不空。民生安得不弱。如再因循。國家破產。即在目前。欲圖挽救。非實現總理之民生主義不為功。而其第一步之工作。即為提倡國貨。惟查現在工潮時起。商業凋敝。而生活日高。支持不易。若再不予以切實

保障。則恐不特工商交困。卽工人生計。亦將發生絕大影響。得能多銷一份國貨。卽爲國家培養一份元氣。亦卽保持工人一份生計。其間關係至爲重大。用特肅函懇求我鈞長。鑒茲赤忱。俯賜令飭公安局上海縣公署。會同普遍佈告。勸諭國人。自卽日起。所有日用衣服伙食。裝飾各物。概用國貨。務須熱心毅力。持之永久。使人人有堅持遵守之天職。及勸導親友之義務。俾得家喻戶曉。父戒其子。兄勉其弟。庶足以挽漏卮而維人格。實業盛衰。國家強弱。社會狀況。人民生計。胥視此舉爲轉移。凡我民衆。亟須猛省。若再沉迷不醒。則萬劫不復矣。理合專肅奉懇。伏乞鈞鑒察核。准予查照施行。不勝公感盼切之至。

●上海新聞記者聯合會致英公使表示華人希望

公文程式大觀 第五編

英國藍浦生公使閣下。敬啓者。本會謹以誠意。希望根本改進中英兩國間之關係。故對於貴公使此次來滬。敬表示熱烈之歡迎。并懷抱極誠摯之願望。本會從事新聞事業。與民衆接觸之時較多。故深知中國之輿情所在。現在乘此機會。就中英兩國間之關係陳述數事。敬祈察核。蓋此乃中國輿論之總和也。本會深知貴國常欲促進中英兩國之邦交。故第一當以中英兩國。有相互利益關係之點。爲其外交政策之基礎。而採取適當之方針。勿因僅謀英國在華一方面之利益。而有所躊躇。本會深信欲保障一國。或一地方人民之公衆治安與秩序。不問中外。其唯一要務。卽在維持該地方之行政完全。故英國人民。當力圖避免上述情形之事。此爲本會所馨香祝禱者。本會基於上述之理由。以爲凡足以妨害中英兩國之利益。或中國行政權之完整者。應卽開誠布公。與敵國南

京政府提出討論。以期早日得完滿之解決。下列各點。即敵國全國人民所渴望早日解決者。(一)取銷中英間一切不平等條約。(二)撤廢英國在華領事裁判權。(三)恢復中國關稅自主權。(四)無條件歸還英國在華各租界。(五)撤退駐華英軍。(六)立即撤去上海鐵絲網等障礙物。(七)禁止一部份英人。挾持成見。侮罵華人。本會最後表示極誠摯之希望。願貴公使直接採取外交政策。以促進今日之中外邦交。茲本會深信惟能增進此種關係者。始能獲得國際的好感之令名。本會今茲希望貴國能首先採取此項對華政策。庶貴國與閣下當得首先享此榮譽矣。臨穎神馳。無任翹盼。

●上海國民外交後援會致旅滬

韓僑抗爭排華行動

旅華全體韓僑均鑒。報載貴國民衆爲助長旅居敵國滿洲僑民毆殺華民惡愆。復起排斥僑商貴國之華民。聞之殊堪憤激。惟猶以爲傳聞之語。或不盡實。抑貴國與敵國同爲亞洲弱小民族。而敵國有時且深憫貴國之長受日帝國之強制與蹂躪。思所以扶助貴國之獨立。要非吾人好爲嘵嘵。最近二三日。前上海貴國僑民。固嘗對吾人自承而致歉。迺至昨閱報載。奉天東邊國民外交後援會發表文內。始悉貴國境內。正大舉排華行動。並迭逞強毆殺我華僑。搗毀我華僑商店。似此野蠻無理。蔑視我中華國權。實屬可恨可惡之極。惟在別國猶可強辯。若貴國如此行爲。直忘恩而負義矣。國之被人強佔。民之被人宰割。不思自圖整刷。而竟仇視如孺孩提保姆之我國僑民。敵國舉國上下。莫不憤激。第念貴國猶多明哲。不少志士。或能追悔前愆。而制止以後。爲此初次警告。務請速

電本國制止排華。調查我遭難華僑。追認賠償。並先登報道歉。俾聯舊好而資互助。臨書神往。不勝翹企。

### ●中華婦女節制會致中央政治

#### 會議上海分會建議統一慈善

#### 團體函

近來饑饉薦臻。戰禍橫興。殷實者固能勉強維持。貧寒者不免流離失所。致婦孺乞丐。集居滬濱。特較內地爲多。垢面蓬頭。風餐露宿。不但慘無人道。抑且大喪國體。可知民生凋敝。環境如斯。救乞運動。刻不容緩。查上海慈善機關。不下數十。如上海遊民工廠。淞滬殘廢教養院。婦孺救濟會。普育堂。聯益慈善會。上海婦孺教養院。乞丐游民教養院等。皆本仁慈之懷。營救濟之務。第均各自爲政。事權龐雜。婦孺乞丐。受惠無多。苟能統一組織。以救

婦孺乞丐爲慈善團之重要工作。則恩施普遍。惠澤貧寒。社會少分利之人。民生有豐裕之望。本會以貴會爲上海最高之指導機關。爰請本先總理建設首在民生之遺訓。組織一慈善團體。統一委員會。注意救丐事業。使丐者絕跡。道途清明。千萬窮黎。沐恩匪淺。謹貢芻蕘。伏求採納。一推定委員數人。組織慈善團體。統一委員會。調查滬上各慈善機關。乃建議市政廳關於收容乞丐及其他慈善事業之種種辦法。二協同警廳分區調查滬地婦孺乞丐人數及現狀。分類統計。以便設法安置。

### ●甯波旅滬同鄉會致蔣總司令

#### 請担任徵求會員大會名譽總

#### 隊長函

敬啓者。本會自成立以還。承同鄉之熱忱愛護。慘澹經營。始有今日。本會同人。亦差以爲慰。惟是世

變方殷。團結固不可以不力。事業無窮。建設尤不可以不周。瞻顧前途。惕焉是慎。然而欲舉其事。必先集款。知難行易。尤待周章。此去年之所以宣告改組。亦即今日之所以亟謀發展也。乃回顧本會之財政狀況。入不敷出。習以爲常。更圖建設。需款尤殷。爰經第十四次常務委員會議決。於本年三月一日起。舉行第六屆徵求會員大會。所定目的。欲於本年度徵集會員十萬人。會費十萬元。並限三月三十一日以前。徵集十分之四。現正積極籌備。組隊進行。惟茲事體大。有賴乎我同鄉羣策羣力。共負鉅艱。庶幾集思廣益。衆擎易舉。而名譽總隊長一席。尤須物望素著。足爲將伯之呼者。始克勝任愉快。素仰先生名震中外。功高黨國。爲革命之領袖。民治之導師。初不以勳業而自矜。又時以桑梓相關懷。爲此公決。敦請爲名譽總隊長。想先生爲黨國前途計。爲同鄉福利計。當荷俯允所請。

會見登高一呼。萬山響應。而福國利民之鴻猷。又將小試牛刀於鄉邑。他日天下澄清。把酒共話桑麻。快何如之。本會同人亦與有榮焉。

●甯波旅滬同鄉會致徐慶雲秦潤卿請擔任徵求會員大會總

隊長總參謀函

敬啓者。本會自成立迄今。忽忽十有九年。翳維我同鄉之熱忱愛護。始克臻此。而仰賴於先生者。尤多而且鉅。凡吾甬人。孰不歌頌。惟歲月淹忽。事業無窮。斯則不得不力謀建設。以期與時俱進。永於無疆。然而欲謀其事。籌費爲先。不有的款。雖美勿舉。就本會之經濟現狀而言。維持現狀。猶虞竭蹶。自上年改組而還。辦公費用。既已增加。教育經費。又添數千。尙擬創辦其他公益。以嘉惠同鄉。故需費之殷。尤非昔比。自當積極徵求。藉圖會務之發

展。爰經第十四次常務委員會公決。於本年三月一日。即夏正二月初十日起。舉行第六屆徵求會員大會。並公決由常務委員會同各科主任。組織徵求委員會。籌備一切。又經第一次徵求委員會討論。僉以茲事體大。端賴策率羣力。共負鉅艱。而總隊長總參謀一席。尤非聲望隆崇。不足以資號召。素仰先生德高鄉邦。名重滬瀆。又復熱忱公益。樂於爲善。因而公決。敦請爲總隊長。總參謀。想先生爲同鄉福利計。當能勉效一投一舉之勞。而俯如所請。行見將伯之呼。聿奏闕效。領導所至。萬衆騰歡。本會前途。幸何如之。此致。

### ● 滬滬駁船公所致上海市財政

#### 同請取消新章船舶稅函

敬啓者。近日據各幫船戶報告。謂貴局變更船捐。增加數倍。將於一月一日實行新法徵稅。此舉實

於船家生計。大有影響。現在多數船隻。暫泊英法租界方面。不敢駛往華界。請速轉達官廳。請示辦法等情前來。當以敝業各般船。佔上海商運重要地位。船家終年辛勤。納捐數重。惟向守本分。苟延殘喘。聽人剝削。殊堪太息。乃此次增加船捐。變本加厲。壓迫過甚。以致衆情憤激。萬一激成事變。釀成不幸之事。勢必商運停頓。關係甚巨。爲特派員調查得悉此事。由駁船同業公會建議承包。此項辦法。殊欠妥善。何怪各船戶之反對。竊以敝公所成立十有餘年。以謀同業公共之利益爲唯一之職志。駁船公會者。係新創之團體。其建議變更新章。增加船捐。事前未徵求敝公所同意。亦未開邀集各船戶商議。僅憑少數人之私意。建議加捐。重苦船民。此事實出少數人貪圖中飽。賸稟官廳。細繹包捐額數與增捐之數。於公家實無增益。徒供少數人之中飽。致使民怨。竊爲貴局所不取。敝公

所夙以同業公共之利益爲前提。數萬舟人。忿激之氣。已彌漫浦江。今既有所知。不敢擁於上聞。相應函達貴局長。尙乞撤銷包商。查照原額核減徵收。其間如洋涇市。蒲松市等之船捐。應請一併撤銷。以免苛細糾葛。而維商運。至紐公誼。

〔各團體通告〕

上海特別市房客總聯合會通

告收付房租遵用陽曆

爲通告事。案奉特別市農工商局訓令內開。爲令遵事。案奉市政府第三八號訓令內開。自民國十七年一月起。本市區域內及租界上華人所有產業。收付房租。一體改用陽曆計算等因。奉此。除分行外。合亟抄錄原令。仰遵照。此令等因。附奉抄件內開。爲令遵事。案照民國紀元。改用陽曆。原順潮流所趨。示與萬國同軌之意。凡屬國民。均應切

實遵守。以昭一律。乃自北京教育部頒布曆書條例。准許民間翻印發行。遂將陰陽二曆並列。以致民間仍襲用陰曆。馴至一年之內。節關兩見。實非鄭重時憲之道。亟應切實遵用陽曆。以免紛擾。上海爲通商大埠。中外觀瞻所繫。除舊布新。允宜首倡。前次上海房客總聯合會及閘北房客總聯合會一再籲請房租遵用陽曆。卽本此意。曾由上海三商會召集房主房客兩方代表。組織房租討論委員會。於本年六月二十三日議決。准用陽曆付租。至於起始日期。呈請官廳酌定公告等語。按該聯合會之主張。極爲正當。因未經官廳公告。迄未實踐。茲據本府農工商局局長潘公展提議前來。當經第十九次市政會議議決。自民國十七年一月起。本市區域內及租界上華人所有產業。收付房租。一體改用陽曆計算。其十六年底陰曆十二月月份房。租客祇須付至十二月初八日爲止。自

十二月初九日起。即歸入陽曆十七年一月份計算。除呈報國民政府備案。暨分別函令布告外。合行令仰該局飭屬一體遵照。此令等因。奉此。查陽曆付租。既蒙市政府通令遵辦。亦經臨時法院公告實行。自應於十七年一月起。本市區域內及租界上華人所有產業。收付房租。一律改用陽曆計算。其十六年年底陰曆十二月份房租。祇須付至十二月初八日爲止。初九日起。即歸入陽曆十七年一月份計算。合亟通告各房東房客一律遵照辦理。以崇國曆而符時憲。特此通告。

### 【各團體公電】

●上海各團體電外交部爲日商壓迫潘義泰米號請向日當局提出警告

南京國民政府外交部鈞鑒。滬商潘義泰米號潘

公文程式大觀 第五編

守仁。於今年春。應滬西及新聞商聯合會之要求。向日商三井物產株式會社上海支部穀肥部。採辦安南暹邏等洋米。以接濟國內民食。乃該日商不顧信用。常有走樣缺磅情事。後潘義泰因損失過鉅。一面向該日商提出交涉。一面停止出貨。該日商爲先發制人計。遂向上海租界臨時法院。提出控告。並請將潘義泰及潘守仁住宅。執行假扣押。此種無理壓迫手段。實開通商以來未有之惡例。敝會等爲華商前途計。難安緘默。用敢聯名電陳。請求大部迅向日當局提出警告。轉飭該國商人。毋得橫施壓迫。以免糾紛。華商前途。實利賴之。臨電不勝迫切待命之至。

●上海特別市房客總聯合會電國民政府挽留張市長并主張市參事會由市民組織

一五五

國民政府鈞鑒。張伯璣市長蒞任以來。銳意改進。一切措施。方在進行之際。一旦易長。殊非市民之福。務懇爲市民福利計。予以慰留。以慰民望。不勝禱切。再市參事會爲市民代議機關。應由市民公選組織。以符民權之原則。而保民治之精神。伏祈俯順民情。尊重民意。令飭解散官廳委任之紳士。式市參會。並制定法規。予市民以參政權。市政幸甚。市民幸甚。上海特別市房客總聯合會叩迴。

### ●中國拒毒會電中央第四次全體會議請議決禁烟

#### 體會議請議決禁烟

南京中央全會鈞鑒。連日開議救國大計。薄海同欽。喁望觀成。謹電馳賀。竊以禁烟爲先總理之遺訓。亦民衆所渴念。務請成立議案。責成政府。改變寓征於禁政策。爲寓禁於征。並嚴令所屬地方軍政機關實力執行。貫徹國府三年禁絕成案。庶幾

鏟除毒害。不託空言。華夏光明。是所攸賴。中華國民拒毒會會長李登輝總幹事鍾可託叩魚印。

### ●上海南北市報關公所電東路

軍總指揮部政治部陳主任賀

#### 就職

政治部主任鈞鑒。謹肅者。景仰櫛輝。時縈葵向。卻值風和柳岸。義士興師。欣逢春到人間。功成革命。敬維政綱綜握。治理洞明。本三民以平三吳。助隆滬濱。合五權而敷五義。績著淞江。排難解紛。載道滿青天之頌。安良除暴。含飴與白日之歌。引領雲儀。傾心露祝。芝坤等同業五千。如魚如鹿。莫成一事。誠恐誠惶。幸明夏屋之庇。得無隕越。長作春申之客。共樂昇平。專肅馳賀。敬請公安。並頌新祺。百益。南北市報關公所代表石芝坤暨同業五千餘人頓首。

## ●上海廣肇公所電廣東中山縣 長請查明岐關汽車公司毀掘

### 徐氏祖墳秉公辦理

廣東中山縣鄭縣長偉鑒。頃據中山縣北嶺鄉徐肇修堂旅滬族人徐贊新、翼廷、月生、少秋、桂庭、豪詩、禮焯、逸民、子實、少峯、錦城等呈稱。訴爲毀掘墳山。侵佔管田。恃勢橫行。蔑視法紀。竊贊新等於本月由族人徐子實來滬報告。據稱敵族祖墳名獅地。又名垃圾山。坐落敵鄉。前面突遭岐關汽車公司強行毀掘。取泥築路。並將徐肇修堂管田佔據四畝有餘。不給田價。硬將田價作最低成數。作爲股份。查該公司。乃是招股營業性質。與政府築路有別。向之理說。置之不顧。該處由關開至前山。向有大路。汽車往來。通行無阻。殆非無路可通。不得已。開闢民田可比。今該公司舍舊路不由。更築

新路。以遂侵佔之謀。在肇修堂子孫。安能隱忍。無如贊新等。羈身滬濱。無法阻止。惟有將事實情形。訴諸同鄉先生之前。乞主持公道。抑強扶弱。仗義援助。電達中山縣長。飭令該公司立即停止。以免釀成事端。而安梓里。歿存均感等情前來。相應據情轉達貴縣長。迅予查明。秉公辦理。以儆不法。而平衆憤。上海廣肇公所叩魚。

## ●全皖公會電皖北革命軍前方 將士請一鼓作氣消滅逆軍

蚌埠六安合肥探投革命軍各軍長暨全體將士。勳鑒。皖北各縣前遭軍閥蹂躪。茲被奉魯逆軍搜刮。人民脂膏。剝削殆盡。當此生死關頭。得逢北伐大軍抵境。奮勇殺賊。救民於水火之中。迭克名城。逆氛掃蕩。現合肥定遠壽州六安直達蚌埠。遍懸青天白日旗。民衆得自由解放。無不歡欣鼓舞。敵

會現得各處同鄉電訊。極爲歡騰。除暴安民之功。均我前方將士奮勇革命之精神。始克臻此。目前逆軍尙退竄南宿。圖擾地方。務希我革命將士一鼓作氣。消滅逆軍。我全皖人民無任馨香祝禱。謹電慰勞。順頌勳祺。全皖公會。

### ●留日湖南同鄉會通電擁護遷

#### 都南京

南京國民政府中央監察執行兩委員會各報館各機關各軍師長各團體各學校均鑒。國民政府爲人民謀福利之最高機關。於茲革命時期。尤須有正確之指導。人民之所以信賴擁護者。不外其能以全民衆意志爲意志。全民衆福利爲福利。非若少數野心家。政權在握。卽不惜犧牲一切。以求一逞。而自棄於民衆者也。孫總理奔走國事。垂四十年。慘澹經營。始有今日。臨終尤以革命尙未成

功同志仍須努力爲囑。幸自義師出發。未五閱月。東南各省。卽次第收復。民衆咸歡欣鼓舞。冀再大舉北上。完成革命事業。而建設一三民主義之新中國。詎料師次滬上。在武漢之少數共產份子。不依民意之從違。不察時勢之需要。倒行逆施。對於革命事業。多方阻礙。對於社會秩序。多方破壞。對於農工階級。多方愚弄。致全國所期望而行將完成之革命事功。幾瀕於危。惶恐之餘。實深憤慨。茲讀國民政府巧日通電。始悉代表我民衆求福利之最高領導機關。已驅除少數共產分子。遷都南京矣。本會除竭誠擁護外。特此致賀。務祈順時勢之要求。依民衆之意志。於最短期間內。完成國民革命。以慰孫總理在天之靈。以副全國民衆首之望。國家前途。實利賴之。留日湖南同鄉會叩東

### ●甯波旅滬同鄉會電蔣總司令

請卽復職

南京蔣總司令介公鄉先生鑒。我公提師北伐。靡戰不捷。未及半載。東南奠定。繼總理之志業。揚民族之光榮。豐功偉烈。遐邇傳誦。甯漢分裂。師行停頓。黨政糾紛。理解匪易。我公委曲求全。從容引退。但顧大局。不設成心。精誠磊落。天下共見。然北敵未殲。赤禍未紓。股肱之恃方殷。腹心之患彌亟。今者干城將士。胞與黎民。環望旌麾。希公再出。若猶徘徊審度。遲遲吾行。使九仞虧一簣之功。百里稅半駕之力。何以上慰先烈。而下蘇蒸民乎。伏願我公堅不拔之志。作無畏之氣。旂鼓垂埏。壁壘一新。屬在鄉里。敢貢忠告。國勢消長。系於民情。民情從違。匪能強制。朝三暮四。以爲令。腹誹偶語。以爲禁。專制猶乖。矧在民治。要須勤求博訪。因民所利。與人之誦。澤門之謳。財務之所支配。軍需之所供億。仁昭義著。多取匪虐。精神既貫。怨咨胥泯。民爲邦本。本斯固矣。是曰植基。敢告一也。三軍所寄。首在

忠誠。助名萬年。何關細故。全廉藺之誼。交平勃之驩。勿以小己而妨大羣。勿以我見而損公義。物腐生蠹。黨隙召侮。內實既充。禦外何有。是曰量臆。敢告二也。以黨治國。大義昭然。同隸幘幘。甯有異說。顧範圍既廣。燭察難詳。善良之薰德。雖周。稂莠之害苗亦衆。或憑陵城社。或跋扈州閭。或挾衆以凌人。或藉威以牟利。飲恨者側目。受欺者吞聲。此之不圖。何以服衆。謂宜普徵耳目。嚴立科條。俾驕驕有開道之方。魍魎無遁形之地。斯無弊耳。是曰飭紀。敢告三也。敬以鄉誼。竭忱敦促。愚者千慮。或有一得。惟大君子亮察焉。甯波旅滬同鄉會委員長虞和德等同叩。

●江西民衆擁護中國國民黨示  
威運動大會電蔣總司令及前敵將士請努力殺敵

探送蔣總司令並轉國民革命軍前敵將士鑒。孫傳芳自贛境敗退後。援引二張。舉兵南下。殘民以逞。我軍爲肅清軍閥遺孽。完成國民革命工作。重整師旅。一鼓作氣。義旗所指。民衆箠食壺漿。以迎逆敵。望風披靡。一月以來。出浙民於水火。隨而解放蘇皖同胞。收回各城。迭克要塞。摧枯拉朽。江甯指日可下。松滬唾手可得。捷電飛來。萬衆歡騰。苟非我前敵將士秉承總理遺志。爲本黨主義奮關。犧牲一切。置生死於度外。何能於最短期間。建此奇勳。乃近有少數叛黨分子。造謠生事。離間挑撥。見蔣總司令功高望重。詆爲專制獨裁。希圖破壞革命聯合戰線。乘機奪取政權。蓄謀搗亂。實爲民衆所共棄。我江西農工商學各界。於本月二十三日。舉行江西民衆擁護中國國民黨示威運動大會。參加團體計二百餘。與會民衆十餘萬人。一致議決。組織江西民衆擁護中國國民黨大同盟。擁

護國民革命領袖蔣總司令。慰勞北伐前敵將士。反對中央黨部議決。改組廣東省黨部。江西省黨部。廣州特別市黨部。及鎮壓亂黨份子。鞏固北伐後防等重要議決案。伏望我武裝同志。奮勇前進。努力殺敵。我江西三十萬民衆。誓爲後盾。臨電神馳。不勝馨香禱祝之至。江西民衆擁護中國國民黨示威運動大會叩漾。

### ●上海民衆討唐大會通電爲黨除奸誓爲後盾

南京國民政府各省黨部省政府各法團各機關鑒。竊自去年本黨出師北伐。唐逆生智。鑒我軍師壯詞嚴。知難爲敵。乃輸誠乞憐。求我蔣總司令之收容。當時我政府及蔣總司令。不忍湘鄂民衆多罹兵災。冀該逆悔過自新。爲我陶鎔。乃該逆豺狼成性。封建爲懷。兩湖底定。卽思割據稱雄。縱容共

匪。屠戮民衆。私擴軍務。酷刮民財。最近復變本加厲。勾結奉張魯孫。謀危政府。馳兵皖贛。思植屏藩。巧立政府分會。反抗中央。包庇共產黨徒。搗亂後方。我政府鑒該逆叛黨叛國。已難冀改過自新。遙望湘鄂民衆。尤不忍再淪荼毒。國法黨紀。尤難貸其一死。乃下令討伐。整旗西征。義師所到。逆賊披靡。克復武漢。底定湘鄂。在指顧間。望我武裝同志。爲黨除奸。益加奮發。使鄂湘人民。早出水火。全滬市民。憤慨激昂。誓爲後盾。尤望我政府除惡務盡。務必於最短期活捉該逆。處以極刑。旣免死灰復燃。尤可懲前毖後。以爲黨國後來者戒。庶黨法圖基。安如磐石。臨電神馳。不勝盼切。特此奉聞。

### ●上海民衆討唐討奉大會通電

#### 討伐奉逆誓竭全力以爲後盾

(衝略)鑒萬惡奉系軍閥張作霖。胡匪出身。豺狼

成性。竊踞三省十有餘年。冒天下之不韙。甘作帝國主義之傭奴。始則包庇滿清帝制餘孽。意圖復辟。繼而勾結日本帝國主義。覬覦中原。毒饒高張。萬民切齒。東三省本爲中國領土。目前東省一切主權。幾完全落於日人之手。我東三省愛國民衆。迫於軍閥與帝國主義兩種淫威之下。屏氣吞聲。備嘗痛苦。然而慘遭屠殺。時有所聞。奉匪一日不除。東省同胞永無安甯之一日。乃近年奉匪之野心不死。尤復逞其淫威。達於直魯各省。結合全國殘餘軍閥。聯合反革命戰線。羅致全國反動份子。延長腐化政治。最近公然與日本談判賣國之滿蒙交涉。尤屬駭人聽聞。此賊不除。其如黨國何。故吾人欲打倒一切帝國主義。欲完成中國國民革命。非先根本剷除萬惡之奉系軍閥一切目的。萬難實現。邇來革命軍旗幟所向。萬衆歡呼。軍閥之末日已臨。革命之完成有日。伏望我國國民政府。順

天應人。於最短期間出師討伐奉逆。滅其走狗。剪其爪牙。殲其元凶。搗其巢穴。以解北方同胞之困。以慰萬衆之心。上海全體民衆誓竭全力。以爲後盾。迫切呈詞。不勝屏息待命之至。上海民衆討唐討奉運動大會叩魚。

### ●上海民衆討唐討奉大會電馮

閻兩總司令請卽努力北伐以

### 完革命大業

歸德馮總司令太原閻總司令均鑒。自國民政府出師北伐以來。一戰而撲滅吳佩孚。再戰而打倒孫傳芳。期年以來。所向克捷。國內軍閥。掃除泰半。不謂禍生肘腋。變起倉卒。共產黨譁張爲幻。搗亂後方。於是本黨不得不先靖內奸。稍稽討伐。乃奉魯殘餘軍閥。怙惡不悛。尙復勾結帝國主義。肆其陰謀。盤據擾亂。逞虐以毒民衆。負嵎以阻統一。種

種罪惡。罄竹難書。爰於本月六日。召集全市民衆大會。除電請各將領一致聲討唐逆生智。以安反側外。吾二總司令爲北方柱石。黨國干城。敬請努力北伐。滅此朝食。以竟總理之遺志。而完革命之大業。本會謹竭精誠。願爲後盾。上海民衆討唐討奉大會叩魚。

### ●上海民衆討唐大會通電各將

領對於唐逆生智一致聲討同

### 張撻伐

(銜略)唐逆生智。包藏禍心。叛黨賣國。罪惡昭著。國法之所不容。人神之所共憤。業經國府明令討伐。義師所向。不難取彼兇殘。上海民衆。特於魚日開全市討唐大會。不爲前驅。甘作後盾。特此馳電奉聞。務希各將領一致聲討。同張撻伐。不勝盼切之至。上海民衆討唐大會叩魚。

## 【民衆呈文】

### ●無錫市民顧忠琛呈江蘇省政

#### 府請設立無錫市政廳

敬陳者。竊維市政爲推行自治及一切建設之基礎。現在革命日益進展。漸入訓政時期。亟宜積極進行。使三民主義。弘收實效。早達先總理建國之目的。查無錫地濱太湖。居滬寧路中心。縮水陸交通樞紐。土地膏腴。物產豐阜。戶口繁盛。民智早開。而工商業之發達。尤爲各縣之冠。外人評量南中郡邑。每謂僅次上海一等。故自遜清之季。卽有義大利人覬覦及此。數請列爲通商口岸。年前北方政府乃有派人設局自開商埠之舉。國民政府既徙南京。上海政治分會及黨部諸公。復倡建設無錫爲模範縣之議。無錫一縣之佔國中重要位置。及在政治上關係之鉅。卽此可以概見。邑中市政

肇始。於民國紀元之歲。經營亦既有年。終以費拙及辦理不得其人。初無弘大成績可言。如街道未盡修治。衛生無人注意。略舉一二。可概其餘。至其他必要設施。尙付闕如者。尤復不可勝數。半年以來。章制屢更。最近且以市政一局。附屬於縣政府。範圍彌窄。益無進展可期。竊意爲今之計。宜將無錫市依照省定市制。列入次於特別市。應設市政廳之級。取消原有市政局。改設無錫市政廳。宏其規制。妥訂章程。遴派經驗弘富才識明敏之得力人員爲市長。暫儘原有經費。責令慎選精幹屬員。籌劃一切設施。分別緩急。次第進行。一面暫關本市稅源。俾可陸續增加經費。以謀凡百事業之擴充改良。務使有利必興。無弊不革。市民自治。日臻完善。先總理建國大綱所舉市政必要之端。粲然大備。三民主義完全實現。楷模旣樹。則倣非難。不必明定無錫爲全省各縣之模範。各縣自必競相

取法。似于訓政前途。裨益非細。忠琛無錫市民。籌維既久。竊有所見。誠難安。敢獻末議。是否可行。伏候裁核。無任主臣。敬乞垂鑒。

### ●海門縣公民黃毓之呈江蘇省

#### 政府控告土豪張督濫權武斷

#### 行強逼產請依法究辦

呈爲土豪張督濫權武斷。行強逼產。呈請依懲治土豪條例。移交特別法庭。審理究辦事。竊毓之束髮受書。卒業於天津北洋大學後。經商滬上。壹意營業。從未與人有銀錢之糾葛也。乃有海門人陳季平陳樹森者。供職上海大生紗廠賬房。特乃東南通著名土豪張督之勢。屢屢欺人。去秋夏曆八月二十九日（即十五、十、五）毓之因事旅通。不料季平串通張督。捏稱毓之脫騙伊弟樹森巨款七萬餘元。報告張督。即以南通商會會長名

義。咨行南通商埠警察廳。將毓之扣留看管。而於十月九日提毓之到會裁判。此等豪奪巧取之手腕。在普通商人來往間。從未有之。而所謂南通總商會會長張督。及其一般爪牙走狗。如陳季平等。固優爲之。而不以爲怪也。毓之由巡士監押到會時。該會長張督。及其附和之會董二人。與其爪牙並非會員之陳季平張百延等八人。已先毓之而至。不由分說。張督即宣稱爾欠陳季平款。陳季平欠大生紗廠款。即爾欠大生紗廠款。大生紗廠款。公款也。爾非還不可。更非今日還現不可。於是聲色俱厲。蓋吾國商會。果有會員爭執。但任調解。而南通商會會長張督。則發言施令。較之專制時代之官廳威權。尤過之無不及。不容當事人之置辯。更不容當事人之不遵也。毓之乃緩詞語張曰。三先生可勿受陳季平之朦蔽。毓之實未欠陳氏款。蓋欠款必有證據。季平之證據何在。且毓之與季

平。雙方均營業滬上。籍貫海門。均非貴會會員。貴會可毋庸受理也。詎料卽斯數語。而張警之怒愈甚。諭令將毓之還押警廳。一面遣其私資所辦之實業警衛隊營長張清鑑。約同通海鎮守使署副官長王鳳樓。到廳勸毓之。謂張三先生（卽張警）命不可違。違則不利。不如承認。以免危險。毓之意警廳之羈押。至多不過若干日耳。當無他慮。故未允。詎該廳長李萬里。受張象養。奉命惟護。遂置毓之於幽室。斷絕通問。飲食不得者三日。人常言南通官紳若何非法。若何黑暗。毓之猶疑之。今身歷之。而始信不誣矣。被押警廳多日。張警陳季平。忿志未逞。乃變計。於十三日。囑李以烟槍一枝。連同毓之移送南通縣署。更加恐喝。越日卽有張清鑑王鳳樓及張警姪孫張子勉。再至縣獄勸毓之。謂押廳不了。故送縣。送縣不了。將判爾徒刑五年云云。毓之身陷虎阱。呼籲無門。而其待遇之惡。凌迫

之甚。尤十倍於警廳。環顧獄內。以開罪張警而羈押者。不可勝數。或判以三年五年之罪。或禁押數年而不審不判不釋者。比比皆是。（毓之在獄記有南通黑暗記）不得已。爲保全生命計。乃允王張之勸。以一萬一千元之代價。契據交出。該據簽字之日。卽毓之出獄之日。此等情形。儼同官紳聯合綁票。不平孰甚。毓之出獄返滬。卽委律師代表登報聲明。被逼事實。並赴海門縣申訴。迄今一年餘矣。意者縣署猶懼於張。而不敢理邪。頃見報載鈞府通緝張警。列舉五罪。仰見鈞府洞燭巨奸。爲民除害之至意。欽服莫名。惟查四五二項事實。該張警平昔把持商會。商人詞訟。擅行訊理。批判並敢在其私宅。批判鄉民呈訴。目無法律。尤見一斑。此其罪四。該張警倚其弟張警勢力。包攬詞訟。挾制官府。以致歷屆縣長。莫不與之相結。以圖固位。而張警因藉以武斷縣中。魚肉鄉里。此其罪五

毓之卽爲受害之一人。沉寃年餘。何幸得覩天日。爲特呈請鈞府令行海門縣。將該案全卷申送。飭交特別法庭。緝拿土豪張督。並捉爪牙陳季平。傳集當時勸說之張鑑清。王鳳樓等。到案鞫訊。依法懲辦。庶毓之之寃得伸。而鈞府檢舉土豪。造福民衆。凡有血氣。感佩同深矣。所有土豪武斷。行強逼產緣由。理合呈請鈞府鑒核。再所呈被逼事實。均有鐵憑鐵證。到庭呈遞。毫無虛僞。合併聲明。謹呈。

●上海特別市公民秦志康等呈  
上海政治分會控訴上海租界  
各押當重利盤剝請予嚴重交

涉

呈爲押當商窟宅租界。重利病民。籲請嚴重交涉。藉圖根本解決事。竊自國民軍收復上海。凡有弊

政。悉數捐除。近閱報載。以上海全埠押當林立。重利盤剝。疊經有人呈請取締。以蘇民困。各在案。公民等以爲此仍非正本清源之道也。蓋自鴉片戰敗。五口開埠。而上海一隅。遂淪爲次殖民之地位。八十年來。帝國主義者。以此爲侵掠我國之大本營。論其妨害國權。則凡在租界之內。一切行政。僅憑工部局之發號。施令以爲準據。故卽就押當一業而論。自原則言。有類於小規模之工商銀行。從習慣言。亦是以濟有無緩急之窮。而獨上海一埠。以重利之故。遂爲人民所詬病。此則不能不痛恨租界當局立法之有以導民爲奸利也。查利錢不得過三分。爲我國向有之成例。此在酌盈劑虛之中。尙不肯供求相應之原則。而租界工部局對於押當一業。則執照中明明規定自一分起至九分以外。止分等徵收。當本千分之二。以迄千分之十。但求稅收之增多。絕不計及所在國原有之法令。

租界作俑。而毗連租界之各華界。亦當然不能自爲風氣。致有向隅之憾。於是影響普及於全上海之貧苦商民。顧有人謂租界治權。非我所及。先從華界取締。未嘗非權宜之計。不知上海全埠押當統計有四百家之多。而開設在南市閘北者。僅有三十餘家。姑勿論前此亦曾歷經被人控告有案。然卒以大多數租界押店之依恃外力。致令華界押店有所藉口。反失國家行政之威信。此已感覺取締之不易得而平也。卽退一步言。隸屬華界之押店。僅佔租界十分之一而弱。商人重利。一聞取締之訊。卽全數遷入租界。此爲易見之事。夫租界同爲領土。在前次軍閥專政時代。彼本與帝國主義者沆瀣一氣。然向不敢公然號於大衆。認租界爲應有特殊之勢力。故限期改典之令。卒遲未能實行。何況今日之上海。已在青天白日旗幟之下。收回全部租界。或尙有待。而極端違反本國政令

公文程式大觀 第五編

之事項。亦復噤不一言。是明認租界爲化外。而魚雀之驅在所不免矣。(下略)謹呈。

●寶山殷行鄉董朱家俊呈寶山

縣長請准予辭職

呈爲精神不濟。無力維持。懇請准辭鄉董職務。另委接充事。竊家俊學愧迂疏。識慚庸陋。謬承鄉人士不棄。猥於民國十四年被選爲本鄉鄉董。聞命之初。深以擔任本縣冊單局職務。事繁責重。不克兼任。迭經請辭。未邀允准。顧自承乏以來。材輕力薄。對於地方事業。愧無成績。撫躬自省。負疚良深。伏念家俊一介清寒。他鄉作客。桑梓事務。未能專心一志。迺以邇來局事紛繁。失彼顧此。精神上既感受困苦。事實上亦力有不逮。爲敢瀝陳下情。備文呈請。仰祈縣長俯賜鑒核。准予辭退鄉董職務。另委賢能接辦。俾息仔肩。而重公務。謹呈。

●上海東南區商民呈淞滬公安

局請嚴緝盜匪

呈爲盜匪持械搶劫。懇請嚴緝究辦事。竊本月三日下午七時。突來盜匪數人。各執槍械。闖入大東門內祥大布號。搜劫二十分鐘之久。被劫銀洋一千五百餘元之鉅。始揚長而去。商等皆屬毗鄰。聞耗莫不驚駭。溯自三月下旬以來。城內劫案疊見。如氈子街王姓居戶。蔓笠橋立昌東烟號。江夏里葉姓居戶。曲尺灣胡天順。魚行橋黃恆源。均先後被劫。各家損失或數十或數百元不等。近又發生祥大布號鉅劫一案。查其搶劫時間。均在下午六時至十時。以時間論。並非深夜。以地點論。鄰近鈞廳。乃該盜等竟敢如此猖獗。尤堪詫異。且滬地屢經兵燹。商業凋零。人民已覺困苦萬分。商等勢難維持殘局。益覺危險堪虞。不得已爲特環請呈廳

俯賜鑒核。迅飭幹探嚴緝盜匪。務獲究辦。以清匪氛。而安商業。實爲公便。謹呈。

●龐人銓烈士家屬呈上海特別

市黨部報告烈士被害以後家

屬概況

市黨部鑒公賜鑒。閱報載貴部調查黃愛龐人銓兩先烈旅滬家屬啓事。敬悉中央執行委員會注意黃龐兩烈士之深意。今將龐烈士被害以後家屬概狀報告於後。先夫人銓和黃烈士愛等於民國九年創辦湖南勞工會。思以羣策羣力謀勞工之解放。增進勞工之福利。不料創辦未久。即遭當地資本家及軍閥之嫉忌與壓迫。人銓等出死力與之奮鬥。不肯絲毫妥洽。因是人銓與黃烈士愛於十年一月十七日終被軍閥趙恆惕慘殺。當人銓就義之時。上有六旬老母。下有三歲女孩及

二月之嬰兒。其母自聞慘耗。幾乎痛不欲生。六年以來。無一日不在悲傷之中。老年遭此。其何以堪。佩岐此時既須仰侍阿姑。又須撫育遺孤。又因人銓家無產業。時受經濟之壓迫。似此生涯。可謂極人生之悲苦矣。黃龐被害以後。因處於軍閥高壓之下。其遺骸亦未能安埋。去歲國民革命軍入湘。打倒湘中軍閥。於是舊同志乃組織黃龐營葬委員會。設會所於謀殺黃龐之罪魁黃藻奇彭祖植之住宅。並將黃龐靈柩移於其內。不料營葬籌備尙未就緒。卽受共產黨種種壓迫。勞工會及黃龐營葬委員會同時被封。黃龐靈柩亦被其強迫遷去。拋棄於嶽麓之野。至今猶無人過問。此則佩岐所極痛心者也。至於人銓被害之慘狀。軍閥之橫暴。佩岐生存一日。卽無一刻或忘。每一念及。未嘗不痛裂肝腸。恨深切齒。然六年以來。佩岐所以隱忍苟活者。一則不欲人銓之老母於風燭殘年再

增傷感。二則欲撫育遺孤。使其能自樹立。光繼父志。三則佩岐幼年失學。竟無一技之長。此時欲爲社會盡力。直如以蚊負山。况人銓生前早有以身殉社會之決心。當分家之時。已聲言不受遺產。平時輒勗佩岐致力學問。以爲效力社會之預備。而毋以家事爲重。在勞工會橫遭壓迫之際。佩岐曾以手段不妨平和。免致激起極大反勸。勸告人銓於憤慨之餘。至斥佩岐不知大義。人銓以爲社會革命流血絕難避免。不但湖南革命者須流血。全中國全世界之革命者無不須流血。既云革命卽無和平可言。而革命者必須首先犧牲自己。佩岐當時聞此。如冷水澆背。羞愧無地。然從此益知人銓革命之真精神。此六年來追念人銓生平之言行。回憶人銓就義之悲狀。輒猛然驚醒自覺。負有一件未了之重責。佩岐如不能拋棄一家一己之安樂而爲社會稍盡微力。以繼承人銓之壯志於

萬一實無顏以對人銓於地下。卽無以安慰自己。惟是改造社會。有心無力。亦屬徒然。智識淺陋。如現今之佩岐。自立尙且未能。濟人何從就起。所以人銓就義六年。而佩岐除園一家溫飽以外。對於社會無絲毫之貢獻。此自佩岐每於清夜反省之時。異常傷痛者也。區區私願如能再從學數年。使智識稍增。卽當投身社會。爲羣衆盡力。無如寰境惡劣。經濟艱難。力不從心。徒喚奈何。去秋在湘。因不願處於暴徒壓迫之下。避走滬濱。承諸友予以經濟上之幫助。本可藉此讀書。不料滬上很少相當之婦女補習學校。所以仍無入學機會。光陰如馳。實負先夫。瞻顧前途。怒焉如搗。此尤佩岐數年來所十分痛苦者。今幸國民政府正式成立。對於黃龐兩烈士深表同情。佩岐於報告家屬情況之餘。謹述數端。懇請國民政府予以贊助。第一。希望國民政府刊行黃龐遺著。以發揚黃龐之精神。黃

龐革命精神具體之表現則在行爲。抽象之表現則在文字。前者今已昭然在人耳目。而後者則尚隱沒不彰。黃龐生前著作頗多。家族因困於經費。屢思編印而未果。國民政府倘能撥款刊行。廣爲流布。則一般青年可以了解黃龐之革命行爲。有理論作根據。實非盲從附和。黃龐之革命文字有人格爲背景。絕非空口妄談。至少對於迷信僞共產黨員之青年可以作一當頭棒喝。而黃龐革命之精神更可以垂諸不朽。第二。希望國民政府創設黃龐紀念館。以完成黃龐勞工教育事業。黃龐所致力之事業。專在謀勞工之解放。除扶助勞工團結外。更注重於勞工教育。其創辦勞工週刊平民學校。幾竭盡全力。自黃龐遭難以後。生前各種教育事業。不但不能發展。而且亦隨同消滅。今欲謀勞工教育之恢復與發展。佩岐甚願國民政府於長沙及首都南京以及勞工最多之上海。各設

立一黃龐紀念館。其中可次第設立黃龐學校黃龐圖書館工人俱樂部等。使黃龐生前所最注重之勞工教育得以繼續發展。黃龐有知，亦可含笑於地下矣。而一般民衆亦更相信國民黨打倒以前摧殘勞工教育之湘軍閥。確是爲真正之革命。確是爲扶助農工。倘再能明定黃龐就義日爲全國勞動紀念日。屆期工人一律停工紀念。使黃龐之犧牲精神深深印入於工人之腦筋。其影響當更廣大。第三，希望國民政府扶助黃龐遺族使之完成學業。將來得以繼承遺志。因是請求國民政府令全國公私立各學校凡黃龐遺族入學時。則一律全部免費。如自願求學國外。則請國民政府撥給公款。凡此種種。皆佩岐所希望于國民政府者。是否有當。敬請對黃龐深表同情之貴黨部轉請中央執行委員會。呈請國民政府察核。又佩岐有須附帶聲明者。湖南勞工會是湖南勞工所組

織。現在摧殘勞工會之軍閥及其產黨已被驅逐。而扶助農工之國民政府又已成立。黃龐等所共同創造而又受壓迫之湖南勞工會。在此時機。理應力圖發展。不過茲事體大。須待湖南勞工會會員以及湖南勞工之公決與協力。人銓之母。年老家居。未能與聞外事。其一子一女尙在小學時期。而佩岐則因幼年失學。現在則能專心補習種種常識。又無餘力參與他事。以後凡關於勞工會之事。人銓家屬概不與聞。謹呈上海特別市黨部。龐楊佩岐。

●黃愛烈士家屬呈上海特別市黨部報告烈士被害後家屬狀況并對於中央之願望

市黨部諸公賜鑒。閱報載貴黨部啓事。敬悉中央執行委員會調查旅滬黃龐家屬。足見中央尊重

二烈士之犧牲精神與扶持勞工之至意。今謹將黃烈士被害後家屬狀況及來鈴對於中央之願望報告於左。先叔黃愛與龐烈士人銓於民國九年。在湘創辦湖南勞工會。並領導革命民衆從事反對軍閥帝國主義資本家之工作。至爲猛烈。因遭當局之忌。被趙恆惕慘殺。維時我家屬處於軍閥淫威之下。莫可誰何。惟有飲泣吞聲。暫忍一時。民國十一年先祖父會與勞工會代表赴粵向孫總理請願。蒙面允查辦。後以陳炯明叛變。北伐計畫未克實現。趙逆恆惕仍繼續禍湘。先祖父憤慨填胸。於次年十一月病故。伯叔及生父亦相繼去世。全家男丁僅存來鈴一人。家產因而消耗無餘矣。現家中尙有祖母伯母孀母及生母姊妹共十一人。生活日見蹙迫。擔養責任全在來鈴一身。而齡年僅二十。學識技業毫無成就。去年因受共產黨壓迫。離湘來滬。求學江灣立達學園。一切學膳

宿費。全由鄭洪年先生捐助。其餘如國民黨謝慧生覃理鳴二先生立達學園匡互生先生袁紹先先生均各予以援助。鈴每念及先叔。悽然淚下。總想克勤克儉。努力求學。以期繼先烈遺志於萬一。惟能力薄弱。有志未逮。不能不希望政府予以贊助。今謹將願望數則列左。(一)請國民政府對於慘殺黃龐之禍首趙恆惕黃漢奇彭祖植吳景鴻蔣鋤歐李鳴九李汝賢成燐李漢云等通緝嚴辦。以昭二烈士六載之沉寃。(二)於南京國都及黃龐二烈士之就義地建立紀念館。以示政府嘉尚二烈士犧牲精神及扶持勞工之至意。(三)黃龐犧牲於中國勞動運動影響極大。希望國民政府將黃龐奮鬥事績。宣付國史館立傳。以資流傳。(四)來鈴等擬編印黃龐遺著以廣傳布。懇請政府撥給印刷費用。(五)黃龐二烈士遺族均爲無產者。凡以後黃龐遺族在國內各地任何學校肄

業。應請一律免學膳宿等費。如往國外求學。則請給予津貼。(六)黃龐被害以後。因處於軍閥淫威之下。其遺骸尙未安埋。去歲國民革命軍澄清湘省。勞工會遂得以恢復。荷湘省各界贊助。組織二烈士營葬委員會。以仇人黃藻奇彭祖植二逆私宅爲治喪會所。將二烈士遺骸迎入。不期營葬方在進行中。共產黨人另設黃龐黃汪四烈士營葬事務所。欲藉二烈士遺骸以號召國人。而擴大彼輩之勢力。一面又脅迫政府。查封勞工會。於是先烈艱難辛苦創造之勞工會。又不能存在於青天白日旗幟之下。當查封勞工會時。二烈士營葬會亦同時被封。而二烈士之遺骸竟被迫遷去。似此侮辱先烈遺骸。不啻爲黃龐仇人黃彭兩逆報復。來鈴等親凶暴舉動。非常憤激。不得已。離湘來滬。而黃龐二烈士之遺骸。共產黨竟置之不顧。現尙暴露於荒涼之嶽麓山。言之不勝痛心。現在國民

公文程式大觀 第五編

政府舉行清黨。湘中共產黨已被驅除。應請政府主葬黃龐以慰英靈。以上數端。懇請貴黨部轉達中央執行委員會。咨請國民政府核奪施行。毋任盼禱之至。謹呈并頌黨祉。黃來鈴謹呈。

●曲溪鄉難民黃有興等呈蔣總

司令爲兵匪交患懇請解救

呈爲轉呈察核事。現據曲江沙溪鄉難民黃有興等呈稱。竊養兵所以衛民。而剿匪正所以安民也。從未有如民等鄉內之剿匪。竟適得其反者。痛自烏石餘匪。竄入沙溪。未蒙跟蹤追捕。餓虎離山。逢人便噬。雖經一度重剿。賊膽已寒。未敢公然搶掠。而勒索打單。所在多有。以有限之脂膏。供無窮之慾壑。此種無形搶掠。騷擾既屬不堪。而地方狹小。卵石難與爭持。適伐者緊張。勢難兼顧。故未敢輕於妄瀆。反逢彼怒。飲恨含悲。已經數月。旋得張部

進剿。地方遼聽。莫不私相慶祝。感幸莫名。以爲雲霧將開。青天立見。詎自張部進剿以來。時已數月。不惟無寸功之可言。且有百弊而無一利。匪則逍遙自若。民則備受其殃。祠宇悉變兵房。市廛形同虛設。園中蔬菜。幾乎寸青。戶內紫茅。僅留四壁。甚且多敲詐。不曰通匪。卽曰敵探。見身家之厚薄。定勒罰之重輕。未遂其慾。卽以焚殺示威。人言有所弗惜。致有來時王公。過後獻忠之詭計。著焚去村落五六座。房屋三百餘間。所有貨物。掠洗殆盡。良民慘被槍斃。與及誤遭雙方流彈斃傷者。不下百人以致居民四散。十室九空。轉徙流離。風餐露宿。淒涼慘劫。空前所無。加以冬成正熟。穀棄於田。鄉民詣田割禾。張部放鎗立斃。最後派人向伊哀求。勒納保費三百元。始得稍事收割。而貧苦之家。欲將百十斤穀出售。爲人工油鹽之費。又復不允。要每百斤納割粟費一元。種種苛抽。實難忍痛。以致

民間收割者。僅得百分之三四。其餘未割者。盡棄於田。年來頻遭兵燹。水旱更迭爲災。民不聊生。已屬可憫。而乃因剿匪之故。救民適以殃民。兵患甚於匪患。按以當局剿匪安民之至意。實已大相背馳。現在被焚之家。立錐無地。難保不挺而走險。迫於爲匪。如張部者。誠所謂爲淵驅魚。爲叢驅雀。名曰剿匪。恐愈剿而匪愈多矣。嗟嗟。革命旗幟之下。何竟有此慘無人道之軍隊。盡情壓迫。蹂躪地方。小民何辜。獨罹此慘。查現在土匪爲數不滿二百。防軍近在馬場。相距僅三十里之程。若得正式剿辦。實一輕騎而有餘。何竟任一張部相持數月。不進不退。徒苦吾民。過去之慘無論矣。而肅請之望。渺無其期。現在種牛耕蒔。一無所遺。轉瞬來春。輟耕立見。將來不惟國課無輸。餓殍且將遍地。痛念及此。欲泣無淚。同是公門桃李。所仗者法律之護持。迫得聯名瀝叩。洟泣上陳。伏乞痾瘵斯民。立予

解救。務將張部撤退。另派正式軍隊。嚴行進剿。以最短之時間。爲肅清之限度。否則。任張部虛擄。剿匪之美名。盤據村落。爲所欲爲。而地方之生機元氣。斷喪殆盡矣。夫早肅清一日。則地方少損一分元氣。卽多蓄一點生機。庶幾濡忍須臾。曙光立見。出斯民於水火。解地方之倒懸。死活關頭。憑茲移轉。至張部應如何議處之處。聽候鈞教。臨電不勝惶悚待命之至等情。據此。除批候呈鈞部核辦外。理合備文轉呈察核。謹呈。

●公民吳建東等呈軍事機關爲  
組織全國憲兵科革命同志協  
進會請准予立案

呈爲組織全國憲兵科革命同志協進會。請准予立案。並給示保護事。竊維憲兵職務。一方爲維持軍隊之紀律。一方爲輔助警察之不逮。法至良意

至美也。而帝國主義者及軍閥。則用以擴張威權。壓迫民衆。以致全國憲兵。政出多門。各行其是。而憲兵之素質與效用。喪失。我全國憲兵科同人。久處積威之下。無法改良。殊用痛心。此次革命軍出師北伐。定都南京。現在護黨救國。首在黨紀軍紀之整飭。而整飭黨紀軍紀。實可以憲兵爲工具。建東等認目今促進憲兵之改良進步。取能協助國民革命之進行。爰聯合憲兵科畢業從事革命工作者。組織全國憲兵科革命同志協進會於南京。以爲研究憲兵學術及其服務方針之機關。以促其改良進步。並擬發行刊物。兼事宣傳。是否可行。理合檢同簡章一份。呈請察核備案。並給示保護。俾利進行。實爲公便。除呈中央執行委員會暨國民革命軍總司令南京戒嚴司令南京公安局外。謹呈。

【民衆公電】

●蕭縣地方欸產處董事劉彥昭

等電江蘇省政府報告地方財

政紊亂情形乞早謀善後方法

江蘇省政府鈞鑒。蕭縣於民國十六年一月以來。完全入於軍事範圍。政局既有變遷。知事亦屢經更易。自從民國十六年一月潘知事作霖辭職。江蘇省長委任高占元代理。高知事於一月十一日接任。正值直魯軍入主徐州。大軍南下之時。地方開駐軍隊甚多。所需給養等物。強要供給。高知事遂於縣公署附設代辦處。籌備軍需。副奉孫傳芳張宗昌命令。征發給養。設立軍事招待處。挪用地方公款墊辦。公款用罄。更提用正稅。至五月間。我革命軍克復徐州。第十軍軍長王天培委任段培基來縣代理縣務。段知事於六月七日接事。未兩月。旋奉王軍長命令調回。復委黎曉陽代理。黎

知事於七月十七日接事。組織防務局辦理招待軍隊事宜。段任交代未及造送。適奉我革命軍在徐退却。大隊由蕭城經過。黎知事不及交代。於七月二十二日夜四句鐘。隨同張師長克瑤潘師長善齋軍隊。攜印南行。當時地方秩序無人維持。經各公園公推警察所長丁仲甫臨時代理。并刊木質縣印一顆。以安人心而資信守。丁所長代理甫經一星期。直魯軍即委王培慶來縣接替。接替之次日即為八月一日。我革命軍蔣總司令計畫反攻徐州。蕭縣一路委王天培為左翼總指揮。率隊由蕭經過城陽寨。因發生誤會。致將民衆擊斃三四十人。城內因直魯抗拒。遷怒民衆。軍隊入城。大肆搶掠。又擊斃男婦老幼四五十人。並且縱放獄囚。收繳警察所保衛團槍支。演成未有之浩劫。空前之慘劇。皆八月三日下午之事也。幸而黎知事攜印回任。邀同地方紳董。一面維持善後。一面約

東軍隊。人心稍定。無如蔣總司令反攻徐州不成。軍隊復行退却。黎知事不得不隨同而走。八月五日夜晚十二時。將縣印交第一科科長藍燧保存。地方秩序又一時大亂。復經地方各公團公推第一科科長藍燧暫行代理。藍科長代理未數日。王知事培慶旋又回任。地方甫遭殘破。滿目瘡痍。王知事不恤民艱。強向地方索籌給養。事爲直魯軍總司令褚玉璞聞悉。遂將王知事調回。改委白育普來蕭接替。白知事於八月二十五日任事。正當土匪猖獗之時。白知事即率同地方警備隊及各區保衛團。屢次赴鄉剿擊。未及一月。所有蕭境內土匪一律肅清。民國十六年以來。地方匪患根深蒂固。不易剷除。詎料於時局倏擾。戰雲彌漫之際。人民獲慶安枕。是亦不幸中之幸也。此數月內。野無匪患。民樂耘耔。正值忙漕兩拒旺收之時。而東路軍忽然馳至。於本月二日。將縣城包圍。白知事

遂棄城而走。東路軍鹿總指揮入城。即委張爾其代理縣事。張縣長於本月二日下午任事。即行開會設立臨時支應局。籌備軍需。准於十六年份未征起丁漕正稅作抵。出具印收。并立時由銀米兩櫃提款籌辦。急如星火。恐誤軍食。結果東路軍圍攻徐州六日夜不下。遂於七日夜十二時下令退却。張縣長不及與地方人面辭。乃攜印西去。天明八日。地方行政又無人負責。不得已復公推第一科科長藍燧代理。九日夜十一時。白知事由徐回蕭復任。即代直魯軍籌辦給養。改設代辦處。亦准以十六年份丁漕正稅作抵。作正開支。支撐至十五日。東路軍及我革命軍四面包圍。張宗昌在徐不支。向北退却。白又出走。我革命軍第四十軍賀軍長委盛漸達爲蕭縣縣長。於十七日布告任事。當未布告任事之時。同時鹿總指揮委其參謀翁某來署接事。翁因後到。堅執讓盛。盛因有翁不願

就職。遷延至晚。卒由盛來署接事。接事後卽有兵站站長蘇佩中持公文來縣。令將十六年未經征起丁漕正稅。全數截留。籌辦東路軍軍需用品。丁漕未經征收。卽須指串發行債券。言詞絕無通融。盛縣長被逼迫不過。遂於十八日早離任回徐。蘇站長坐守縣城。督催給養。經地方各公團一再哀懇。少數接濟。幸而該軍於二十一日全數開拔。地方墊辦僅祇三四日。不然。經濟物力。雙方均難接濟矣。二十一日下午第四十軍賀軍長復委余縣長鍾淑來蕭任事。刻下地方秩序雖漸安定。而第三十三軍第一師仍有副官在縣坐索給養等物。亦云准予作正開支。第四十軍司令部亦派有副官來縣。限四日內以田賦項下抵借洋三萬元解部濟用。地方甫遭兵事。物力凋敝。滿目瘡痍。正休養生息。撫綏待賑之不暇。萬難於最短期間辦此鉅額給養款項。回憶前此翻覆。幾如電幕。觀者目

眩。聞者膽悸。屈指核計。而知事已易至十五次矣。此十五任中有有交代者。有無交代者。有時間短促。收款寥寥者。有時間較長。收款較多者。至今均莫可究詰。難於清理。其患均坐於以軍事爲中心。縣知事爲軍閥之附屬品。無論某軍當政。而某軍系統下之軍隊。卽一師長一旅長亦可命令縣知事動支正稅。籌辦給養。不曰作正開銷。卽曰核實具報。至於軍長總指揮總司令更無論矣。視國家正稅爲戰勝品。財政永無統一時期矣。在直魯軍強暴軍閥。不知政體爲何物。固不足深責。而我革命軍隊亦行就地征發。提用稅款。寧不令人失望耶。我江蘇省政。號稱訓政時期。徐州方面既經克復。是亦應如江南一體待遇。不應再以軍事爲藉口。當此凌亂。地方政事。縣長應稟承省政府命令辦理。而財政一端。尤應從速清理。并限制軍隊。不准再向縣公署及地方籌辦給養。或提取稅款。以

示劃清權限。俾入軌道。茲將一年以來各任縣知事接任交卸日期及交卸情形。造具一覽表。隨文附呈。以規年來縣行政之屢經變易。及行政上之紊亂。早謀善後方法。懇即鑒核。除呈江蘇財政廳外。謹此電呈。蕭縣地方款產處董事劉彥昭王桂陵。農會會長縱衍森。商會會長王培庵。教育會長李端光。教育局長劉世傑。農場主任王健東。市鄉董事桑雨耕。勸功昭毛延鏡。朱德寬。蔡學三。王蔭桐。劉獻符。段永元。王肇鼎。王肇祥。張慶琨。張長琨。王啓獻。縱衍森。張潤溥。王玉瑤。劉夢鳴。馬鑫三。吳宗周公叩。勸印。

●嘉興縣公民陳寶聚等電白總指揮請挽留趙縣長免予調動

上海龍華白總指揮。杭州行營羅主任。政治委員會鈞鑒。嘉興縣趙縣長。履任以來。對於地方人民

黨務。無不悉心維護。卽如年荒米貴。辦理平米。傷兵過境。慨予補助。尤屬政績顯然。現因籌辦兵災善後。正在次第進行。風聞有調動消息。地方志切攀轅。仰乞俯順輿情。暫緩更調。俾竟設施。而慰衆望。無任待命。嘉興縣民陳寶聚（名略）等同叩。皓。

●定海縣民衆電各軍警機關請求保護漁汛

甯台溫防守司令官。外海水警廳長。定海縣長。警備隊管帶鈞鑒。本屆漁汛已到吃緊之時。岱山東沙角。新道頭。念母香等處。外來各幫漁船。已達數千艘之多。人口驟增數萬。五方雜處。良莠不齊。動滋事端。海盜土匪。更多滯跡其間。危機四伏。一觸卽發。乃竟水無兵艦。陸無防軍。就地居民。驚惶萬狀。通宵達旦。不敢就枕。此誠吾岱危急存亡之秋也。溯自前清以來。每屆岱山漁汛之際。文武長官。

水陸軍警莫不先期而至。彈壓嚴防。以安閭閻。今時間迫促。迭次請求。尙未蒙縣長暨警備隊管帶蒞臨。閭閻民商。實深惶惑。茲特電請各官長。務乞俯念地方爲重。民意爲歸。迅賜會同水陸軍警。剋期到岱。以資彈壓。而維治安。戴德無涯。定海縣屬岱山各界民衆叩寒。

### 江蘇災區飢民乞命代表通電

#### 請予救濟

上海各報館轉蔣總司令。白總指揮。江蘇政務委員會。省黨部。農民運動部。農民協會。公鑒。敬啓者。吾省素以農業發達見稱。農田出產。以米棉豆麥爲大宗。近年連遭荒歉。民生本甚顛頓。加以去年夏秋。風雨爲災。禾棉盡被淹沒。秋收無著。入冬嚴寒。早降大雪。豆麥又多冰死。今年小熟。已成絕望。又因連年兵燹。災區幾遍全省。自去冬至今春。飢

民嗷嗷。就食無地。流離失所。民有飢色。野有餓殍。老弱轉溝壑。壯者散而至四方者。此其時也。吾農民所恃爲唯一之生命者。僅每年大小兩熟之收穫。往昔成例。數年中偶荒一次。尙有平糶。貼貧發賑。施衣施食。免租免稅。以工代賑等等善舉。近則地主財閥。益形驕橫。慘酷無道。平時則惟知軋取敲剝。以供其淫奢之生活。遇災則避匿一空。或潛居租界。優遊法外。號籲無靈。聞飢民之奔走乞食。輒過甚其詞。誣爲暴動。請兵彈壓。派警拿辦。凡屬佃戶。既不識字。又無口辯。有冤莫申。有口難宣。只得吞聲飲泣。穀糠就死。揆之情理。按之人道。豈得謂平。彼財閥地主。將來省政府正式成立。一切新制度頒行後。自有處置之方。茲不具論。獨怪吾革命同志之信仰三民主義者。既努力於革命之工作。而反忽於現實之民生。此實令人不能理解者也。推吾革命同志之意。以爲革命成功。對於民生

問題。自有解決之方。如租糧劃一。減輕賦稅。平均地權。遺產歸公。逆產抄沒。資本限制等等策劃。無一非解決民生問題者。此對於未受災荒之區。解決一般之民生問題。固當如是。若吾江蘇之受災區域。則另有特別情形在。倘必欲與一般民生問題一例解決。不有臨時急救方法。以維持其旦夕之生命。欲享將來真實之民生幸福。其在已成白骨之時乎。蓋凡吾飢民之所謂民生者。現實之民生也。質言之。即救我飢民目前之生命也。惟能救得目前之生命。始有將來真實之民生幸福。故目前之救命政策。尤急於將來之民生大計。吾全省人民之所以渴望北伐成功。若大旱之望雲霓。簞食壺漿。以迎黨軍。革命工作之努力。尤急於他省者。爲救吾飢民於水深火熱中也。用敢特提救荒政策數條。以爲全省災區飢民乞命。凡此所列。均爲目前被災各區之急救政策。非有關於一般之

民生問題。此當鄭重聲明者也。一、給養政策。吾省素以財富見稱。人民本業全部爲農工。商不過一種副業。所謂產業。大抵以田爲本位。大地主擁有田數萬。中地主數千。小地主數百。貧富之標準。普通以田畝之多少爲斷。租息之收入。普通每畝年收在十元以上。每一大地主。年可不勞而享佃戶所供給數百萬元之利益。中地主數十萬元。小地主數千元。平時享受佃戶之供養。既多。遇災而暫負給養之責。衡情酌理。亦非爲過。佃戶之生活甚簡單。最低限度之生活費。每戶每日苟得一元之救濟費。已可暫度目前。如此則給養十日。不過十元。一月不過三十元。實際人口之少者。三十元或可支持二月或三月。假定爲田千畝之地主。平均有佃戶五十戶。給養一月或二月。亦不過千數百元。尚可視災情之輕重。農作物收穫之成數而遞減。例如收穫五成者。其納租當然亦必五成。凡納

五成之租者。即可減爲五角。納三成者爲三角。如此遞減。爲數亦不過千元或數百元。有田千畝之地主。以數十年或數年之蓄積。而曰不能負此數十年或數年所僅遇之特別支出。是不爲也。不願也。非不能也。卽退一步想。認爲真實不能擔負此責者。尙有借貸政策在。二、借貸政策。在昔農奴時代。地主對於佃戶。尙有行所謂溫情主義者。雖出於假仁假義。然亦不失爲好行小惠之徒。亦足以收服人心於一時。近則大斗大秤。重重軋取。惟恐佃戶之稍受小惠。而必使之室如懸磬。空無所有。而後已。平時之軋取。姑恕其既往。目前之救急。當由其負責。卽曰不能給養。勢必出於借貸。借貸之數。以佃戶所種地主田畝之多少爲斷。最低限度。假定每畝二元。則種田二十畝之佃戶。可向地主借得四十元。一戶而有四十元之收入。亦得維持一月或二月之生命。惟佃戶之種田過少者。不在

此例。須酌量增加。就地主方面言。有田五百畝者。不出千元。千畝者。不出二千元。有田五百畝。或千畝之地主。而曰不能爲佃戶暫負千元之借款。其誰信之。况可仿照給養條之遞減方法。可視受災輕重。收穫成數。遞減爲每畝一元或五角。至其還法。須定爲有本無利。待年成熟時。分次清償。例如定爲本年秋季收後先還三成。明年小熟登場再還三成。大熟登場。全數還清。倘有地主亦因荒歉。未有租息收入。或一時籌措爲難。則可向當地行政機關請求。以田作保。向銀行抵借。此在地主方面。並無重大犧牲。而佃戶亦得暫救目前之急。此最爲求全之政策。再曰不能。尙有移民政策在。三、移民政策。地主與佃戶。本相依爲命。最有密切關係。遇有急難。當同甘苦。倘尙認以上二政策爲不能實行時。更有一策。足以表示地主之真實無力救濟。應由地主率領佃戶。就成熟區域。沿途求乞。或

設法派遣至成熟區域。擔任農作。或其他工業。亦當由地主代謀。此雖下策。恐難見之事實。然不如此。不能表示地主之誠意。不能信地主之真實。無力救濟。更不能實現蔡子民先生有飯大家吃。有工大家做之主張。四、追算欠稅政策。在前清時秀才舉人。以至地方劣紳之收入。都以包欠賦稅爲大宗。及至民國。此風更甚。變相秀才舉人之省縣議員。以及土豪劣紳。莫不以包欠國稅爲惟一能事。國稅原爲人民應盡之義務。國家正當之收入。既被侵吞中飽。不特有損國家正需之用途。而凡爲官吏者。既欲見好土豪劣紳。其欲保持飯碗。勢必加倍取之於無權無勢之地主。以資彌補。於是而手數料也。貼役也。巧立名目。無所不至。地主既被加倍收取。勢必取諸於佃戶。於是增高租額。放大斗稱。加重折價。軋取剝削之手段。無所不用其極。畢竟之受害。仍在佃戶。且凡包欠國稅者。尤足

爲土豪劣紳之鐵證。土豪劣紳。平素既藉包欠國稅。敲剝民脂以起家。今正要惡貫滿盈之時。應即抄沒全部家產。於最短期間。估價變賣。按歷年所欠數目。用複利清算。給發災區農民。以其剩餘。充爲農業銀行基金。借給當地農民。爲農作資本。就實在言。此項欠數。在佃戶方面。早被倍收。故可視爲佃戶平素之儲金。亦可視爲盜取於佃戶之贓物。在各縣市行政機關。固有代爲追償之義務。佃戶亦有提現認收之可能。值此嗷嗷待哺。命在旦夕之時。實行此項政策。其所得亦不少。則可濟以上三策之窮。五、善後政策。上述給養借貸移民三種政策。其救濟之負擔。似太偏重於災區。災區之佃戶。既遭荒歉。其應納田租。當然在減少或豁免之列。田租既經減少或豁免。災區地主之損失亦不少。若必欲以全部救濟責任付之。恐一時實力有所不逮。故僅責以臨時之給養或借貸。細爲災

民計算。連荒大小兩熟。欲得自謀生活。須在本年年底。本年大熟。即能不受災荒。亦不過稍補以前之虧累。尚談不到自謀生活。而本年下半年大熟之資本。以及日常生活之所需。尤非有大宗款項救濟不辦。故除以上四項臨時急救之策外。不得不再籌善後之策。所謂善後之策。(甲)募捐。組織募捐委員會。分隊向各處未受災區之殷實商家。慈善團體勸募。以爲發賑之用。(乙)帶徵。就附近未受災區之收全租納全稅之田畝。帶徵災費若干。以爲貼貧之用。(丙)逆產充公。及另訂重稅。凡不勞而獲。及土豪劣紳之起家。全由剝削農民而得。故應抄沒其全部家產。或重稅其田畝。以辦農業銀行。充農民耕作資本之借貸。但欲實行以上(甲)(乙)(丙)三種方法。除(丙)項外。手續甚爲煩重。故僅可認爲一種善後政策。六保障政策。凡屬農民。智識程度既甚短淺。久居壓迫之下。習性

又甚怯弱。雖飢寒交迫。猶不敢與地主相抗爭。夫佃戶之惟一目的。在得租種田畝。若因實行第一二三種方法。有失地主歡心。竟至借端收回其田。或轉租別人耕種。則欲圖維持一時之生命者。反致永久之失業。此應爲保障者一也。平素土豪劣紳之對農民。無異虎狼之臨牛羊。以畏縮如鼠之農民。斷不敢耕種已抄沒之逆田。即耕種矣。又深懼其反噬。此應保障者二也。再行第一第二種政策時。恐遭地主拒絕。或不承認有此佃戶。即承認矣。又恐有畝數銀數之爭。更有佃戶不認識主。或故意冒領。就食其他人家。凡此皆足以致地方秩序不寧。有失平均負擔之真意。此應由地方行政機關。選派熟悉當地情形者。爲之證明保障者三也。能如此。則田各有根。即佃各有主。計畝給銀。計戶給食。地主佃戶。雖不能相敬如賓。然決不致有紊亂地方秩序之虞矣。右述各項政策第一二三

項。所以必以田畝爲標準者。爲力求負擔之平均。以第一第四爲臨時急救政策者。爲能於最短期趕辦之故。現在北伐初告成功。百廢待舉。有改造之真意者。固憂其未遑措施。而熱中利祿者。乃視爲爭權競利之時機。此吾嗷嗷待哺之災民。所以日趨於水深火熱而無告。代表等之所以不能已於奔走號籲。以爲全體災民乞命者也。伏乞速令全省各縣市黨部。及行政機關。調查災情。斟酌採用。並以辦理荒政之勤惰。以爲一部政績之考成。災民幸甚。黨國幸甚。不勝迫切待命之至。江蘇災區飢民乞命代表季毅生、孫紹伯、曾品仁、余尚義、孟知我、李志東等江叩。

### ●朝鮮華僑通電求一致援助

各報館並轉各界均鑒。我華人僑居朝鮮。已數十年矣。彼此感情。素稱敦睦。近數年來。鮮人藐視華人。日甚一日。華人行路之間。輒遭唾罵。殆成習慣。

婦人行走。並有被其擲揄者。似此舉動。實堪痛恨。然此猶少年浮浪者之所爲也。華人不屑理論。以示優容。至若營業之中。若料理店飲食店。饅首舖等。食後不肯付值。反口出不遜。毆辱交加者。所在多有。被毆者馳赴警察派出所告愬。若遇日警公出。鮮警卽置之不理。縱將滋事人扭送到所。鮮警反爲左袒。甚至卽予釋放。曾經總領事與警署交涉。而鮮警仍多玩強。鮮人遂以爲可欺。羣相效尤。毆打之事。層見迭出。愈演愈烈。本年五月間。京城府太平通龍山青葉町等處。鮮人十數成羣。路遇華人。輒行毆打。被重傷者數人。幸經我總領事與總督府嚴重交涉。始將滋事首犯。從重懲辦。此風乃爲少息。不料本月七八兩日。外道之裏星羣山參禮江景登成悅金提靈光松汀里長城四里街新泰仁金州舒川論山連山豆溪沃川錫山伊院公州大田鳥致院天安平澤全義海州等處。函電

紛馳。咸稱鮮人聚衆二三百至五六百不等。一致驅逐華人。立逼出境。並聲言發火焚燬房屋。鷄犬不留。華人不取行動。閉門躲藏。則破門而入。尋人毆打。甚且劫奪財物而去。被重傷者不計其數。當場斃命者數人。僑情惶駭。不得已。棄產逃命。前來京仁者。刻尙絡繹不絕。我華僑何辜。受此殘暴。殊令人思之傷心。言之落淚。是而可忍。孰不可忍。雖經我總領事屢向朝鮮總督府嚴重交涉。由政務總監及警務局長通飭各地警署優予保護。但華僑散處者衆。外道警察有限。保護難周。以致發生戕害等事。若在強國。早已電請政府。酌派兵艦。以資鎮懾矣。推原此次鮮人仇視華僑。或且係因華僑來者太多。然詳細調查。今春來鮮華人。不過萬餘。商工各居其半。而工人之居間島等處謀生者。尙居十之六七。滯留此地者。爲數實屬無多。較之鮮人遷徙東省。年逾百萬者。奚啻天壤之別。華鮮

雜處。從未聞有仇視之舉。鮮人必仇華。華人豈無相當對策。利害得失。孰重孰輕。有識鮮人。當能計及。或曰係由朝鮮報紙登載東省取締鮮僑之影響。然據吉林省署復電云。本省並無驅逐鮮人事。凡在宣元界約民四新約雜居區域。均予保護。至如北滿各縣。其非商埠地方。照約不能享受租墾權利。況今當朝鮮赤化。勾結擾擾屬實。爲實行條約。保護治安起見。各公署即取締。仍持向來辦法。並無特別法令各等語。是東省對於韓僑並無驅逐安分良民及正當商人。乃鮮人不問是非。不分皂白。竟公然藉端報復。到處煽動。爲一網打盡之計。不顧道德。蔑視公理。固爲人道所不容。諒亦法律所不許。全鮮華僑數逾五萬。生命財產。危在旦夕。長此以往。恐無噍類。我華僑計無所出。除由總領事館嚴誡地方官。認真保護。並會同商會派員前往實地調查外。謹將目前慘狀。先行據情詳陳。

尙祈鑒察。所望我祖國同胞。羣策羣力。共同援助。以制冥頑而消兇燄。中華幸甚。在鮮華僑幸甚。刻下鐵原美江鎮。川原泰仁法聖浦美川泛川等處。又相繼暴動。蔓延幾及全鮮。未知伊於胡底。朝鮮華僑全體叩。

### (附海陸豐難民泣告國人書)

各省軍民長官各教育會各商會各省埠會館各團體南洋美洲各團體暨海內同胞均鑒。敝邑海陸豐赤禍橫行。時期之長久。狀況之慘烈。報端雖有披露。各界尙未周知。茲有上國民政府一呈文。曰：「爲哭陳海陸豐地方慘狀。請迅設法振救事。竊敝縣海陸豐自十三年彭湃等入寇學界。并設各鄉鎮農民協會以來。鼓吹蘇維埃主義。一般血氣未定之中小學生及地方無賴。相率附和。浸更憑藉官力。收繳民團鎗械。編設農團軍。橫施暴力。強迫入黨。殺人焚屋。劫款濫刑。兩邑居民百萬。

已在水深火熱之中。當時政府採取『聯共』政策。雖甚受禍。無門告訴。只有任其塗毒。莫敢誰何。蓋一經呼號。受害更慘也。本年春。廣東清黨。海陸豐共匪公然宣告設立蘇維埃政府。十日兇暴殘殺。死者數千。逃者數萬。至黨軍開到。始暫斂跡。然黨軍只駐縣城。不敢四出剿辦。各區鄉猶是共匪之巢穴也。未幾。葉賀由贛竄粵。兩邑共匪。又相率佔城。再設蘇維埃政府。十四日。死者逃者。益倍其數。黨軍再到。猶是問城不問鄉。共匪巢穴。依然如故。無知鄉民。以爲共黨得勢。自有無上焚劫淫殺之權威。失勢仍可散聚區鄉。黨軍仍是優待。莫敢爲難。自是膽更壯。勢更盛。脅從更多。附和更衆。行爲更暴。凡男子十六歲以上。四十歲以下。強徵入農團軍。受四個月軍事之訓練。女子強徵使任宣傳。駐城黨軍。因省城軍變。不顧地方。未幾調去。共匪更大事猖獗。第三次設蘇維埃政府於海陸豐。

城。三閱月來。無凶不窮。無惡不極。以殺人焚屋之多寡。定各區鄉蘇維埃辦事人成績之高下。故不毀田屋契據者殺。不毀阡陌者殺。住大廈者殺。着長衣者殺。有資產五百元以上者殺。商店不放棄管理權者殺。曾爲官吏者殺。年在四十歲以上者殺。受強迫參觀其父兄受刑而號泣者殺。收殮親屬未及三日之陳屍者殺。妻哭其夫。母哭其子者殺。經過刑場而太息者殺。不赴聽宣講者殺。聽宣講而不終席或不鼓掌者殺。男女十四歲以上。不遵令刺一赤字於臂上者殺。邇又糧食集中。民間存米須傾倉交出。需米則領票求糴於蘇維埃官店。并須對店門高呼蘇維埃萬歲三聲。始得納錢領米。否則鎗殺。哀哉。百萬生靈。時時處處。皆在殺中。而斬刀不利。劊子非手。砍頭連肩。劈腦帶骨。亦有未殺而先去耳者。先剝牙者。先割鼻者。先刺乳者。已殺而剖腹者。分肢者。取出腸臟以陳列者。其

逃之港澳南洋。身外無物。或中途自盡。或挨餓而斃。其逃未出境。或被截而慘死。或心悅而縊溺。殺者。溺者。縊者。殛者。驚悸者。愛憤者。無生之路。皆死之緣。碎屍山積。赤血河流。至屋宇焚燬之數。海豐縣城居民五萬餘。焚八成以上。陸豐縣城居民三萬餘。焚六成以上。公平鎮居民一萬餘。焚八成以上。汕尾居民一萬餘。焚六成以上。碣石居民三萬餘。焚九成以上。甲子居民二萬餘。焚六成以上。南塘。博尾。湖東。新田。赤石居民各一萬弱。焚七成以上。梅隴。捷勝。西坑。西山居民各約一萬。均全焚。其餘鄉村被焚二三成以上者。不可勝數。伏付廣州之變。只有二日。羣起呼號。痛覺難忍。但衡量慘狀。不及海陸豐百分之一。我國民政府尙能於事過之後。派兵靖難。撥款賑恤。力圖善後之不遑。而獨對此已死垂死之海陸豐百萬生靈。且正在日日禍甚之中。而不加顧惜。籲之廣州當局而不理。籲

之潮梅當局而未援。欲自籌武力捍禦而又不准。謂之民國之疆土。則極禍極災莫之救也。謂之化外之遼陬。則自衛自決莫之許也。年年練卒。月月動兵。所求爲何。北洋軍閥應打倒矣。不平等條約應取消矣。獨不能分萬一之力量。以救此百萬生靈乎。抑更有進者。共匪近徵十六歲以上男子入伍。訓練已三閱月。搜集兩邑現金過百餘萬。有鎗五六千桿。益以葉賀殘部。武器不可謂窳。戰術不可謂昧。主持者不顧生附和者日加衆。嶺東毗隣二十餘邑。又有半秘密同樣之組織與宣傳。曩年民間自衛鎗械。陸續被共匪勒迫收繳。誠恐燎原勢成。被禍者不獨海陸兩邑。更不獨民間生靈。迫切陳詞。伏乞迅速派兵撥款。分別勦賑。并急籌善後辦法。痛切哀極。不遑擇詞。卽祈察照施行。此呈國民政府。海陸豐兩縣難民陳清宇。張維誠。何振中等。十六年十二月卅日。共匪近在國內。尙四

處圖逞未已。苟軍事當局不特加注意。各界不羣起籌防。則海陸豐之慘禍將擴及全國。我全國人民之生命財產。將盡落於生番野獸之手。其慘痛必過於亡國喪家萬倍也。用特錄文泣告海內外同胞。願垂察焉。

借 書 到 期 表

Date Due

APR 5

JUN

13 JUN

22 MAR

NOV

JAN

MAY

1952  
1951  
1950  
1949  
1948  
1947  
1946  
1945  
1944  
1943  
1942  
1941  
1940  
1939  
1938  
1937  
1936  
1935  
1934  
1933  
1932  
1931  
1930  
1929  
1928  
1927  
1926  
1925  
1924  
1923  
1922  
1921  
1920  
1919  
1918  
1917  
1916  
1915  
1914  
1913  
1912  
1911  
1910  
1909  
1908  
1907  
1906  
1905  
1904  
1903  
1902  
1901  
1900

ア 97  
ニ 691 14

12-19046

